



رواية

قلوب

لا يعرف الحب

The heart does not know love

— شيماء نعمان —

قلب لا يعرف الحب

شيماء نعمان



التصميم: فاطمة الزهراء

مقدمة

قلب تمرد على الحب عاش سجين الامه واحزان قديمته تحولت
لسياج حديدية صلدة تقف حاجزا بينه وبين من يقترب ولكنها
وحدها انحنى لها السياج هي وحدها عبرت إلى قلبه دون سابق انذار
هي وحدها ملكت الفؤاد فمن يقف امام حب نقي من يقاوم براءة
تسللت لقلبه العنيد

حكاوي الكتب
www.hakawelkotob.com

الفصل الاول

صباح اشرفت شمسه تحمل الكثير والكثير يتقدم رجل في عقده الخامس من مكتب شابتة صغيرة تقف باحترام عند رؤيته دكتور محمد خيرى من اكبر واشهر المهندسين المعماريين رجل نال مكانته عن جدارة واستحقاق اقبل عليها مبتسما كعادته

محمد: صباح الخير يا هدى

هدى السكرتيرة: صباح النور يا فندم

يجلس على مكتبه: اجمعيلي كل المهندسين يكونوا عندي بعد عشر دقائق

هدى: حاضر يا فندم

بعد عشر دقائق يجتمع مهندسين الشركة في مكتب محمد يجلس على راس منضدة الاجتماعات يجول بنظرة فيهم

محمد: صباح الخير يا اولاد

www.hakawelkotob.com

الجميع: صباح النور يا دكتور

محمد: فين نور؟

اجابه احدهم: على وصول يا دكتور

ماهى الا لحظات وتدخل فتاة جميلة متوسطة الطول محجبتة بيضاء البشرة وبعيون عسليّة مائلّة للون الاخضر اقتربت من طاولة

الاجتماع مبتسمة

نور: السلام عليك ورحمة الله وبركاته

الجميع:وعليكم السلام ورحمة الله وبركاته

محمد:ايه اللي اخرك كده يانور

نور:معلش يادكتور كنت فى مكتب المناقصات بسحب الملف زى
انت ما طلبت

محمد:طيب اسمعونى كلكم انتوا طبعا عارفين انا ولادى كلهم
مسافرين بره وانا بصراحة تعبت من الشغل وعايز استريح عشان

كده هسافر عند ابنى فى السعوديه وهبيع الشركه

احاديث جانبية كثيرة واحساس بالضيق يملكهم جميعا

نور:ازاى يادكتور يعنى حضرتك هتسيبنا وتسافر

محمد:ايوه يانور انا ان عارف كلكم زعلتو بس عايز اطمئنكم

ان كل حاجه هتفضل زى ماهى انا اتفقت مع المشتري على كده

سأله يوسف احد مساعديه :وهو مين ده يادكتور؟

محمد:بكره هيجى وهتقابلوه اتفضلوا دلوقتى

خرجوا جميعا متساءلين عن المشتري الجديد من يكون؟

اليوم التالى الكل على استعداد للقاء المدير الجديد الساعة

التاسعة صباحا تقف امام المبنى سيارة سوداء فارهت ينزل منها

شاب فى حوالى الخامسة والثلاثين من عمره اسمرالبشرة طويل

عريض المنكبين بشعر اسود طويل نوعا ما ويتكا على عصا

يستند عليها وهو يخرج من السيارة وبصحبه فتاة سمراء بشعر اسود

طويل وملابسها الضيقة والقصيرة المستفزة

يدخل الشركه وسط نظرات من جميع الموظفين فظنوه احد

العملاء الجدد للشركه

بعد مدة يطلب محمد جميع المهندسين مرة اخرى يدخلوا جميعا
حجرة الاجتماعات يجدون محمدا مع هذا الضيف والضيفت
محمد "طبعا انتوا عرفتوا ان الشركة اتباعت خلاص وسالتم مين
صاحب الشركة احب اعرفكم بالباشمهندس { ادهم فخر الدين }
صاحب الشركة الجديد وعلى فكرة باشمهندس ادهم كان
تلميذي زيكم بالضبط

دقات سريعة على باب الغرفة وتدخل نورتردي شميز طويل على
بنظرون من الجينز وترتدي حقيبة على جانبها
اسفة للتاخير

محمد: المهم كله تمام

نور: تمام يادكتور

نظرت فوجدت اشخاص غريبة عن المكان

محمد: اقعدي يانورانا لسه كنت بقول ان الباشمهندس ادهم هو
اللي اشترى الشركة

اومات نور براسها ولم تتكلم واحست بضيق واضح عند سماعها ما
قاله محمد لاحظها ادهم الذي تفحصها بنظراته الناريت كما تعود

مع الكثيرات من بنات حواء

انتهى اللقاء بينهم وجلس ادهم مع محمد

محمد: ايه رايك يا ادهم اظن كده عرفت كل حاجت عن
الشركة والمهندسين كمان

ادهم: بس باين ان في حد مضايق من وجودي

محمد: تقصد مين

ادهم: البنت اللي دخلت متأخر تقريبا..... نور

محمد: اه ه ه بص يا ادهم نور دي مش هتلاقى زيها تعتبر افضل مهندسة عندي البنت كويست ومعايا من وهى فى الجامعة تقدر تحط ثقتك فيها وانت مطمئن

نطقت جيلان المرافقة لادهم: بس شكلها متعودة على التأخير محمد: لالا نور كانت فى مشوار شغل دي عمرها ماتيجى متأخر الا اذا كانت تعبانة وصدقنى يا ادهم حط ثقتك فى نور ومتخافش بعد فترة سافر محمد الى السعودية للاقامة مع ابنه الوحيد وترك الشركة بعدما استلمها ادهم

جيلان: مش عارفة يا ادهم ليه الشركة دي بالذات ادهم: كفاية سمعتها دي هتبقى بداية قوية ليا هنا فى السوق اقتربت منه وجلست على المكتب امامه

وقالت بدلع ايه رايك نروح شقتى نتغدى هناك

نظر اليها قليلا: وانا من امتى بروح شقتك يا جى جى

جيلان: وفيها ايه مدام واثقين من بعض خلاص

ادهم: ههههه المفروض انا اللي اقول الكلمة دي مش انتى ثم انا

مش فاضى

ضغط زر بجواره: تعالى لوسمحتى

دخلت هدى سريعا بيدها دفتر صغير: تحت امر حضرتك

ادهم: بصى يا هدى انا عايز اعرفك نظامى عشان نبقى على نور من

دلوقتي انا محبش الغلط ولا الاستهانة بالشغل مهما كان صغير

ابتعلت ريقها بصعوبة: اه طبعا يافندم اتفضل تحت امرك

املئ عليها كل ما المطلوب منها وعندما همت بالخروج:قوليلي
ياهدى مين هنا كان المسئول بعد الدكتور محمد
هدى:الباشمهندسة نور كانت دراعه اليمين في كل حاجة
ادهم:طيب خليها تيجي لوسمحتي
تذهب هدى لكتب نور المنشغلة في عملها باحد المشاريع
هدى:نور تعالي بسرعة باشمهندس ادهم عايزك
نور بضيق:عايز ايه

هدى:مش عارفة بصراحة

نور:اوكي

تذهب نور الى مكتب ادهم تستاءذن بالدخول لتجد جيلان جالسة
على المكتب امام ادهم بصورة مخجلة
نور بضيق:حضرتك عايزني
ادهم:اه

صمت سيطر على المكان وادهم منشغل باوراق امامه
التفت نور لتخرج من المكتب
ادهم:انا مقلتش امشي
www.hakawelkotoob.com

التفت نور بحدة:اه بس طلبتني ووقفنتني اودامك من غير سبب
جيلان:انتى ازاي تتكلمى كده
نور:انا موجهتش كلام ليكي انا بكلم الباشمهندس
ادهم باستفزاز:روحي هاتي ملفات العمليات الجديدة
نور:حاضر حاجة تانية
ادهم:لامتتاخريش بس مش تقوليلي بكره ولا بعده

نور: عشر دقائق ويكونوا عندك

خرجت وتركتهم واتجهت الى مكتبها وهي تشعر بضيق من ادهم

وجيلان احضرت الملف وخرجت من المكتب نادا عليها يوسف

نور استنى رايحة فين

نور بنفاذ صبر: خير يا يوسف

يوسف: ايه مالك

نور: ابدأ الراجل اللي جوه ده خنيق اوى ومستفز

يوسف: لحقتى يا شيخته تفهميه

نور: طبعا ده انا خبرة فى البشر

يوسف: ماشى ياخبرة طيب مردتيش عليا فى موضوعنا

نور: يوسف انا قلتلك قبل كده احنا اخوات وانا لحد دلوقتى مش

بفكر فى جواز ولا غيره فبلاش تتعب نفسك معايا احنا اخوات

وزمايل احسن من اى حاجته

شعر يوسف بالحزن: انا هفضل عندى امل انك توافقى عليا فى يوم

انتى متعرفيش انا بحبك ازاي

-يوسف احنا اتكلمنا قبل كده كتير وانت عارف رايى ايه اللي

يخلينى اغير رايى دلوقتى بس

-يعنى انتى مصممة

-انا خايضة عليك مش عاوزك تبني امل على حاجته مش موجودة

اساسا

علا وجهه حزن عميق برفضها المستمر له مع محاولاته المستميتة

فى اخذ موافقتها على الزواج

نور: لالا لا التكشيرة دي هتكلفك غداء النهاردة للمكتب كله

ضحك يوسف بشدة: كده ضحكت ادفعي انتي

نور: منين هو انتم خليتم حلتى حاجة اسيبك بقى واروح لقدرى

دخلت مكتب ادهم: اتفضل الملف اهو اى خدمت

ادهم: انتي روحتى تجيبى الملف ولا تتمسخرى

نور بغضب: نعم بتقول ايه

ادهم: بقول ملهاش لازمة الضحك والكلام مع زميلك فى الطريقة

نور: اه ه ه طيب بص يا باشمهندس لو لقيتني قصرت فى شغلى ابقى

اتكلم غير كده ملكش حاجة عندي اتكلم اقف انا حرة انت

مش هتحكمنى

ادهم: استنى عندك ايه محدش عاجبك ولا ايه

جيلان: باين كده يادودو

نظر اليها ادهم بغضب عندما نطقت باسمه بتغنج امام نور التي

نظرت لها بامتعاض

ادهم: شوفى يانور مدام بتشتغلى عندي يبقى تحترمي صاحب

الشركة اللى انتى بتشتغلى عندي فيها فهمتى

نور: طيب يا باشمهندس احب اعرفك انى محترمت غصب عن عين

اى حد

الفصل الثاني

تحدى عناد كانها الحرب من يفوز من يتراجع سطوته وقوته امامها
مجرد عاملة لديه كلمتها صادمة للحظات مرت بينهم كانها الدهر
قام من مكتبه نحوها غاضبا اقترب منها

ناظرا لعيناها مباشرة: بتقولي ايه سمعيني كده تاني
نور: اظن سمعتني عن اذنك وخرجت وتركتهم مندهشين من
جراتها

جیلان: ايه ده ايه البجاجة وقلته الادب دي
ادهم: ماشي يا نور ماشي شكلك مش هتيجيبها لبر معايا
دخلت مكتبها غاضبة والقت بجسدها على كرسى مكتبها دخلت
عليها صديقتها تقى وجدتها حزينتة غاضبتة
تقى: ايه يا نور مالك
نور: ابدأ مفيش

تقى: لالا وهو انا مش عارفاكى يا نور مالك بقى
قصت عليها ما حدث بينها وبين ادهم
تقى: نور انتى غلطانة بطلى اسلوب التحدى بتاعك ده ومتنسيش
انه دلوقتي صاحب الشركة ولازم تروحي تعتذري
نور: هههههه اعتذري لو فيها رفاي من الشركة مش هيحصل
تقى: عمرك عنيدة ودماعك انشف من الحجر

نور:ههههه الحمد لله انك عارفت ياتوتا بقولك انا مش فاضية
 لوجع القلب انا رايحة الموقع اتابع العمال هناك سلام
 خرجت من مكتبهارن هاتفها فردت عليه توقفت امام المصعد حتى
 وقف امامها مان ركبت حتى وجدت ادهم وجيلان امامها
 نور:ايوه يارجب لا مفيش حاجة تتطلع من غير ما اتأكد منها... لا
 انا جايت اهوو سلام
 ركبا سويا بدون اي كلام حتى خرجت من المصعد وركبت سيارة
 صغيرة الواضح عليها انها قديمة نوعا ما
 جيلان:هههه شوفت العربية ايه ده
 ادهم:زمان مكنش عندي زيها
 جيلان:بس انت دلوقتي ايه يادودو انت ادهم فخر الدين
 ادهم:عمري وانا ادهم فخر الدين بس دلوقتي بقيت ادهم العاجز
 عدة ايام مضت وهويراقب كل شئ خلف مكتبه من خلال الزجاج
 العازل الذي من خلاله يري الخارج ولا يراه احد
 كان يراها شقية مرحة مع كل من حولها ظلها خفيف تجذب اليها
 الجميع ببساطتها وخفة دمها
 كان يمر يوما على مكاتب الموظفين مع جيلان التي لا تتركه
 ابدا كظله
 سمع اصوات من ناحية غرفة المهندسين وجددهم يتحدثون بصوت
 عالي ويضحكون وهم يجلسون حول نور

ارتفع صوت احدهم ضاحكا :بس تصدقي يانوركان شكله
مسخرة وهو نازل هوب على الرمل كان نفسى اصوره وانزلها على
الفيس

نور:لالا حرام احنا بتوع كده برضه فيديو وعلى اليوتيوب عدل
اكرم:ههههه واحطله اغنية بتاعت تامر حسنى وانا عاصر على
نفسى ليمونتا بستحمل وبقول مجنونتا
صاح معه الجميع:هيه هيه هيه
ايه المسخرة دي

نطقها ادهم بوجهه الغاضب وهو ينظر اليهم ارتعب كل من فى
المكتب ووقفوا امامه بحرج شديد ماعدا نور
ادهم:اظن ده مكان شغل مش قاعدين على قهوة تغنوا وتهزورا لازم
تعرفوا ان ده مكان شغل واللى مش عاجبه يشتغل باحترامه هنا
يتفضل مع السلامة ونظر الى نور التى لم تتحرك من مكانها
وبيدها كوب شاي ترتشف منه غير مبالية بحديثه نظر اليها نظرة
نارية
www.hakawelkotob.com
تعالى ورايا يانستة نور

وخرج وتركهم خائفين من حديثه اسرع اليها زميلها اكرم بقلق
نور الله يخليكى اعملى اى حاجة مش ناقصة
قامت نور:اكرم

نعم

وانا عاصر على نفسى ليمونتا

اكرم:امشى يانور امشى

وقفت امام الباب تسترد ثقتها بنفسها دقت الباب سمعت ادهم
ادخل

كان يراجع اوراق عمله وحده بدون جيلان نظر اليها لثواني ثم
اعاد نظره مرة اخرى قائلاً:بصراحة انا مش فاهم ده مكان شغل ولا
مسرح تغنوا فيه

نور:هي الساعة كام

ادهم:نعم انا بقولك ايه وانتى بتقولى ايه

نور:شوف ياباشمهندس ياريت بلاش الاسلوب الاستهزاء ده

ثانيا الساعة دلوقتى تلاتة ونص يعنى وقت البريك بتاعنا اظن
من حقنا نعمل اى حاجة فى خلال الساعة دى

نظر اليها قليلا حتى قال:اه بس مش لدرجة انك تغنوا

نور:وايه المشكله مدام احنا محترمين اوقات شغلنا يبقى ايه

ادهم:يبقى اسمها ان اى عميل يدخل يشوف المنظر ده هيقول
شركه سايبه

نور:اولا العملاء كلهم عارفين نظام الشركه وكلهم بيعملوا
احترام لكل

ادهم:يعنى انا مش محترم حد

نور:انا مقولتش كده انا بقول ان ده من حقنا واحنا معملناش
حاجه غلط

ادهم:بقى كده ولو خصمت لكل واحد فيك اسبوع هتقولى ايه

سكتت قليلا:الى تشوفه لو ده هيرضى ضميرك عمله

التفت لتخرج اوقفها قائلاً:استنى عندك

قام من مكانه مستند على عصاه ووقف امامها فاحست بقلته
 حجمها امامه ابتاعت ريقها: افندم
 ادهم: انتى ليه واخدة اسلوب عداة معايا مع ان مفيش بينا مشاكل
 ولا حاجتة
 نور: لا طبعا مفيش مشاكل ولا فى بينى وبينك عداة بس انت اللى
 بدات باحراجى وده رد فعل طبيعى منى
 ادهم: اه ه يعنى بتردهالى
 نور: لا عادى انا بس بوضحك
 ادهم: طيب وليه اسلوبك مع زميلاك مختلف مع ان المفروض انى
 صاحب الشركة على الاقل تجاملينى ولا ايه
 نور: انا مش بعرف اجامل حد
 اقترب منها بخبث: طيب ايه رايك نتعشى مع بعض النهاردة
 اندهشت نور من جراته: اسفرت مش بخرج مع حد غريب
 ادهم: بس انا مش غريب ده انا ريئسك المباشر حتى لو جيتلى
 البيت هيحصل ايه
 وغمزلها بعينه عادى يعنى
 كانت تريد صفعه ولكنها تماكنت نفسها: هو انت عندك اخوات
 بنات
 اندهش ادهم: ايوه اتنين
 ابتسمت نور بتحدى: يبقى لازم تعرف ان كل كلمة قلتها هتقال
 لاخواتك وانا لولا انى بحترم نفسى كنت هعرفك معنى
 الكلمة دى ايه

-لا عادي انا سمعت الكلام ده كثير اوى من بنات بعدد شعر راسي
بس فى الاخر كلهم كانوا زى الخاتم فى صباعى مش بعيد تبقى
واحدة منهم

احمر وجهها غضبا كظمت غيظها بقوة تحسد عليها رفعت راسها
بنديتة :شكلك مش بتعرف غير الانواع الرخيصة لما تعرف
الغالى هتعرف الفرق ايهسلام

المواجهتة بالحقيقتة فى اغلب الاوقات تكون قاسية كسيف
يخترق البدن دون رحمة

تركته وذهبت وظل مكانه محاولا استيعاب كلماتها اللاذعة
حتى صرخ بسكرتيرة مكتبه :هدى تعالى هنا
هدى بخوف من صوته:تحت امرك

ادهم:اكتبى قرار باعفاء الباشمهندسة نورفكرى مختار من منصب
النائب وتعيين يوسف حجاج بدالها

وقفت هدى مكانها مذهولتة حتى صرخ بها :روحى اعملى اللى
قولت عليه
www.hakawelkotob.com
هدى:حاضر

ذهبت هدى وطبعت القرار وذهبت الى مكتب المهندسين

وقفت امامهم ولا تعرف كيف تعلم نور بخبر اعضاءها من منصبها

اكرم:ايه يا هدى مالك واقضت كده ليه

هدى:بصراحة فى قرار من ادم بيه ولازم تعرفوه

توقفت نور عن الكتابة دون ان ترفع راسها

تقى:فى ايه يا هدى

اعطتها الورقة لتقرأها امسكت تقى وقرات ما فيها اندهشت مثل
هدى من القرار ولم تتحدث
اقتربت روفيدة زميلتهم ممسكة بالورقة :ايه الورقة دي فيها ايه
هاتي كده

قراتها هي ايضا ولم تتكلم

اكرم:ايه احنا اترفدنا ولا ايه

دخل يوسف فجأة:نور قراتي القرار

نور:خير هدى واقضت بقالها مدة ومش عارفت الورقة دي فيها ايه

امسكت الورقة من يوسف وقراتها ومالبثت ان انطلقت في الضحك

ايه وواقفين عاملين زي اللي اكله سد الحنك ولا تزعلوا مش في

دماغى والله وبصراحتة يا يوسف كان حمل كبير عليا الله يكون

في عونك

ارتدت حقيبتها :انا رايحتة الموقع سلام يا قاطييط

اكرم:هو في ايه يا يوسف ايه اللي حصل

يوسف:مش عارف يا اكرم مش عارف

تقى :نور هي السبب

روفيدة:ازاي؟

تقى:يعنى مش عارفين نور ودماغها النشفت

يوسف:ليه هو حصل ايه

تقى:مشكلتة هايضت بينه وبين نور وهي كالعادة خدتها تحدى

ربنا يستر من اللي جاي

انتظر في مكتبه لتاتي اليه تطلب منه عودتها الى منصبها ولم يحدث وقف امام شرفة مكتبه راها تخرج وتركب سيارتها ظل ينظر اليها حتى رفعت راسها وجدته ينظر اليه ابتسمت بسخرية وركبت سيارتها ولم تبالي به

ظل يفكر فيما فعله هل كان صائبا ام خاطئا فالبفعل لايرضى ان يتحدث احد مع اخواته بهذا الاسلوب كاد عقله ان ينفجر من التفكير حتى جاءته هدى

مستر ادهم في واحد بره بيقول اسمه زياد

ادهم:اه ده زياد صاحبى وهيبقى مكانى هنا فى اى حاجة تخص الشغل لو انا مش موجود

يعنى هتتعد تشرحها وانا واقف بره

اتاه صوت زياد حتى قام من مكانه واحتضن زياد صديقه الحميه

حمد لله على السلامة يا صاحبى

زياد:الله يسلمك يا صديق

ادهم لهدى:ده باشمهندس زياد اخويا وشريكى يعنى هيبقى مكانى فى اى حاجة سامعت

هدى:حاضر يافندم تامر بحاجت

ادهم:لا اتفضلى ثم استرد:هو انتى بلغتى المهندسين بالقرار

هدى:ايوه يافندم

ادهم:ونور عملت ايه

هدى:ابدا كانت مبسوطة وقالت انها شالت حمل تقيل

ادهم:بقى كده ماشى روحى انتى

تركتهم وذهبت واقضين مكانهم

زياد: في ايه ومين نور

ادهم: اقعده بس رجلى وجعتنى

زياد: اه صحيح الدكتور سامى كلمنى بيكلمك مش بتترد ليه

بيقول ان فى دكتور جاى من المانيا كمان اسبوعين وعالج حالات

زيك كتير

ادهم: كبر دماغك انا تعبت من العمليات والعلاج سيبك انت

قولى عملت ايه

اعطاه اوراق: كل حاجة جاهزة المفروض خلال شهرين نتبدى على

طول

ادهم: تمام والباشا عامل ايه

زياد: بيلف حوالين نفسه عشان يعرف صاحب الارض

ادهم: خليه ياف لحد ما يجيلى وساعته هوريه من العذاب الوان

زياد: ادهم احنا ماشين فى سكتة طويلتة محدش عارف اخرها

والانتقام مش عارفين نهايته ايه

ادهم: لو هخسر عمرى مش هسيبه غير وهو مشلول زى ما عملت فىا

هعمل فيه.... وفيها

زياد: لسه بتحبها

ضحك ادهم بشدة: احبها احب مين انا احب ده اتمسح من قاموس

حياتى معدتش ليه وجود انا حالف لاخسرهم كل حاجة سمعنى

كل حاجة

كانت نور تركب سيارتها ويبدو عليها الغضب الشديد لقد
تمالكت نفسها امام الجميع حتى لا تظهر ضعيفت امامهم وخصوصا
هو وهي تراه ينظر اليها فقالت بينها وبين نفسها
ماشي ياباشمهندس هنشوف اخرتها معاك ايه
مرت فترة ولا يوجد جديد بينهم ماعدا تلك النظرات التي تنم
عن التحدي والعند

كان ادهم في مكتبه يراجع بعض الاوراق مع زياد فوجد اخطاء
كثيرة في الاوراق فنادا هدى
ابعتي الباشمهندس يوسف يجيلي دلوقتي
هدى:حاضر

بعد قليل حضر يوسف مرتبكا:افندم حضرتك طلبتني
ادهم:ايه الاخطاء دي كلها ياباشمهندس
تناول يوسف الاوراق وقراها:انا اسف يافندم غاطت مش هتكرر
ادهم:يعني ايه غاطت لو مكنتش خدت بالي عارف الشركة
كانت هتخسر كام ولا هو من غير نور الشركة متمشيش
يوسف:بصراحة يافندم نور كانت شايلة حمل كبير انا مش اده
فانا بطلب من حضرتك تعفيني

ادهم:روح يا يوسف روح
خرج وتركه مع زياد الذي ظل صامتا الى ان خرج يوسف
هي مين نور دي اللي من ساعة مارجعت وانا بسمع اسمها
ادهم:نور ... نور دي حكاية لوحدها من ساعة ما مسكت
الشركة واحنا على طول مشاكل ونقار مع بعض

ضحك زياد بشدة:بقي ادهم فخر الدين في بنت تعنده ولا تعمل
معاه مشاكل

ادهم شاردا:اهي دي مختلفة عن كل اللي عرفتهم حاولت كتير
اوقعها زي غيرها مقدرتش ابدا حالة غريبة متعرفش دي ازاي
ضحك زياد مرة اخرى:لتكون وقعت ولا حد سمى عليك
ادهم:ههههه وغلاوتك ما هسيبها غيرلما تيجي راكعت
زياد بحركتة مسرحية:وانا واثق

لحظات ودق باب غرفة ادهم :ادخلي يا هدى
نور:انا مش هدى

اندهش ادهم منها وهي تدخل المكتب وظن انها رجعت اتعتذر
ادهم بغرور:خير يا انسة نور
نظر اليها زياد عندما نطق ادهم اسمها

نور:حضرتك عايز تشيل منى مسئولية النائب انت حر شايف ان
كده بتعاقبني ميخصنيش بس لحد الاقى العهدة بينقص منها
حاجات يبقى لا يا باشمهندس
ادهم:عهدة ايه اللي ناقص منها حاجات

نور:عهدة الاسمنت والحديد اما يحصل انها تنتقل من مكانها تروح
مكان تاني وباذن منك يبقى ايه

ادهم:انا مامرتش بحاجة اكيد في حاجة غلط
ضغط زر بجواره:هدى ابعتي يوسف حجاج
بعد قليل حضر يوسف:تحت امرك

ادهم: تقدر تقولى ازاي عهدة من عند نور تنتقل مكان تاني من غير اذني

ارتبك يوسف: اكيد غلطة عمال يافندم

ادهم: مدام غلطة عمال يبقى حضرتك مش شايف شغلك كويس والواضح ان نور كانت فاهمة شغلها اكر منك تتفضل ترجع مكانك تاني وانا بعضيك من النائب

يوسف باحراج: اللى حضرتك تشوفه عن اذنك

التف الى نور: اظن كده عرفتي اني مليش يد في الموضوع

نور: اسفة لو كنت انضعت بس دي مسئوليته عليا وعلى العمال وهما ملهمش ذنب

نظر اليه قليلا: انا دلوقتي اتأكدت انك الوحيدة اللى تقدرى تبقى دراعى اليمين هنا

ظل زياد ينظر اليهم حتى خرجت نور: ايه ده دي صاروخ يابنى مين يقدر عليها دي

ادهم: "زياد ايه بتتكلم كده ليه مينفعش

زياد بخبت: لا والنبي مينفعش ليه هو احنا بنغير ولا ايه

ظل صامتا لم يتكلم حتى قال: مش انا اللى اى واحدة تجبرنى

احبها اكيد واحدة مختلفة ونور مختلفة بس انا خلاص تعبت

ومش حمل اجراح تاني مش حمل انى احب واحلم وفى الاخر يطلع

سراب ويرسى بيا الحال على كرسى زى ده

.....

يجلس شاردا ينفث سجائره بشراة في غرفته المغلقة عليه دائما
بعيدا عن الجميع يدق بابه ويفتح بدون اذن منه فتدخل رودينا
اخت ادهم الكبيرة فادهم له اربع اخوات اثنين من الذكور
واثنين من الاناث ورودينا هي اكبرهم جميعا
رودينا: حبيب اخته قاعد لوحده ليه حتى سعلت بشدة :ايه ده
يابنى ريحة الاوضة عاملت كده ليه انت بتنتحر
واتجهت الى الشرفة تفتحها

ايه يا حبيبي مالك قاعد لوحدهك ليه
ادهم: يعني هعمل ايه يارودي اديني قاعد اهو
رودينا: يا حبيبي اخرج للناس فين ادهم بتاع زمان اللي كانت
ضحكته ترج البيت راح فين
ادهم شاردا: مات يارودينا واندفن
رودينا: اخص عليك متقولش كده بعد الشر عنك يا حبيبي انت
زي الفل اهو وطب ده حتى في حتة بنت بره اطلع شوفها يمكن
تعجبك
www.hakawelkotob.com
ادهم: مين دي؟

رودينا: دنيا اخت داليا مرات اخوك
ادهم: يا شيخة حرام عليكى دي داليا ومستحملها بالعافية عشان
عمر استحمل اختها كمان
رودينا: هههه تصدق عندك حق بس مش يمكن يعني تعجبك
ادهم: رودى حبيبتى كبرى دماغك وفوكك منى خالص اقولك
هجوزها لاشرف جوزك

قامت عليه فجة وامسكت برقبته :اه ده عشان يبقى اخر يوم في
عمرک بجد

ضحک ادهم بشدة:خلاص خلاص يبقى اياك ايه رايبك ولا نجوزها
الحاج فخر الدين ونخلص اصل بيني وبينك شكله خستع على
الاخر وامك مش قايمت باللازم

رودي:تصدق انك قليل الادب قوم بقي

ادهم:لا لا انسى

رودي:انا نفسى اعرف هتفضل كده لحد امتي

قام من مكانه على عصاه:لحد ما اخد بتاري واشفى غليلي

رودي:انسى بقى يا ادهم انسى وعيش حياتك

التف اليها بعصبية:انسى انسى ايه انسى ستتر شهر في السجن من
غير تهمة انسى الانسانت

الوحيدة الى حبتها وقلت اخدها بالحلال وتبقى مراتي تخوني مع
صاحب الشركة وتكون شريكته اني ادخل السجن وبكل
بجاجة تجيلي السجن تقولي لو عايز تخرج من هنا تتطلقني
وبكره تكون حر ويوم ما احاول اخد حقى يتلموا عليا كلابه
ويكسروا رجلى وابقى عاجز يبقى انسى ازاي قبل ما اخد حقى
مستحيل مستحيل

احست رودي بالشفقة تجاهه:حبيبي ده كان زمان دلوقتي انت
ادهم فخر الدين رجل الاعمال وحقك هتاخده منه طول انت ناجح
ادهم:خلاص خلاص يارودي مش عايز افكر حاجة

رودي: خلاص تعالى قابل البنت شوية مش من الذوق نسيبهم
لو حدها

ادهم: ماشي ياستي عشان خطرک انتي

خرجا سويا وجلس مع دنيا فتاة مافتة للنظر بكل ما فيها بمالابسا
بمكياجها الصارخ بطريقة جلوسها ممكن ان ينجذب اليها
الكثير من الرجال اما ادهم فقد شعر بالاشمئزاز وهو يراها امامه
تركهم الجميع على امل ان تعجبه ظل ينظر اليها كثيرا وهي
تتدعى الخجل وتنظر اليه نظرات خفية لا يعرف لماذا ظهرت نور
امامه في هذه اللحظة ببساطتها واحترامه لذاتها وتعاملها مع
الجميع باحترام يجعل كل ممن يعرفها يصبح مجبورا على
الاعجاب بها قاطع تفكيره صوت دنيا "ايه هتفضل ساكت
ادهم: هقول ايه ؟

دنيا: يعني اى حاجة بصراحة نفسي من زمان اتعرف عليك بسمع
عنك كتير وعجبتني من قبل ما اشوفك
ضحك ادهم بشدة من جراتها: تعرفي احنا الاتنين مننعش لبعض
ابدا هما جابوكي هنا عشان اعين البضاعة واشوف تعجبنى ولا
مع ان المفروض انى انا الى اجيلك فى بيتك بس الموضتة
اختلفت ولا ايه

دنيا: طبعا كل حاجة اختلفت الحاجات كانت زمان مش دلوقتي
ادهم: امم عندك حق وعشان كده بقولك انى راجل صعيدى
ميعجبنيش الحال المايل ولا ارضى انى اتجوز واحدة عاملتة نفسها
عرض للرايح والجاي عن اذنك

قام على عصاه وهي تنظر اليه مندهشة دخلت اليها داليا: ايه يادنيا
عملتي ايه

دنيا: ده بنى ادم معندوش دم ولا ذوق مش كفاية انى رضيت اقعد
مع واحد اعرج

دقت الكلمة فى اذن ادهم وهو يغادر ظل مكانه لم يتحرك
لثوانى وهو يضرك عصاه بعصبية شديدة

اتجه الى غرفته ووراه امه خديجة: ايه يا حبيبي ايه رايك
ادهم: ماما انسى الموضوع ده انسيه خالص لحد ما انا بنفسي ما
اقولك ممكن يامى

خديجة: طيب ليه يا حبيبي معجبتكش
ادهم: عشان خاطر ياماما انا تعبان ومضايق دلوقتي وصدقيني
قريب هفرحك متخافيش بس بعد ما عمل العملية
خديجة: ايه هتعملها يا ادهم

ادهم: ايوه يامى هعملها وباذن الله هرجع اقف على رجلى تانى

ادهم فى مكتبه كالمعتاد يدخل عليه اكرم بعد الاستئذان

صباح الخير يا باشا

ادهم: صباح الخير يا اكرم بس وحياتة ابوك بلاش باشا دى عصر

البشوات خلاص عدى

اكرم: تحت امرك انا بس كنت جاي اعزم حضرتك على

خطوبتي

ادهم: ازاي انت مش خاطب روفيدة

اكرم: هي روفيدة بس احنا كنا يعني عاملين قرآنية فاتحت كده
بسيطة لحد اخوها ما يرجع من السفر والحمد لله رجوع وده كارت
الدعوة للخطوبة اتمنى ان حضرتك تيجي
ادهم: الف مبروك ياكرم وبارك لروفيدة بالنيابة عنى وهحاول
باذن الله احضر

اكرم: لالا حضرتك لازم تحضر هنكون مبسوطين اوى
ادهم: خلاص باذن الله

تدخل جيلان فجأة عليهم يشعر اكرم بالاحراج ويفضل
الخروج: عن اذن حضرتك
ادهم: اتفضل ياكرم
جيلان: بيبي وحشتنى اوى يا ادهم

حاولت ان تقبله لكنه ازاح وجهه بعيدا جيلان: ايه مالك فى ايه
ادهم: ابدا مفيش هيكون فى ايه كنتى فىن الايام اللى فاتت
جيلان: ابدا روحت عند ماما فى اسكندرية قعدت يومين وجيت
ادهم: اه هو انتى شايفتر ان وضعك ده طبيعى
جيلان: "تقصد ايه

ادهم: اقصدا ان وضعك مش طبيعى انتى فى حتة ومامتك فى
حتة عادى ده

جيلان باندهاش: غريبةتة يعنى مانت عارف كده ايه اللى غيرك
ادهم: ولا حاجة ولا حاجة

جيلان: طيب متنساش يوم الخميس عيد ميلادى

ادهم:ههههههه عيد ميلاد مين مش من كام شهر عيد ميلادك انتي

عايزة ايه قوليلي

وضعت يدها على خده بفنج :بصراحتا خاتم الماظ تحفتا عيني

طالعتا عليه

ادهم:اه قولي كده بقى بس يوم الخميس انا مش فاضى عندي

خطوبتا

جيلان:مين

ادهم:اكرم اللي كان هنا من شويتا

جيلان:مش لازم تروح انا اولاً ولا ايه

ادهم:ربنا يسهل



الفصل الثالث

اليوم خطوبته اكمل وروفيده كان ادهم متردد يذهب لجيلان ام الخطوبته ذهب الى بيت جيلان ووقف امام البيت قليلا يذكر ثم انطلق بسيارته الى حفل الخطوبته دخل متاخرا نوعا ما وجد الجميع في فرحة وسعادة وجد اكرم مع اصدقاءه يرقص ويغنى في قمة سعادته

حتى جاءت اغنية فيروز سهر الليالي وجددهم يلتفون حول العروسين وروفيده تذهب الى فتاة جالسة مع المدعوين بفستان احمر جميل لم يعرفها في البداية ولكنه الان تاكد انها..... نور اندهش من جمالها وسحرها والعيون تراقبها ظل ينظر اليها وهي تراقص روفيدة على نغمات الاغنية بخفة ورقية والجميع يلتفون حولهم

لاحظ اكرم وجود ادهم ذهب اليه سريعا: اهلا ادهم بيه بصراحة كنت خايف متجيش

ادهم: مادام وعدت مش هخلف وعدى الف مبروك يا اكرم وبطل بيه دي بدل ما ازعلك

اكرم: ههههه خلاص خلاص يا باشمهندس اتفضل اتفضل وصل لمكان روفيدة التي كانت مع نور واصدقاءوها

كادت نور ان تقع من طول فستانها لحقها ادهم من خصرها انزعجت
لمن يضع يده عليها والتفت لتجده ادهم تسمرت في مكانها لثواني
معدودة والتقت العيون للحظات حتى انتزعهم صوت يوسف بصوت
غاضب نوعا ما

ابقى حاسبي يانور لتتعي

التف اليه ادهم ثم انتقل الى روفيدة يبارك لها على الخطوبة
واعطاها هديتة صغيرة فتحتها لتجدها خاتم جميل فرحت بها
بشدة

استمر الحفل فترة خرجت نور الى الخارج تشم رائحة الهواء العليل
راها يوسف ذهب ورائها سريعا
عقبالك يانور

متشكرة يا يوسف عقبالك انت كمان

يوسف: من غيرك لا

نور بنفاذ صبر: يوسف اظن اتكلمنا في الموضوع ده قبل كده
وقلنا احنا اخوات ولا نسيت

يوسف: انتي اللي قلتى مش انا وانا قلت هتجوزك يعنى هتجوزك

نور بغضب: "ايه ده انت بتهددنى ولا ايه... لا انسى مش هيحصل

يا يوسف مش هيحصل لو انت اخر راجل فى الدنيا

-ليه ممكن افهم ليه

-من غير ليه الجواز عمره ما غصب الجواز باتفاق واذا مكنش

كده يبقى ملوش لازمة وانت زميلي واخويا اكثر من كده لا يا

يوسف لا

امسك يوسف ذراعها بقوة: انا قلتلك هتجوزك يبقى هتجوزك
 نرعت ذراعها من يده بغضب: انت اتجننت ازاي تمسك ايدي
 يوسف: اصلك مش هتبقى لغيري حتى لو بالغصب
 نور: انت ايه اتجننت ولا ايه مش هيحصل سمعنى مش هيحصل
 يوسف: طيب قوليلي الوان الشقة تحبها ايه
 نور: لالا انت مش طبيعي مجنون صح لالا مش مجنون انت غبي
 رفع يده ليضعها ولكن يد ادهم منعه: انت اتجننت ولا ايه ترفع
 ايدك عليها يا حيوان
 يوسف بغضب: خطيبتى وانا حر معاها
 التف الى نور: خطيبك
 نور: لا طبعا ولا عمره هيكون سمعت يا يوسف
 يوسف: ماشى يانور هنشوف انا ولا انتى
 تركهم وغادر وعيونه عليهم
 ادهم: مكنتش ينفع تقضى معاها لو حدكم
 نور: انا مكنتش معاها انا واقضت لو حدى جه ورايا
 ادهم: ايوه بس اصراره ده عجيب اللى يشوف كده يقول بينكم
 حاجت
 نور بغضب: انا مفيش بينى وبين حد حاجت يا باشمهندس ولو عايزة
 هيبقى فى النور واوادم الناس دى كلها
 ادهم: انا اسف مقصدش واللّه انا بس شايف انه غريب
 نور: هو فعلا غريب مش عارفت ماله كده
 ادهم: هو بيشرب حاجت؟

نور: حاجت ايه

ادهم: يعنى مخدرات كده

نور: بصراحة معرفش عن اذنك

ادهم: نور استنى بصى انا مقصدش ازعلك واللّه احنا من ساعت ما
اتقابلنا واحنا ديما فى نقار من غير سبب ولا ايه

نور: شوف ياباشمهندس انا عمري ما كان بينى وبين حد عدواة من اى
نوع بس انت فى الاول ضايقتنى وانا رديت عليك لاني انا مش
بسيب حتى بس انت اتمديت فى احراجى اكثر من مرة وبعدين
عينت يوسف مكانى انتقام منى على رفض عزومتك مع انك
المفروض تبقى مقتنع بكلامى ولا ايه

ادهم: ومين قالك انى مقتنعتش بكلامك بالعكس عجبني
ردك اوى لانك حسستينى ان لسه فى ناس بتعرف تربي اولادها
وكونى عينت يوسف مكانك ده مش عقاب لا انا كنت عايز
اعرف رد فعلك ايه والدليل انك رجعتى مكانك تانى عشان انا
نفسى عرفت انك الوحيدة اللى ممكن احط ثقتى فيكى
ومخافش

نظرت اليه باندهاش: طيب وليه كل ده

اقترب منها قليلا: عشان انا ديما بحب اعرف الناس اللى يهمونى
وانتى تهمينى

نور: يعنى ايه

ارتبك قليلا: اقصد ان دكتور محمد وصانى عليكى انتى بالذات
وقالى حط ثقتك فى نور وكان لازم اتأكد واتأكدت خلاص

نور:من ايه

ادهم:ان ممكن احط ثقتي فيكي ومخافش

نور:يانور

نادتها تقى فالتفت اليها:ايوه ياتقى جايتة حالا

التفت لادهم:عن اذنك

ادهم:نور

نور:ايوه

ادهم:انا اسف لو كنت زعلتك مني غصب عنى صدقيني

لا تعرف ماذا حدث لها يتستطيع انزال عينها من عينه ولكنها

انتفضت فجأة واستغضرت ربها سرا وابتعدت سريعا وهو ينظر اليها

وعيناه لا تفراقها

ركبت سيارتها مع تقى ولكن السيارة لم تستجيب مرارا وتكرارا

وجدت ان عجالاتها الاثنين قد اصابهم خلل ولن تتحرك من

مكانها الا بتبديلهم وليس لديها بديل لهم

تقى:طيب هنعمل ايه دلوقتي

نور بضيق:مش عارفة ياتقى واحاف نركب تاكسى لوحدنا

اتاه صوت يوسف من خلفها:وليه تاكسى ما انا موجود اتفضلوا

تقى:يلا يانور يوسف يوصلنا

نور باصرار:لا

تقى:ليه بس بدل مانمشي لوحدنا

نور:لا ياتقى مش هركب ونظرت ليوسف الذى قد بدا يفقد

اعصابه

اركبي احسناك مش هتلاقى تاكسى هنا
نور:شكرا هدور على اى عربيت
راهم ادهم يقفون مع يوسف الذى بدا عليه الغضب اقترب منهم
ايه يا جماعة فى حاجت
تقى :ابدا الكاوتش اتخرم ومش عارفين نمشى ونور رافضت يوسف
يوصلنا
نظر الى السيارة:فردتين مرة واحدة اكيد بفعل فاعل
نور:يعنى ايه
نظر ليوسف الذى بدا عليه العرق
يعنى حد قاصد يعمل كده افضلى العربية وتعالوا اوصلكم زى
ما انتوا عايزين
تقى:يلا بقى يانور
نظرت ليوسف بتحدى :خلاص ماشى موافقت
ركبتا السيارة مع ادهم وعيون يوسف تشتعل بالغضب كانت تقى
بجانب ادهم ونور فى الخلف ظل ينظر اليها فى مرآة السيارة احيانا
تلتفت تجده ينظر اليها فتتنظر فى الجانب الاخر اكثر من مرة
حتى نزلت تقى ووصلت بيتها
تقى:متشكراوى يا باشمهندس على التوصيلت
ادهم:على ايه انا معملتش حاجت
تقى : تصبحوا على خير سلام يانور
تركتهم وغادرت حتى قال ادهم:مممكن تتطلعى اودام اصل اللى
يشوفك كده يقول السواق بتاعك

نزلت وركبت بجواره على مضض ظل ينظر اليها كثيرا وهى
مبايئة به حتى وصلوا قريبا من منزلهم:هنا لوسمحت
ادهم:هو البيت هنا

نور:لا هو كمان شوية بس انا هكمل عادى
ادهم:لا لا مينفعش لازم اوصاك لحد البيت
نور:ملوش لزوم كفاية هنا
ادهم:لا هوصاك لحد البيت

بعد اصرار منه وافقت :هنا كويس متشكرة اوى
ادهم:نور ممكن اطلب منك طلب
نور:خير

ادهم:ايه رايك نتغدى بكرة مع بعض فى اى مكان انتى تختاربه
التفت اليه بغضب:اظن سبق وقولت لحضرتك انى مش بخرج مع
حد غريب

ادهم:اعتبريها معاهدة صلح بينا
نور:اولا مكنش بينى وبينك حرب عشان يبقى فى معاهدة صلح
وثانيا انا مش بخرج اى مكان مع اى حد غريب

ادهم:انتى ليه مصرة تعملى بينا مسافات وحواجز
نور:عشان هو ده الصح

امسك يدها فجأة اندهشت من جراته نزعته يده عنها:
اديك طلعت زيك زى يوسف وخرجت من السيارة واغلقت بابها
بعنف

ظل ينظر اليها وهي تدخل بيتها وهو يلوم نفسه على فعلته ولكنه
لا يعرف لماذا فعل ذلك
عادت نور الى بيتها وجدت ابواها واخته الصغرى مريم واخيه مازن
يشاهدون التلفاز

نور: السلام عليكم دار قوم مومنين

الجميع: وعليكم السلام ورحمة الله وبركاته

والدها فكري مختار وهو مدرس اول سابق خرج على المعاش منذ
فترة صغيرة ووالدتها امل ربة منزل مثلها مثل اغلب الامهات

اما مريم فهي طالبة في الفرقة الثالثة كلية الاداب

اما مازن فهو توام مريم ولكنه بالفرقة الثالثة بكلية التجارة

امل: ايه اللي اخرك كده يانور

نور: اسكتي يا ماما مش العربية عملتها معايا وفردتين الكاوتش
ناموا

فكري: ازى الكلام ده ده انا لسه مغيرها من يومين والاتنين طيب
جيتي ازاي

ارتبكت قليلا: بصراحة يابابا بشهمنس ادهم صاحب الشركة
وصلني انا وتقى

فكري: وده ينفع يانور تركبي مع راجل غريب

نور: والله يابابا كنا مضطرين وخضنا نركب تاكسي لوحدنا

امل: خلاص يافكري ثم صاحب الشركة يعني اكيد راجل
محترم ولا ايه يانور

نور بغيط: اه محترم اوى

فكرى: نور دى اخر مرة تحصل سمعتينى
 نور: حاضر يا بابا عن اذنكم داخلنا انام تعبت اوى النهاردة
 الجميع تصبى على خير
 دخلت معها مريم: ايه يا نور قوللى بقى صاحب الشركة ده هو
 ادهم اللي حكيتلى عنه قبل كده
 نور: ايوه يا مريم هو
 مريم: طيب هو شكله ايه
 نور: مريم تصبى على خير اختك هلاكانت
 ظل ليله يفكر فيما فعله عندما بدأت تترك عنادها هي حتما
 ستعود لما كانت عليه تدخل عليه رودينا وهو شارد تقطع
 تفكيره: اخى العزيز سرحان فى ايه
 ادهم: هو انتى كل شوية هنا ملكيش بيت يارودى
 ضربته على كتفه: اخص عليك هو عشان اشرف مسافر يومين
 هتزهق منى
 قبل راسها بحنان: حبيبتي ده بيتك يا قلبي انا نفسى بس تسمى
 الكلام وتيجى تعيشى فى الشقة بتاعتك فوق
 رودى: شوية كده يا ادهم لسه سنتى على عقد الشقة ما يخلص بس
 سيبك منى كده وقولى مالك
 ادهم: ابدا كل ما افكر انى بصلح حاجة اتاريني بخسرها
 رودى: تقصد ايه
 ادهم: هقولك بس اوعدينى محدش يعرف بالكلام ده غيرى انا
 وانتى

رودي: حبيبي من غير ما اوعدك انت عارف سرک في بيرقول بقى
قص عليها كل ما حدث مع نور من يوم لقاءهم حتى اليوم
ادهم: ايه رايبك بقى

رودي: بصراحة انا لو مكانها كنت قتلتك بنت جدعة مش زى
الزفتة اللى عاملت زى اللزقة وراك فى كل حتة ومفيش بينكم
اي ارتباط

ادهم: لالا دي حاجة تانية خالص كل حاجة فيها مختلفة
متعرفيش ليه شقاوتها ولاضحكتها ولا اخلاقها حاجات كتير اوى
بس عنيدة اوى يارودي

ضحكت رودي بشدة: هي فعلا حاجة تانية بامارة انها خليتك
مشغول بيها

ارتبك ادهم: لالا مش مشغول ولا حاجة عادى يعنى
رودي: لا مش عادى وانا متاكدة انك بدات تحبها اعترف يا ادهم
حتى لو بينك وبين نفسك

www.hakawelkotob.com

خرجت نور من بيتها كالمعتاد لتذهب لعملها وجدت السيارة امام
المنزل لاتعرف كيف اتت ومن جاء بها الى هنا وقفت تنظر
اليها حتى تتأكد انها هي وجدت ظرف معلق عليها اخذتها وقراته
شوفى يانور من غير مقدمات كتير انا اسف معرفش ليه
عملت كده بس والله انا مش زى يوسف انا غلطت اه
بس هتصدقينى لو قولتلك معرفش ليه كان عندى رغبة قوية

انى امسك ايدك انا بعذرلك تانى واوعدك معدتش هتحصل
ابدا

اغلقت الورقة وابتسمت ابتسامت خفيفة ركبت السيارة وهى تشعر
بسعادة لاتعرف سببها تحاول ان تفهم ادهم غريب الاطوار هذا فمن
اول لقاء لهم وتصرفاته مختلفة عن كل مرة
نفضت راسها بشدة:وانا مالى انا كل واحد حر
دخلت الشركة تلقى الصباح على كل العاملين كعادتها عندما
همت بدخول مكتبها وجدت يوسف امامها

يوسف:صباح الخير يا نور

نور:اهلا صباح النور

يوسف:مممكن اعرف ازاي مترضيش تركبى معايا العربية
وتركبى مع راجل غريب

نور:اولا حركة العربية دي مش هتخيل عليا يا يوسف انا متاكدة
ان انت اللى عملتها ثانيا باشمهندس ادهم مش غريب ولا حاجت ده
صاحب الشركة ولو كان غريب انت كمان غريب وتصرفاتك
بقت اغرب

همت بدخول المكتب امسك يدها مرة اخرى صرخت فيه وهى
تنزع يدها

انت ايه مجنون احترم نفسك بقى

يوسف:يعنى هتعملى ايه

جاءه صوت من خلفه:انا اللى هعمل مش هيا

التف خلفه فوجد ادهم يقف وراءه يشاهد كل شئ

ادهم: يوسف تعالى على المكتب عايزك

ذهب الى مكتبه وخلفه يوسف جلس على المكتب ينظر له
بنظرات متفحصه

ادهم: انت عايز ايه من نور يا يوسف

يوسف: دي حاجه شخصيه يا باشمهندس ملهاش علاقه بالشغل

ادهم: اه طيب بص يا يوسف لو قربت ناحيه نور تاني هتشوف مني
وش صعب اوى تعرفه

يوسف: ده تهديد ولا ايه

ادهم: اعتبره زي ما تعتبره المهم تعرف انك لو قربت منها ولا
ضايقتها مش هيحصلك طيب سمعتني

يوسف: ماشي يا باشمهندس عن اذنك

هما ليخرج نداء ادهم: بقولك ايه بلاش الحركات البيئه دي
مفيش واحد محترم يفرق كاوتش عربيه بنت في وقت متاخر

كده عشان تركب معاه مش رجولته يعني

يوسف: متشكرين على النصيحه عن اذنك

كان يوسف وصل لحد كبير من الغضب من ناحيه ادهم وبدا
يشعر ان هناك شئ غريب بينه وبين نور بدليل انها تركته وذهبت

معاه

دار يومهم عادى الا ان هناك اوراق تحتاج امضاء من ادهم ذهبت
اليه لم تجد هدى في مكتبها اقتربت من الباب دقت عليه فسمعت

صوت ادهم: ادخل

ادهم: نور استنى

قام من مكانه على عصاه لاتعرف لماذا احست بالشفقة عليه
للحظات حتى وقف امامها

ادهم: نور انا مش عارف ليه ديمنا مش بنالحق نتصالح نزل بسرعت
تانى

نور: لا ابدنا وانا هزل ليه

ادهم: نور انا ممكن اغيب فترة عن الشغل عشان هعمل عملية
وعايزك تبقى مكانى انا وزياى صاحبى وشريكى فى فترة غيابنا
نور: "عملية ايه خير

اشار على قدمه: عملية رجلى ادعيلى يا نور

نور: هدعيلك والله بس انا كنت فاكرة انك مولود بيها
ادهم بمرارة: لالا دى حادثة من زمان..... محبش افكرها ثم اللى
اودامك ده كان بطل الجمهورية فى الكونفو

نور بدهشة: معقول

ادهم: ايوه بس من يوم الحادثة دى من اكر من سبع سنين وطبعا
مقدرش العب

نور: باذن الله هتقوم بالسلامة طول مانت عندك ارادة وهدف
هتقدر توصل

نور: نظرا ليه مطولا للحظات ارتبكت من نظراته وفضلت الخروج
عن اذنك

ادهم: اتفضللى

ذهبت لمكتبها حائرة تفكر في ادهم ما لبثت حتى ظهرت امامها
صورة جيلان وهي تقبله نفضت راسها كأنها تخرج صورتهم من
عقلها وابدات في عملها كالمعتاد
دخل عليها يوسف المكتب واغلقه
نور: ايه ده في ايه

يوسف: انا عايز افهم ايه اللي بينك وبين ادهم
نور: نعم هي حصلت انت مالك سلامتک

يوسف: انا اللي مالي ولا انتي تقوليلى مش راجل غريب وهو يهددنى
لما مبعدهتش عنك هياذيني يبقى ايه
نور: هو قالك كده

يوسف: شوفى يانور انا مش هسيبك في حالك لو بقى اخر يوم
في عمري سمعتى

نور: وانت فاكرنى هخاف منك لا انسى واتفضل من هنا مع
السلامة

خرج ادهم من مكتبه وحدث هدى: هدى انا رايح مشوار ممكن
اتاخر ابقى روحى انتي

هدى: حاضر يافندم مع السلامة

خرج ادهم وركب سيارته واتجه الى طبيبه دكتور سامى الذى
رحب به بشدة

سامى: تصدق انا مش عارف اعمل فيك ايه مبتردش عليا ليه
ياجدع

ادهم: سامى انا تعبت عمليات وعلاج لما فقدت الامل

سامى: لا اله الا الله ايه يابنى الكلام ده مش ادهم اللي بياس من حاجت

ادهم: غصب عنى انا عملت كذا عملية لما فقدت الامل خالص انى امشى بس قولى الدكتور الالمانى ده انت واثق فيه سامى: طبعا عمل عمليات كتير بنفس حالتك وشهر والتانى بقوا زى الضل وبالغصب يا ادهم عملتلك بعد يومين ايه رايك بقى ادهم: ايه يا عم يومين ايه لالا مينفعش

سامى: بلاش استعباط الراجل فاضله اسبوع ويرجع بلده وانا حاجز اسمك بالعافية يعنى تتلم وتنجز ادهم: بدمتلك فى دكتور يقول اتلم وانجز مش عارف كليات طب ايه دى

سامى: اسم الله على الهندسة اللي انت خارج منها ادهم: عمرى اقول عليك بيئتا

سامى: اه ما انا عارف اخلص بعد يومين تجهز نفسك ادهم: باذن الله

اليوم الثانى طلب ادهم كل الموظفين والمهندسين بالشركة اجتمع ادهم مع الجميع

بصوا يا جماعة انا هغيب عنكم مدة ممكن تكون شهر اتنين لسه مش عارف عشان كده الباشمهندس زياد هيبقى موجود مكانى وفى حالة زياد مش موجود هتبقى الباشمهندسة نور وونظر باتجاه نور

وياريت لو اى حد زعل منى فى يوم من الايام ميزعلش منى وياريت
تدعولى لانى داخل على عملية خطيرة وربنا وحده العالم هقوم
منها ولا لا

اكرم: لالا ان شاء الله هترجعنا بالسلامة

ادهم: ربنا يخليك يا اكرم وياريت بعد كده بلاش باشمهندس دى
خليها ادهم بس احنا تقريبا قريبين من بعض فى السن ممكن
تتفضلوا

بدا الجميع يخرج من المكتب لكنه استوقف نور

ادهم: نور ممكن كلمت

نور: تحت امرك

ادهم: نور انا عارفت انى زعلتك كتير بس صدقيني انا مرية فى
حياتى بحاجات كتير تخلىنى اتعامل مع الستات كده ممكن
تستغري انا بقولك كده ليه بس انا بجد نفسى تبقى عارفت

انك

نور: انى ايه

ادهم: انك الوحيدة اللى قدرتى تكسرى كل حاجز جوايا
يمكن عنادك يمكن اخلاقك يمكن كل حاجة عشان كده
بقولك اوعى تزعلنى منى

نور: وانا مش زعلانت وان شاء الله هترجع بالسلامة واحسن من الاول
كمان بس خليك واثق فى ربنا وخلي ديما عندك امل انك
توصل لهدفك صدقنى هتوصل

ادهم: انا حاليا ليا هدف واحد بس

ور:ايه هو

ادهم:لو قومت من العمليّة سليم هتعرفي صدقيني هتعرفي

ارتبكت نور:طيب عن اذنك

ادهم:اتفضلي

خرجت من مكتب ادهم وهي في عالم اخر لاتعلم ماذا حدث

كيف يشغلها هكذا ماذا يريد منها اهي لعبت منه ام انها الحقيقت

قاطعها صوت يوسف:كان عايزك ليه

نور بعصبيّة:وانت مالك حاجة تخصني متخصكش

يوسف:بقي كده ماشي يانور حسابك بعدين



الفصل الرابع

اجرى ادهم العملية وسط دموع ودعاء الجميع خصوصا والدته التي لا تكف يوما عن الدعاء له كان قلبها ينضطر على ابنها الحبيب بعد حوالي ثلاث ساعات خرج ادهم من غرفة العمليات والتف حوله الجميع دخل عليه سامي مع الطبيب الالماني وطمئنه على حالته واكد لهم ان العملية ناجحة.....

بدا ادهم يضيق تدريجيا من المخدر ويتحدث بكلمات غير مفهومة اقتربت والدته وهي تضع يدها على راسه حبيبي عايز حاجت

كان يتمته باسم غير مفهوم....نو.....نور

خديجة: نور نور مين

قالت رودينا سريعا: اكيد ياماما قصده نور الاوضت

خديجة: نور اوضت ايه لا ده بيقول نور

رودينا: يامى بنج بقى ومش داري عن نفسه

عمر شقيق ادهم: هو فعلا قال نور بس هي مين

رودي: يا اخي انت كمان النور مضايقه تعالوا نخرج بره ونقضله

خديجة: لا لا مش هسيبه لحد ما يظوق

فخر الدين والد ادهم: سيبه يا خديجة يستريح شويت

خديجة: لا يا فخر عايزة افضل جنبه

عمر: خلاص يا بابا سيبها دلوقتي
 بعد حوالى ساعة استيقظ ادهم وجدهم كلهم امامه كان يريد
 ان يجدها امامه عندما يفتح عينيه
 ولكن كيف له هذا ولا يربطهم ببعض اى شئ
 خديجة: حمد لله على السلامة يا حبيبي
 ادهم: الله يسلمك يا امي بس رجليا وجعاني اوى
 فخر: معلىش يا حبيبي من اثر العملية بس الدكتور طمنا على
 العملية وقال خلاص انها نجحت
 جلست دارين الاخت الصغرى لادهم بجواره: الا قولى يا ادهم يا حلو
 انت مين نور
 انتفض ادهم عند سماعه الاسم ونظر لرودينا فاشارت له بالنفى
 ادهم: نور مين
 دارين: بتسالنى اسال نفسك وانت فى البنج نطقت اسمها تتطلع مين
 خديجة: بس بقى سيبي اخوكى فى حاله لسه تعبان
 دارين: ماشى ماشى بس لازم اعرف
 ادهم: امشى يابت من هنا امشى
 دارين: يالهوى فيك اللى فيك وبتزعقلى برضه
 ادهم: امشى هخبطك بحاجت
 عاد ادهم الى بيته بعد حوالى اسبوع وبدات حالته تستقر شيئاً
 فشيئاً كانت رودينا معه باستمرار كانت يوما معه فى غرفته
 ادهم: فضحتيني اقول سر تسيحيلي كده

رودي: ههههه انتي اللى فضحتي نفسك يابيضت مش انا وانت في
البنج نور نور تعالى يانور..... ايه هتعمل بيها ايه اهدى شويت
ادهم: تصدقي انا غلطان اني بتكلم معاكى امشى من هنا
رودي: تصدق انا اللى غلطانة كنت فضحتك وقولتهم مين نور.....
بس قولى يا ادهم انت اد كده يبتجها

ادهم: اوى يارودي اوى ومعرفتش كده غير لما بعدت عنها حاسس
اني تايه تعبان مش عارف بس حاجات كتير نقصانى فى غيابها
تصدقي لو اقدر امشى كنت روح دلوقتى عند بيتها وشوفتها
رودي: هههههه فينك يا اشرف تسمع وتشوف يمكن تحس على
دمك وتقولى كلمتين حلوين كده
ادهم: يا شيخة روحى اشرف كبيره اوى طاجن بامية ويبقى كده
وتمام اوى

رودي: تصدق صح ايه رايك انا روح امسك فيه عشان يبطل اكل
ويبقى رومانسى كده
ادهم: هههههه ابدأ ده مستحيل خلاص راحت عليك سيبولى شويت

اما عند نور فكانت دائما شاردة عقلها مشغول باستمرار بادهم
لا تعلم لماذا وكيف شغل عقلها وتفكيرها ولكن الذى تعلمه الان
انه اصبح يشغل عقلها وكيانها بدون اسباب او سابق انذار
نور يانور

نور:ها ايوه ياروفيدة فى ايه

روفيدة: فى محشى اغرفلك مالك سرحانة كده ليه

نور: لا ابدأ في حاجة

روفيدة: ايوه اكرم عايزنا نروح كلنا مع بعض نزرور ادهم ايه رايبك
تيجي

نور: مش عارفت

روفيدة: لا ازاي كلنا رايجين لازم تيجي ده انتي المفروض النائب
بتاعه يعني انتي تكوني اول واحدة

اتاها صوت من خلفها: اكيد طبعا وهي عندها اغلى من ادهم بيه

روفيدة: اه والله يا يوسف راجل محترم واخلاق وكلنا بنحبه

يوسف بخبت: اه بس نور حاجة تانية ولا ايه يا نور

نور: تقصد ايه

يوسف: لا ولا حاجة عادي يعني هو انتي شايضة في كلامي حاجة
غلط

تجاهلته نور تماما: خلاص ياروفي اتفقوا على معاد ونروح سوا

روفيدة: احنا اتفقنا على بكرة تيجي معانا يا يوسف

يوسف: اه طبعا لازم اجي اصل ادهم ده حبيبي

كان ادهم في غرفته يشاهد التلفاز حتى دخلت عليه

خديجة: حبيبي عامل ايه

ادهم: الحمد لله يامى بس زهقان اوى

خديجة: معلى حبيبي بكرة تخرج براحتك بس نستحمل

اليومين دول اه على فكرة زميلاك في الشركة جاينين

النهاردة يطمنوا عليك

ادهم: بجد ياماما مين قالك

خديجة بخت: وانت فرحان كده ليه على العموم زياد طلبني
وقالي

ادهم انت في حاجة مخبيها عليا

ارتبك ادهم: حاجة ايه ياماما هيكون في ايه

خديجة: يعني بتحب جديد حاجة كده

ادهم: ايه ياماما اشتغلتني في المخابرات من ورايا ولا ايه

وكزته في كتفه: بس يا ولا عيب انت اللي اتكلمت وقولت

ادهم: انا امتي

خديجة: وانت تفوق من البنج قلت نور مين دي يا ادهم

ابتسم اليها ادهم: هتعرفي بعدين يامامي لو جت النهاردة مع زميلاها

هتعرفي

خديجة: يارب افرح بيك قريب ادهم واشوف خلصك وافرح بيهم

تنهد ادهم: ان شاء الله يامامي قريب ان شاء الله

في تمام السابعة حضر الجميع للسؤال على ادهم وبدات خديجة

تتفصح البنات جيدا تبحت عن نوربينهم

منورين يا حبايبي اهلا اهلا

اكرم: حمد لله على السلامة يا ادهم بيه

ادهم: الله يسلمك يا اكرم مش قولنا ادهم بس

بدا الجميع الحديث معه وخديجة ورودى يبحثا عنها ولكنهم لا

يعرفونها وادهم غير مهتم بواحدة منهم على الاطلاق

اما هو فقد كان حزينا عندما لم يجدها معهم حتى سمعوا دقات
الباب فتحت خديجة لتجد امامها فتاتان جميلات فقد كانتا نور
وتقى

خديجة:اهلا اهلا حبايبي اتفضلوا اتفضلوا
دخلت نور وتقى الى غرفة ادهم الذي مان راها حتى اعتدل في
جلسته

تقى:حمد لله على السلامة يا بشمهندس

ادهم:الله يسلمك يا تقى

نور:حمد لله على سلامتك

ابتسم ادهم:الله يا يسلمك يا نور اتفضلوا

دخلت خديجة بصبحة رودينا يقدمون واجب الزيارة للضيوف
كانت تتفحص الموجدات لتعرف من هي نور لاحظها ادهم فابتسم
وتكلم مع نور بصوت عالي لتعرفها امه

ها يا نور اخبار الشغل ايه

نور:تمام الحمد لله كله تمام والبشمهندس زياد اكيد متابع
معاك الشغل مضبوط

ادهم:اه فعلا

اقتربت خديجة من نور:هو انتى اسمك نور

ارتبكت نور قليلا:ايوه يا طنط

خديجة باعجاب:بسم الله ماشاء الله قمر يا نور واسمك جميل

ابتسمت نور لخديجة:متشكرة اوى ربنا يخليكى طيب معلىش

استأذن انا

خديجة: لالا لالا ابدًا لازم تتعشى معانا

نور: لالا مش هينفع والله عشان البيت بس

ادهم: لالا مفيش اعدار ماما خديجة امرت يبقى لازم ينفذ

خديجة: اه هو كده ولا ايه يا اولاد

اكرم: اه طبعا امرك واجب النفاذ

ادهم: اه طبعا دي فيها عشا

ضحك الجميع ماعدا يوسف فلم يعجبه الوضع نهائيًا وقرر وضع

خطة للايقاع بينهم وباسرع وقت ممكن

.....

جلسوا جميعًا سويًا يتناولون العشاء وادهم يخطف النظرات لنور

وتلاحظه خديجة ورودينا وهم يشعرون بتغيير حاله بعدما تعرف

على نور

اما يوسف فكان يتابع الموقف بغضب كبير يمنعه من الخروج

فيرى نظرات ادهم لنور ويرى خجل في عيون نور من نظراته

انتهى اللقاء وودعوا ادهم واهله وعندما همت نور ان تخرج اوقفتها

خديجة: نور ممكن كلمت

نور: تحت امر حضرتك خير

خديجة: بصي يا حبيبتي انا مش هلف وادور عليك بس عايزة

اقولك انك غاليته اوى عند ادهم بدليل انه نطق اسمك في

البنج

نور بارتباك: حضرتك تقصدي ايه

خديجة: اقصد ا ادهم اتغيرمن يوم ما قابلك اوعى تتخلى عنه
 مهما حصل لانه كان صعب اوى ان ادهم يرجع زى زمان بس انتى
 الوحيدة اللى قدرتى تنسيه اللى فات
 نور: بصراحة انا مش فاهمة حضرتك تقصدى ايه
 ربتت على كتفها: بكرة هتعرفى يا نور بكرة هتعرفى
 تركتها وهى فى حيرة من امرها ماذا تقصد بحديثها
 مرت فترة وبدا ادهم يتعافى بعد جلسات العلاج الطبيعى الذى
 واطب عليها باستمرار
 عاد ادهم مرة اخرى الى الشركة وسط ترحيب من الجميع وكان
 سعيدا بعودته الى حالته الطبيعية فيستطيع الان ان يصارح نور
 بحبه
 ورغبته الزواج منها

كانوا دائما معا فى المكتب وفى المواقع يراقب تصرفاتها
 ويلاحظها كانوا يوما فى احد المواقع يقومون بعملهم كانوا
 يقضون فى الدور الثانى من احدى الفيئات التى يقومون بتفويضها
 ادهم: ايوه يا نور بس انتى مش شايفتا ان العمال خبرتهم قليلة
 نور: بالعكس يا ادهم العمال كويسين جدا وانا متاكدة انهم
 يقدروا يقوموا بالشغل ده فى اقرب وقت وبجودة عالية
 رن هاتف ادهم فاستأذن منها وخرج فى نفس اللحظة التى يدخل
 فيها يوسف عليها وهى منشغلة بعملها
 نور: يوسف خير فى ايه

يوسف: في انى مش هسمح لادهم انه يقرب منك

نور: انت مجنون ايه الكلام الفارغ ده\

يوسف: لا ده مش كلام ده فعل انتى فاكرة انى معرفش حاجتة عن

البيه المحترم الباشا خريج سجنون كان مسجون فى قضية سرقة

حديد من الشركة اللى كان بيشتغل فيها

نور: وانا مالى جاي تقولى الكلام ده ليه كل واحد حر

يوسف: يعنى انا حر لو عملت فيكى حاجتة

ابتعدت نور بخوف: انت عايز ايه احنا مش لوحيدنا العمال كلهم

موجودين انده عليهم يجوا يضربوك

يوسف: واهون عليكى يانور نور انا بحبك سمعانى بحبك

نور: وانا مش طيقاك افهم بقى خلى عندك دم

اقترب منها وهى تبتعد : اومال طايقتة الباشا اللى كل يوم فى حضن

واحدة

نور: اسكت خالص مش عايزة اسمع صوتك

يوسف: لا لازم تسمعى عشان تعرفى مين بيحبك ومين بياعب

بيكى

كانت نور تتراجع وهو يقترب فجاة سقطت نور من الشرفة على

الرمال

انهى ادهم مكالمته وسمع صراخ نور وصوت يوسف يصرخ نور

جرى سريعا عليها لم يجدها وجد يوسف يبكى وينظر الى اسفل

ونور ملقاة على الرمال لاتحرك ساكنا

نزل بسرعة اليها واخذ يصرخ باسمها: نور نور فوقى نور فوقى
ابوس ايدك

صرخ بالعمال :افتحوا العربية

وضعها فى السيارة وانطلق بها الى المشفى ويوسف خلفه بسيارته
مان وصلوا حتى حملها وادخلها الى الطوارئ الذين بدوا الاسعافات
الاولية لها

بعد فترة حضرت تقى وروفيدة واكرم الى المشفى ليطمئنا عليها
اكرم:ايه اللى حصل يا ادهم

ادهم:مش عارف كنت واقف معاها الموبيل رن روحت رديت بعد
شوية سمعت زعيق ويوسف بيصرخ
توقف هنا كانه تذكر شئيا:يوسف ايوه انت كنت معاها انت اللى
رمتها صح

امسك بيوسف يحاول ضربه منعه عنه اكرم :مش وقته نطمن
على نور وبعدين تتكلم
خرج الطبيب اليهم اتفوا جميعا حوله:مين هنا ادهم
نظروا جميعا الى بعضهم والى ادهم باستغراب

ادهم:انا يا دكتور فى حاجت
الدكتور:انت خطيبها

نظر ادهم اليهم جميعا ورجع للطبيب:هو فى ايه يا دكتور
دكتور:لا ابدأ اصلها نطقت اسمك كذا مرة وهى فى البنج قلت
اكيد خطيبها

ادهم:ايوه يا دكتور انا خطيبها

الدكتور: يظهر انها بتحبك اوى دى مبطلتش سوال عنك
 ادهم بسعادة حاول يخيفها :طيب هى عاملة ايه دلوقتى والوقعة
 دى اثرت عليها
 الدكتور: لالا الحمد لله انها نزلت على رمل مش حاجة صلبة
 كانت بقت مشكلتة هى كويستة بس محتاجة تستريح شوية
 وهتبقى كويستة ان شاء الله

.....

بعد حوالى ساعة حضر والد ووالدة نور الى المشفى سالوا عن
 غرفتها وذهبوا اليها سريعا وجدوا اكرم وادهم يقفون خارج
 الغرفة

فكرى: اكرم نور مالها

اكرم: بخير ياعمو متخافش نور بخير الحمد لله ثم اشار الى
 ادهم

بشهندس ادهم صاحب الشركة

التف اليه فكرى ونظر اليه مطولا فى حين مد ادهم يده :تشرفت
 بحضرتك

نظر اليه فكرى طويلا وسط دهشة ادهم واكم من تجاهله ليده
 الممدودة فى حين دخلت امل والدتها الى غرفة نور
 اكرم: ايه ياعمو مالك

فكرى: ها لا ابدأ تشرفنا يااستاذ ادهم هو انت اسمك ايه
 بالكامل

ادهم بحيرة : ادهم ادهم فخر الدين المنشاوى

فكري: اه تشرفنا عن اذنك

دخل فكري غرفة نور وادهم واكرم ينظرون الى بعضهم بحيرة
من تصرف فكري

اكرم: هو انتوا اتقابلتوا قبل كده

ادهم: ابدا ولا عمري شوقته بس غريبة تصرفه ده

بعد فترة خرج فكري متوجها الى الحسابات ليدفع ثمن اقامة نور

خرج دون الالتفات الى احد مما جعلهم بحيرة من تصرفه

ذهب فكري الى الحسابات وطلب كشف حساب باسم نور اجابه

الموظف ان الحساب مدفوع من جهة ادهم

عاد مرة اخرى الى غرفة نور وتحدث مع ادهم

اتفضل يا باشمهندس دي الفلوس اللي دفعتها لنور

ادهم: ايوه ياعمى بس ده واجب عليا دي اصابة عمل

فكري: انا اسف مش هقبل الفلوس دي اتفضل فلوسك

ادهم: حضرتك بتعمل كده ليه قلت ل حضرتك دي اصابة عمل

يعنى انا المسئول عن علاجها لحد ماتقوم بالسلامة

وضع فكري المال فى يد ادهم: وانا معودتش ولادى حد يصرف

عليهم عن اذنك

تجددت حيرة ادهم من تصرف فكري: طيب ممكن بعد اذنك

اطمن عليها

فكري: هي بخير بس نايمت شوية

ادهم: طيب كنت عايز اكله حضرتك فى موضوع مهم ممكن

فكري: بعدين يا باشمهندس بعدين

شعر ادهم الاحراج من تصرف فكري وقرر الرحيل وفورا
 عاد الى منزله وجد والدته ووالده مع دارين يشاهدون التلفاز
 ادهم:السلام عليكم ورحمة الله وبركاته
 الجميع:وعليكم السلام ورحمة الله
 خديجة:كنت فين يا ادهم ايه اللي اخرك كده
 القى بجسده على اقرب كرسي :مفيش يامى مشكلت حصلت فى
 الشغل بس ربنا ستر
 خديجة:خير يا حبيبي
 ادهم:خير الحمد لله بس الباشمهندسة نور وقعت من الدور التانى
 بس الحمد لله ربنا ستر
 فخر الدين:ياساتر يارب طيب وعاملت ايه دلوقتي
 ادهم:الحمد لله يا بابا كويس انها نزلت على رمل اخذتها
 المستشفى وبقت كويستة الحمد لله
 فخر:يبقى لازم تصرف عليها لحد ماتقوم بالسلامة
 ادهم:ماهو انت عملت كده بس الغريبة ان بابها رفض نهائى ان
 ادفع الفلوس
 فخر"طيب ليه دى اصابة عمل يعنى المفروض مصاريف علاجها
 عليك
 ادهم:مش عارف يا بابا راجل غريب ونظراته اغرب منه زى ما يكون
 بيشبه عليا
 خديجة:ههههههه وهيشوفك فين بقى
 ادهم:مش عارف ياماما حتى اكرم استغرب من طريقته

فخر: هو يشتغل ايه

ادهم: على ما اعتقد مدرس بس طلع معاش

خديجة: يمكن كان مدرس عليك ولا حاجت

ادهم: لا لا حتى اسمه مامرش عليا قبل كده

فخر: اسمه ايه يمكن اعرفه

ادهم: اسمه فكري مختار

صدمت سيطرت على خديجة وفخر عند سماعهم الاسم

خديجة: قلت مين

ادهم: فكري مختار تعرفه يا بابا

نظرات متبادلة بين خديجة وفخر لاحظها ادهم ودارين

دارين: ايه يا جماعة تعرفوه

نظر فخر الى خديجة التي قامت سريعا الى غرفتها تبكي وفخر

ورائها ظل ادهم ودارين في حيرة من امرها وسبب بكاؤها

ذهب اليهم ادهم واستئذن ليدخل عليهم فاذن له والده

ادهم "ايه ياماما مالك

www.hakawelkotob.com

خديجة: لا يا حبيبي مصدعت شويت

ادهم: من ايه مانتى كنتى كويست دلوقتى

خديجة: بعصبية: مفيش يا ادهم روح دلوقتى وسيبني

فخر: معلىش يا ادهم امشى دلوقتى وبعدين نتكلم

نظر ادهم اليها: حاضر تصبحوا على خير

خرج ادهم ونظر فخر الى خديجة: ايه يا خديجة شوقتي الايام

دوراة ازاي

خديجة: صحيح مسير الحى يتلاقى
 فخر: وهتعملى ايه ولادك لازم يعرفوا
 خديجة: مش دلوقتى يا فخر لسه شويتا ام اقباله وربنا يستر
 فى منزل نور كانت تجلس مع مريم فى سريرها
 مريم: بس قوليلي يانور مين المزالى شوفته فى المستشفى
 نور: اتلمى يابت انتى عيب عليكى
 مريم: يعنى حد سامع بس انتى طلعتى مش سهلتا روفيدة قالتى
 انك نطقتى اسمه فى البنج اشمعنى بقى
 نور: انتوا مجانين كل الحكايتا انه كان واقف معايا فطبيعى
 اسمه كان على لسانى ساعتها
 مريم: بخبث: يا بت عليا انا ده انا عجناكى وخبزاكى
 نور: بت انتى امشى من هنا
 دق بابهم ودخل فكرى اليهم: ها يانور عاملتا ايه
 نور: الحمد لله يا بابا بخير
 فكرى: مريم سيبنى شويتا مع نور
 مريم: حاضر يا بابا
 جلس فكرى امام نور: نور انتى ايه علاقتك بادهم صاحب
 الشركة
 نور بتوتر: علاقة ايه يا بابا تقصد ايه
 فكرى: يعنى مرة يوصلك لحد هنا وينقلك المستشفى ويدفع
 حساب علاجك ويرجع يقولى عايزك فى موضوع مهم يبقى ايه

نور:بابا اولاً انا قلت لحضرتك ان لولا ان العربية وقفت منى
مكنتش ركبت معاه واللى حصل امبارح طبيعى انه ينقلنى
المستشفى ويدفع حسابى كمان اللى حصلى ده اصابة عمل يعنى
هو المسئول

فكرى:نور انا عارفك كويس اوعى يانور حد يضحك عليكى
سمعانى مش عايز يحصلك زى ابوكى

نور:تقصد ايه يا بابا

فكرى:بعدين يانور بعدين بس خدى بالك من ادهر ده سمعتنى

خدى بالك منه يانور

نور:حاضر يا بابا حاضر



الفصل الخامس

بعد حوالي اسبوع عادت نور لعمالها وسط ترحاب من الجميع عندما علم ادهم برجوعها ذهب اليها بمكتبها وبداخله شوق لها حاول كثيرا ان يخيفه

ادهم: حمد لله على السلامة يا نور

نور: الله يسلمك يا ادهم ومتشكرا اوى على اللي عملته معايا

ادهم: على ايه دي اقل حاجة ممكن اعمالها معاكي بس انا عايز اعرف يوسف هو اللي زقك

نور: لا انا كنت برجع محستش بنفسى غير وانا بقع

ادهم: وبترجى ليه هو عملك حاجة

نور: لا لا ابدأ متشغلتش بالك

نظر حوله ثم عاد اليها: ممكن اتكلم معاكي فى موضوع مهم

نور: خير اتفضل

ادهم: لا مش هينفع هنا تعالى المكتب نتكلم براحتنا

نور: مش هينفع لو فى حاجة ممكن تقولها هنا

ادهم: نور انتى لسه خايضة منى صدقيني انا اقدر واحد فى

الدنيا ممكن يخاف عليكى وعشان انا عارف انك مش هترضى

نخرج بره المكتب بقولك نتكلم فى المكتب وسيبى الباب

مفتوح ياستى

نور بعد تفكير:اوكيه

ادهم:خلاص هستناكي سلام

ترددت نور كثيرا في الذهاب اليه ولكن ما طمنها هو ان الباب سيظل مفتوح

ذهبت اليه ووجدت هدى في مكتبها كالمعتاد اقلت عليها السلام ودخلت الى ادهم وتركت الباب مفتوح

نور:انا جيت اهوو ممكن اعرف في ايه

قام ادهم من مكتبه ووقف امامها مباشرة:نورانا عايز اقولك اني انا اتغيرت بسببك كل حاجة فيا اتغيرت انت كنت تايه في الدنيا بدور على الانتقام وبس كنت ناسي حاجات كثير تاهت مني في زحمة الدنيا

بس من يوم ما قابلتك وحسيت ان في حاجات كثير احلى انا كنت اعمى عنها

نور:بس انا برضه مش فاهمة انت قصدك ايه

ادهم:نور.... من غير ما الف وادور عليكى تتجوزيني

دهشت كبيرة اصابت نور بهذه الكلمات ولم تستطع التحدث بكلمة واحدة

ادهم:انا عارف ان طلب مفاجئ ليكى بس والله انا صادق في كل كلمة انا قولتها نور انا انا

نور:انت ايه

ادهم:انا بحبك وعايز اتجوزك قلتي ايه

صمتت نور كثيرا وهي تائهة لا تعرف كيف ترد عليه تشعر
تجاهه بمشاعر كثيرة لم تعرفها من قبل اهذا هو الحب ام انه
اعجاب ام ماذا ولكنها تذكرت جيلان وحديث يوسف عن الفتيات
الذي يعرفهم ويقضى معهم ليله وموضوع سجنه الذي ام تعرف الى
الان اذا كان حقيقا ام لا قاطع ادهم تفكيرها وهو يقترب منها
ادهم:قلتي ايه يانور

نور:انت ازاي عايزني اوافق على طلبك وانت على علاقة بنات
كثيرا وانا بنفسي شوفت عينت منهم العلاقة اللي بينكم مستحيل
تكون صداقة وبس لا دي حاجة اكثر بكثير وانا مش هوافق
اني اربط حياتي بواحد كان ليه علاقات الله اعلم حرام ولا حلال
ادهم بصدمة:نور انتي بتقولي ايه اقسملك بالله اللي بيني وبين
جيلان علاقة عادية جدا جيلان علاقتي بيها بسبب هقولك عليه
بعدين بس لازم تعرفي اني عندي اخوات بنات ومستحيل اعمل
حاجة تغضب ربنا وتترد في اخواتي

نور:اه بامارة كلامك معايا في الاول
ابتسم ادهم:تعرفي انها اول مرة اتجرا واقول كلمة زي دي بس
بصراحة انتي استفزتي في الاول حببت اغيظك مش اكثر
لكن والله واجيب المصحف واحلف عليه اني عمري ما عملت
حاجة حرام

نور:وانا اسفرت انا مش موافقت

التفت لتخرج اوقفها ادهم:استني عندك يعني ايه مش موافقت
بعد اللي قلتها مش موافقت بعد ماتنطقي اسمي وانت في البنج

تقولى مش مواقفت بعد ما تغيرى فيا كل حاجة تقولى مش مواقفت

ترددت كثيرا فى الاجابة عليه كيف تواجهه بكلام يوسف عن سجنه بقضية السرقة وهى الى الان لاتعرف اذا كان صادقا فى حديثه عن علاقته بالفتيات ام لا

ادهم:مردتيش ليه لو فى حد فى حياتك قوليلى بدل ماافضل عايش فى وهم حلمت بيه كثير

نور:انا مفيش حد فى حياتى ولو فى هيبقى بحلال ربنا ومش هخاف ولا ادارى بس انا عندى اسبابى اللى تمنعنى

امسك بيدها بعصبية شديدة:يعنى ايه اسباب ايه انطقى نزعنت ذراعها بغضب من تصرفه :لو سمحت مينفعش انك تلمسنى متخلنيش اندم ان جيت اتكلم معاك عن اذنك

تركته غاضبا ببركان ثائر يمكنه تدمير اى شئ امامه اما هى فلا تعرف كيف رفضته احست انها اضاعت شئ غالى عليها فجاة ايمن ان يكون ما تشعر به هو الحب ولكن كيف لها ان تحب رجل متعدد العلاقات ولا تعلم صدق حديثه من عدمه

مر يومهم ثقيل ممل وعادا كل منهم الى بيته يشعر بالمر وحيرة جعلت النوم يفارقهم طول ليلهم اما نور فقررت ان تتقدم باستقالتها غدا وبدون عودة ولكن هل هذا ينهى الحيرة والالام ام لا

صباح مختلف ملي بمفاجات لم يتوقعها احد ذهبت نور الى عملها كالمعتاد لكنها لاحظت نظرات غريبة من العاملين لا تعرف

سببها دخلت مكتبها وجدت تقى وروفيدة يتحدثون بعصبية
شديدة ومعهم اكرم

نور: صباح الخير يا جماعة

نظروا الى بعضهم قليلا: صباح النور

نور: هو في ايه مال الناس بتبصلي كده ليه

تقى: ليه يا نور

نور: مش عارفتي زي ما يكون في حاجة هو في حاجة

اكرم: متشغليش بالك ناس فاضية

نور: يعني ايه

اكرم بارتباك: لا ولا حاجة عن اذنكم

نور: هو في ايه كلام اكرم ماله كده كله الغاز

روفيدة: مفيش يا حبيبتي مفيش حاجة كبرى دماغك

دخل يوسف فجاة الى مكتب نور: ايه ده هو انتي ليكي عين تيجي

هنا تاني

نور: نعم مين اللي مفروض يسمع الكلام ده

يوسف: ههههه انتي طبعا بعد فضيحتك اللي بقت بجلاجل اودام

الناس كلها

نظرت الى تقى وروفيدة وهي لاتفهم شئ من حديث يوسف وماذا

يعني

تقى: يوسف اتلم بقي عيب عليك

يوسف: عيب على مين عليا ولا على الهانم اللي عاملت نفسها خضرة

الشريفة وهي كانت في حضن الباشا بتاعكم

صرخت نور في وجهه: انت بتقول ايه
امسك يوسف هاتفه واعطاه لنور لتري صورها مع ادهم في مكتبه
في اوضاع غريبه لم تحدث منها ابدا
صفعته على وجهه وهي تصرخ به: ياكذاب يا حيوان انت انت اللى
عملت كده الصوره دي كذب كذب
يوسف بكل برود: اثبتى
امسكت به وظلت تضرب في وجهه وتصرخ: انت كلب حيوان
معندكش شرف ولا ضمير
يوسف: عشان بس تعرفى انا مينفعش اترفض يانور
علت اصواتهم حتى سمعها ادهم الذى كان يجلس في مكتبه
شاردا نادا على هدى ليعرف سبب الصوت العالى بالخارج
ادهم: ايه ياهدى في ايه
هدى بارتباك: دي نور ويوسف يافندم
ادهم: نعم وصوتهم عالى ليه في ايه
هدى: اصل
ادهم: اصل ايه انطقى
امسكت هاتفها وناولته لادهم ليري صوره مع نور لم يصدق عينيه
فيما يري امامه
ادهم: الصوره دي كذب كذب
هدى: المصيبه انه بعثها للشركه كلها ونور منهارة بره وحالتها
صعبه اوى
فتح درج مكتبه واخرج مسدسه وخرج وكل غضب الدنيا به

دخل مكتب نور وجدها تبكي بحرقة ويوسف امامها يضحك
 وحولهم كل العاملين بالشركة يشاهدون ما يجري الا انه عندما
 دخل ادهم المكتب نظر اليه يوسف بشماتة
 اهلا اهلا بالباشا تصدق انت طلعت راجل بجد اما تخلى نور
 تخضعلك وتعمل كده

توتو تو بس مش عيب كده طيب خلوها في شقة ولا حاجت
 لكمه ادهم بكل غضب الدنيا والصقه بالحائط وظل يضرب فيه
 بكل قوته ويوسف يحاول تخليص نفسه ولكنه لم يستطع وفجأة
 اخرج ادهم مسدسه من جيبه وهو يمسك براس يوسف
 ادهم: انطق يا كلب الصوردي حقيقي ولا لا
 لم يتحدث يوسف امامهم وعينه تراقب الجميع اقترب اكرم من
 ادهم

ادهم بلاش تودي روحك في داهية
 ادهم: والله العظيم اقتله ودلوقتي لو منطقتش وقال صورهم ازاي
 انطق انطق
 يوسف بخوف: امبارح
 ادهم: امتي انطق

يوسف: شوقتها عندك والباب كان مفتوح صورتكم
 ادهم: اه بالمناظردي ولا لا
 يوسف بخوف: لا

شد ادهم زناد مسدسه: يعني لو قتلتك دلوقتي مش هاخذ فيك
 يوم واحد عارف ليه لانك اتعديت علي شرفي

يوسف:اه بس انت لمستها مسكت ايديها

نظر ادهم الى نور المنهارة والجميع حولهم :وفيها ايه مش مراتي
صدمت سيطرت على الجميع وهم ينظرون الى انفسهم لا يصدقون
ما قاله ادهم

نظرت اليه نور غير مصدقة ما قاله

يوسف:امتي ده

ادهم من مدة كتبنا كتابنا يعني مراتي ومش لازم انتوا تعرفوا
دي حاجة خاصة بينا ومش كلب زيك اللي يجيب سيرة مراتي
واسكتله

ثم شده من قميصه :لو شفت وشك هنا تاني او في اي مكان تاني
اروحه هقتلك يا يوسف سمعتني هقتلك

جلست نور على مكتبها وسط اصدقاءها وزملاها تبكي بانها
نظر اليها ادهم ثم قال للجميع:الكل يتفضل يمشي وياريت الصور
دي تتمسح لانكم عرفتموا دلوقتي انها مش حقيقة وعرفتوا ان نور
تخصني

www.hakawelkotob.com

خرج الجميع من المكتب وجلس ادهم امام نور

نور خلاص كفاية كده حرام عليك نفسيك

رفعت راسها اليه:تفتكر كده خلاص

ادهم:محدث له حاجة عندنا يانور صدقيني خلاص

قامت من مكتبها وحملت حقيبتها وحاولت الوقوف لكنها سقطت
فجأة مغشيا عليها

التف حولها ادهم وتقى وروفيده يحاولون ايقافها الى انا افاقت
واصرت على العودة لمنزلها
ادهم:طيب اوصالك
نور:لا متشكرة انا همشى لوحدي
تقى:نور انتي تعبانة طيب هناخد تاكسي وبلاش العربية انا مش
بعرف اسوق
نور باستسلام:ماشي عن اذنكم
ذهبت هي وتقى الى بيتها حاولت تقى ان تتحدث معها فيما قاله
ادهم ولكنها فضلت السكوت
وصلت نور لمنزلها مع تقى وجدتها غاضبا ومعه والدتها تحاول
تهديته
ماان دخلت نور البيت حتى صفعها والدها على وجهها وامسكها من
حجابها
هي دي تربيتي ليكي يانور كده يانور تحطى راسي في التراب
امل:بس يا فكري اكيد الصوردي كذب
تقى:ايوه والله ياعمو كلهم كذب
فكري:اه فاكرني عبيط بتضحكوا عليا
نور ببكاء شديد:والله يا بابا كذب محصلش محصلش
تقى:والله ياعمو يوسف عمل كده انتقام من نورعشان رفضت
تتجوزه

فكري: واشمعي ادهم مفيش غيره قولتاك ابعدي عن ادهم
ابعدي عنه ماقتيش غيره وتقربي منه حرام عليكى كسرتيني
ليه

نور ببكاء شديد وبصوت ضعيف: واللّه يا بابا مفيش بينه وبينى
حاجت غير شغل وبس

وسقطت مغشيا عليها للمرة الثانية وسط صراخ امها وتقى

حضر الطبيب وبعد الكشف عليها اخبرهم بانها بحالة انهيار
عصبى شديد وتحتاج للراحة التامة

اخبرت تقى ادهم بما حدث الذى مان علم بما حدث قرر الذهاب
الى فكري يعلمه بكل شئ ومان وصل الى بيتها ظل واقفا امام
الباب مترددا ولكنه دق بابهم وفتح له فكري الذى مان راه حتى
اشتعل غضبه مرة اخرى

ادهم: انا جاي افهم حضرتك كل حاجت

فكري: تفهمنى ايه تفهمنى انك لوثت شرف بنتى وسمعتها الى
بقت على كل لسان انت جاي ليه مين بعتك مش كفايت سنين
وانا بعيد عنكم عايزين ايه منى ومن ولادى

ادهم: انا مش فاهم حضرتك تقصد ايه

فكري: لا انت فاهم كويس بلاش استعباط روح لست الوالدة وقلها
فكري بيقولك ابعدي عنه هو خلاص مش عايزكم سمعتنى مش
عايز حد

ادهم بحيرة: واللّه انا مش فاهم حضرتك تقصد ايه

فكرى:اه لو مش فاهم روح لست والدتك هتفهمك كل حاجت
واتفضل من هنا ودلوقتي
خرج ادهم حائرا لا يفهم شيئا من حديث فكرى وقرر سوال امه
التى مان سمعت اسم فكرى حتى تغيرت ملامحها
دخل بيته لم يجد غير اياد شقيقه الاصغر:اياد ماما فين
اياد:طيب سلامو عليكم
ادهم بغضب:رد عليا هي فين
اياد:في الاوضة هو في ايه
دخل غرفة والدته بعدما اذنت له وجدته غاضبا ووجهه يتصبب
عرقا
خديجة"في ايه يا ادهم مالك
ادهم:ردى عليا ياماما تعرفى فكرى مختار منين
خديجة بارتباك:ايه بتسال ليه
ادهم:ردى عليا ابوس ايدك تعرفيه منين
خديجة بعيون دامعت:ادهم ابعده عنى دلوقتي
ادهم:لا مش هخرج غير لما اعرف يبقى مين
اتاه صوت والده من خلفه:يبقى خالك يا ادهم
وقف ادهم بينهم يحاول استيعاب ما قاله والده
ادهم:خال مين انت بتهزر يا بابا
فخر:لا يا ادهم مش بهزر ثم نظر الى خديجة التى مازالت
تبكى:قوليله يا خديجة احكيه خلى ابك يستريح
خديجة:هقولك على كل حاجت

زمان ابويا اللى يرحمه اتجوز ام فكرى وخلف منها فكرى بس
 بعد مدة تعبت بمرض خطير واتوفت وبعدها اتجوز امى وخلفنى انا
 وخالك خالد كانت الله يرحمها بتكره فكرى من غير سبب
 وعينا على الدنيا وهى بتاذيه وختلنا احنا كمان نكرهه بس انا
 مكنتش قادرة اكره كنت بحبه اوى كان بالنسبة ليا كل
 حاجة الاخ والاب وكل حاجة فضلت تاذيه وتتعبه فى حياته
 وتقوى ابويا عليه بس هو مكنتش بيصدق كلامها حاولت تخليه
 ميكملش دراسته بس هو صمم وقدر يكمل ويبقى مدرس شاطر
 وبعد كده اتجوز امل مراته دى بس خالد كان بيكرهه كان
 بيسمع كلام امى قبل جدك مايموت قدرت هى وخالد يخلو
 اجدك وهو نايم فى السرير فى ايامه الاخيرة يبصر على تنازل
 عن كل فلوسه باسم خالد عشان فكرى مايورثش حاجة وبعد
 جدك مامات طالب فكرى بحقه خالد قاله ملكش حق عندى
 كل حاجة باسمى انا اشتريت من ابوك طبعا فكرى ثار عليه
 وكانت مشاكل كتير وقضايا بس الطب الشرعى اكد انا
 البصمة صحيحة

ساعتها خالد اقنعنى ان فكرى حرامى وملوش حاجة عندنا وانه
 اخذ حقه من زمان بس عايز يقاسمنا فى حقنا وفعلا اقتنعت ان
 فكرى خد حقه وانه عايز ياخذ حقى ساعتها كنت مخاضاك انت
 ورودينا منساش دعوته وهوبيقولى حاسبى الله ونعم الوكيل
 فيكم كلكم سرقتموا حق اليتيم هيبقى عليكم نار وبكره
 تشوفوا

اكمل فخر الدين:بعدها خالك خالد طبعا اخذ كل الفلوس
طمع فيها واخذ حق امك وجدتك اللى ماتت بقهرها على ابنها
وعمايله بس ساعتها قالت

ده ذنب فكرى افترينا عليه وربنا خد حقه مننا

خديجة:دورنا عليه فى كل حتة معرفناش مكانه كان نفسى
اترمى فى حضنه واقوله حقك عليا ياخويا بس مفيش فايده
وسنين عدت وانت اتسجنت ظلم ساعتها حسيت ا ده عقاب من ربنا
بسبب فكرى وجاى دلوقتى بيان اودامنا لا ونور تبقى بنته يعنى

نور شوقتها اودامى ومعرفش انها بنت اخويا من دمي ولحمى

ادهم:اه عشان كده قالى روح لست الوالدة واسالها

خديجة:ادهم عايضة اشوفه وحشنى اوى يا ادهم

ادهم:خايف بعد ده كله يبقى اللى حصل زمان يبقى هو الحاجز
بينى وبين نور

خديجة:ودينى بس هناك وربنا يعدلها

فخر:بلاش ياخديجة انتى سمعتى كلام ادهم يعنى ممكن
يطردك ولا حاجت

خديجة باصرار:لا يا فخر هروح واللى يحصل يحصل

اليوم التالى ذهبت خديجة بصحبة ادهم الى منزل نور وقف امام
البيت بسيارته

ادهم:هو ده البيت اطلعى ياامى وانا هستناكى

خديجة:مش هتطلع معايا

ادهم: لا كفاية الى حصل بسببي لحد دلوقتي لو حصل حاجة
 رنى عليا وانا اطعمك على طول
 خديجة: طيب يا بنى براحتك
 صعدت خديجة الى المنزل وقفت امام الباب مترددة ولكنها
 استجمعت قواها ودقت الباب حتى فتحت لها مريم: اهلا وسهلا
 حضرتك عايزة مين
 خديجة: عايز فكري مختار هو ده بيته
 مريم: ايوه ثواني بابا يا بابا كلم حد عايزك
 فكري: مين يا مريم
 مريم: مش عارفة واحدة ست
 ذهب فكري ليري القادم تسمر امامه عندما راها سنوات مرت
 كثيرا على اخر مقابلة بينهم وها هو الشعر الابيض كسا شعر
 فكري وهاهي تجاعيد الوجه سيطرت على وجه خديجة
 فكري: افندم خير
 خديجة: وحشتني يا فكري ما وحشتكش
 نظر اليها مطولا ثم ما لبث ان اخدها في احضانه واخذها يبكان
 على فراق سنوات مرت ابتعد فيها الاشقاء عن بعضهم بسبب المال
 ظلت مريم تنظر اليهم بحيرة ثم خرجت امل من المطبخ: ايه
 يا مريم في ايه
 نظرت الى خديجة وهي تحاول تذكر وجهها: خديجة انتي
 خديجة
 خديجة ببكاء: ايوه يا امل انا

قابلتها امل باحضان اشتياق لها فقد كانتا اصدقاء قبل زواجها من
فكري

امل:معقول بعد السنين دي كلها ياخديجة
فكري:مش وقته ادخلوا نتكلم جوه

جلسوا جميعا فى جلستة عائليّة لم يعرفوا طعمها منذ زمن طويل
خديجة:فكري صدقنى واللّه ادهم مكش يعرف ان نور بنتك
وعمره ما عرف انها بنت خاله واللى حصل ده ملوش ذنب فيه ابداء
واللّه

فكري:بعد ايه ياخديجة بعد ما سيرتها بقت على كل لسان
وبالذات انه قال اودام الناس انها مراته

خديجة:ادهم حكاى كل حاجة هو عمل كده عشان يحميها
من الكلام اللى الزفت ده قاله عليهم ويعلم ربنا انه كذب واقترى

فكري:الناس متعرفش كده ياخديجة الناس ليه الظاهر وبس

خديجة:انا عندي الحل
امل:ايه هو
www.hakawelkotob.com

خديجة:يتجوزوا بجد وادام الناس كلها

فكري:انتى بتقولى ايه ياخديجة جواز ايه

خديجة:زى ما بقولك ادهم عايز يتجوز نور من زمان ويوم ما كانت
عنده فى المكتب كان بيطلب ايدها بس هى رفضت معرفش ليه

عشان كده بقولك يتجوزوا ويبقى محدش ليه كلمتة عليهم
مراته اودام الناس وساعتها اى حد عنده كلمتة يلها

فكري بتفكير:بس معتقدش نور هتوافق

خديجة:ليه يافكري ادهم ابني والله بيحبها ونفسه من زمان
يتجوزها يبقى ترفضه ليه

فكري:مش عارف ياخديجة مش عارف ثم نور تعبانت اوى من
ساعة الموضوع ده وعندها حالة انهيار عصبى يعنى ممكن
الموضوع ده يتعبها اكثر

خديجة:طيب ينفع اشوفها واتكلم معاها
امل:حاضر هصحبها

دخلت امل غرفة نور وجدتها جالسة على السرير شادرة تنظر الى
نافذة غرفتها وهى تبكي بصمت
امل:نور... يانور

نور:ايوه ياماما خير

امل:عمتك بره وعائزكى
نور:بصدمت:عمتى عمتى مين

امل:هتعرفى بس قومي اغسلى وشك ده وغيرى هدومك

قامت باستسلام فعلت ما طلبته امها وخرجت اليهم مان رات
خديجة حتى اندهشت واخذت تنظر لهم جميعا بدهشة عارمة

فكري:تعالى يانور تعالى و اشار الى خديجة:دى عمتك خديجة
واختى

نور:نعم عمتى ازاي واخت مين دى مامت

خديجة:ادهم مش كده..... ادهم يبقى ابن عمتك

نور:ازاي انتوا بتهزروا

فكرى: لا مش هزار اقعدى مع عمدتک وهى هتحيك كل
حاجت

تركوهم سويآ يتحدثون قصت عليها خديجت كل شئ من البدايت
حتى هذه اللحظت

خديجت: نور بعد اللى قلتة ده عايزاكي عرفى ان ادهم عايزك
شاريكي يانور وعائز يتجوزك

نور: وانا مش هقدر اتجوزه لمجرد انه قال اودام الناس انى مراته
ويبقى ده تصحيح غلط ياطنط

خديجت: بلاش طنط دى قولى عمدتو انا اتحرمت منها يانور

نور: ازاي مش حضرتك قلتى ان ليا عم اسمه خالد وعنده اولاد

خديجت: ايوه بس معرفش عنهم حاجت من يوم ما حصل اللى حصل
وهو قطعنى وانا خلاص مش عايزة منه حاجت كفايت فكرى

وانتوا عليآ قلتى ايه

نور: انا اسفرت ياعمتمو مش هقدر اتجوزك كده

خديجت: دماغك ناشفت زى ابوكى طيب استنى هتصل بادهم يجى
يتكلم معاكى

نور بسرعت: يجى فين

خديجت: ادهم تحت من بدرى خاف يطلع ابوكى يعمل فيه حاجت

نور: طيب ثوانى هلبس حاجت واجى

اتصلت خديجت بادهم الذى سعد بداخله خوف من لقاء خاله
بعدهما علم بكل شئ

قابله فكرى عند الباب: اهلا ازيك يا ابن اختى

ادهم بارتباك:والله ماكنت اعرف والله

فكري:واديك عرفت هتعمل ايه

القي ادهم بنفسه في حزن فكري:بصراحة كان نفسي يبقى ليا
خال حلو كده

فكري:اه يابكاش ادخل تعالى

دخل ادهم الصالون وجلس معهم جميعا وهو ينظر بعينه باحثا عنها

خديجة:عينك هتطلع استنى هتيجي دلوقتي

ادهم:احم احم عمرك قفشاني

دخلت نور اليهم وجدت ادهم يجلس معهم الذي مان راها حتى وقف

امامها

ازيك يانور

نور:الحمد لله

خديجة:طيب نسيبهم شوية يافكري ولا ايه

فكري:ماشى بس من بعيد لبعيد سامع

ادهم:علم وينفذ

جلس ادهم مع نور لايصدق نفسه انها امامه وانها ابنته خاله

ادهم:نور انا فرحان اوى يانور معقول طلعتنا قرايب

نور:الدنيا دي مليانته حاجات بتحصل عمرنا ماكنا نتخيها

ادهم:طيب قولتي ايه في طلبى يانور ولتاني مرة بقولك عايز

اتجوزك

نور:انا مش موافقة يا ادهم

ادهم:طيب ممكن اعرف السبب وصدقيني يانور لو بتحبى حد
تانى انا هخرج من حياتك وللابد

نور:حد تانى ايه ادهم افهمنى صعب اوى اتجوزك كده بسرعت
ثم بقى علاقاتك كتير وانا مش بيعجبني كده
نظر اليها بخبث:لتكون دى غيرة ولا حاجتا

نور:لا لا انت فعلا مغرور

ادهم:وانتى عنيدة ودماغك نشفت بس برضه عايزك طيب انا
عندى اقتراح هتوافقى عليه

نور:لو عجبني

ابتسم ادهم واكمل:شوفى ياستى ايه رايك لو نتجوز شهرين تلاتة
بس فضل زى ما احنا فى حكم المخطوبين نشوف هنستريح مع
بعض ولا ايه

نور:ايه ده ازاي يعنى وطبعا اتحسبت عليا جوازة لا طبعا مش
موافقت

ادهم:انا غلبت معاكى ايه اللى يريحك وانا اعمله بس خدى
بالك احنا اودام الناس متجوزين يعنى مفيش حلول تانيه

نور:ده لوى دراع بقى

ادهم:لا طبعا بس بعرفك الوضع اودامك عامل ازاي

نور:وانا مش موافقت عن اذنك

خرجت من الغرفة وتركته حائرا معها لايعرف كيف يتصرف
لترضى بالزواج به

دخلت عليه خديجة وفكرى وامل دخلت الى غرفة نور

خديجة: ايه اللى حصل يا ادهم

ادهم: مش عارف يا امى انا تعبت معاها مش راضية باى حل يرضى
جميع الاطراف

فكرى: سيبها يا ادهم وانا هعرف ازاي اقنعها
ادهم: تفتكر يا اعمو

فكرى: انا خالك مش عمك يا واد قلتك سيبها وانا هعرف ازاي
اقنعها

خرجت خديجة وادهم من المنزل وانطلق بسيارته الى منزلهم
ادهم: ماما ممكن اطلب منك طلب

خديجة: خير يا حبيبي

ادهم: بلاش تجيبى سيرة اللى حصل لنور فى الشركة اودام حد من
البيت اخواتى وبابا يعنى

خديجة: ايه يا ادهم لا طبعا مقدرش اقول حاجة زى كده بس ليه
ادهم: مش يمكن لو حصل نصيب واتجوزنا هتبقى اودامهم مش
عايز حد ساعتها يقول عليها كلمة تجرحها
نظرت اليها طويلا: اد كده بتحبها يا ادهم

ادهم: بصراحة اوى بس اللى وجعنى رفضها ليا مجننى ومخلىنى مش
فاهم رفضانى ليه مع انها بتقول مفيش حد فى حياتها

خديجة: يبقى سيبها على ربنا وفكرى باذن الله هيقدر يقنعها
متخافش

ادهم: يارب يا امى يارب

دخل فكري غرفة نور التي كانت تجلس شاردة تفكر في وضعها
وحديث ادهم

فكري:الجميل سرحان كده ليه

نور:ها لا ابدا يا بابا مفيش افضل

فكري:نور انتي عارفتي دوغري ومليش في اللف والدوران وانتي

اكثر واحدة في اخواتك اخدتي طبعي

نور خبت:بدون مقدمات يا حاج فكري

فكري:رفضتي ادهم ليه

نور:بابا افهمني ادهم شاب ممتاز جدا ومقدرش انكر اني موافقت

عليه مبدائيا بس علاقته الكثير بالبنات بتخليني اخاف

انه بعد الجواز يفضل طبعه زي ما هو ساعتها يعمل ايه

فكري:طيب لو مقولتيش لادهم كده

نور:قلته قالي انا مليش علاقات في الحرام وعلاقتي بسبب بكرة

هتعرفيه وكلام مش مفهوم

تنهد فكري:بصي يانور عمتك حكيتي على كل حاجة عن

ادهم

ادهم يانور كان زمان شاب ممتاز مهندس بطل كونوفو راجل اي

بنت تتمناه كان بيشتغل في شركة كبيرة بتاعت مقاولات

وهناك اتعرف على واحدة حبها جدا وكتب كتابه عليها وكان

فرحان اوى بجوازهه بس البنت دي كانت طماعة صاحب الشركة

لف عليها واقنعها ان ادهم على اده ومش هيعملها اللي هي عوزاه

وكلام كتير وعشان يخلصوا من ادهم لفقوا قضية سرقة حديد

من شركته وهي راحتله السجن وساومته لو عايز يخرج يطلقها
 طبعا ادهم كان تعبان في الفترة دي ومكنش مصدق اللي بيحصله
 فضل اكثر من ست شهور مسجون لحد ماطلقها وبعد كده عرف
 انهم هيتجوزوا راحلو مكتبه وضربه طبعا الراجل مسكتش بعته
 رجائه ضربه وكسروا رجله وفضل عاجز كده لحد تقريبا
 مااعمل عملية مش كده

نور بحيرة: ايوه فعلا هو عملها من مدة يوم ماروحت انا وزمايلي عنده
 البيت وشوفت عمتي اول مرة هناك

امسك يدها يطمئنها: نور صدقيني ادهم عايزك عشانك انتي
 ثم يابنتي بعد اللي حصل في الشركة مينفعش متتجوزوش هتبقى
 مشكلت واللى يسوى واللى ميساوش هيجيب سيرتك يا نور يبقى
 ليه يا حبيبتي

نور بعد تفكير: انا موافقت يا بابا بس اقعد مع ادهم اولاً واقوله
 شروطي

حكاوي الكتب
 www.hakawelkotob.com

الفصل السادس

اتصل فكري بخديجة واخبرها بموافقة نور المبدئية ولكن
بشروط تتفق مع ادهم عليها وما ان اخبرت خديجة ادهم حتى
عادت اليه ضحكته مرة اخرى

ادهم: بجد ياماما وافقت

خديجة: اه والله يا حبيبي بس ليها شروط

ادهم: موافق عليها من غير ما عرفها

ضحكت خديجة بشدة: ايه يا بني كده نور هتسيطر من دلوقتي
ولا ايه

ادهم: لالا عيب عليكى يا حاجتة ابنك راجل برضه ومفيش
واحدة مهما كانت تسيطر عليها

خديجة: حبيبي ربنا يهنيئك يارب ويسعدك بس انت هتعمل
فرحك على طول ولا هتستنى

ادهم: اعرف شروط نور وبعدين اقولك يا امي

ذهب ادهم الى بيت خاله يحمل معه الورد لنور ويحاول استيعاب
شروطها الذي احس انه يعرفها مسبقا

فكري: اهلا اهلا يا ابن اختي

ادهم: اهلا يا خالو ازيك يا راجل وحشني من زمان مشفتكش

فكري: انت هتشتغلني ولا ايه يا استاذ اقعد هنا اقعد

جلس ادهم مع فكري يتسامرون قليلا حتى تحضر نور
ادهم:الا قولى ياخالو ياخالو انت متعرفش شروط نور ايه
فكري:والله يا ادهم مش عارف مرضتش تقولى حاجة قالتى بينى
وبين ادهم

ادهم:اه ربنا يستر

بعد قليل دخلت عليهم نور تحمل العصير وماان راها حتى وقف
امامها ونسى تماما وجود خاله

كانت ترتدى فستان جميل بالوان زاهية زادتها جمالا واشراقا
ادهم:ازيك يانور

نور بخجل:الحمد لله افضل

فكري:انت يااستاذ متنج كده ليه انا موجود على فكرة

ادهم:حبيبي ياابو نسب ياخالى ياخالو انت

فكري:اه انت شكلك كده اونطجى وهتتعبنى معاك اما اقوم
اشوف الماتش

ادهم:ايوه وياريت تتابع تحليل الماتش

فكري:انت يااولا انت فكرنى عبيط ولا ايه انا خارج بمزاجى وباب

اللاوضه هيفضل مفتوح اودامى حركة كده ولا كده هرميك من
الشباك وملكش ديت

ادهم:لالا انت كده خطر متخافش ياسيدى افتح الباب والشباك

وتعالى وهات الجيران كمان مضيش مشاكل

فكري:ماشى ماشى انا خارج اهو

جلست نور مع ادهم مرتبكتا تشعر بشئ غريب لأول مرة وعينا
ادهم لاتفارقها

ادهم:ها هتفضلي ساكتة كده

نور:اقول ايه

ادهم:يعنى وحشتنى فينك من زمان كده يعنى

نور:ايه ده لا طبعا

ادهم:ماشى ياستى اقول انا..... وحشتينى اوى

نور:ادهم بلاش كده

ادهم:بس انا عايز كده عايزك تحسى بيا وتعرفى انى

بحبك اوى يانور ونفسى احس ان انتى كمان بتحبيبنى

نور:ادهم خلى الايام هى اللى تثبت ولازم تعرف شروطى يمكن

متوافقش عليها

ادهم:موافق من قبل ما اعرفها وراضى بيها مع انى حاسس انى عارف

واحد

نور:ايه هو؟

www.hakawelkotob.com

ادهم:قولى انتى الاول

احمر وجهها قبل ان تتحدث:انت فاكر يوم ماجيت هنا وعرضت

عليها الجواز اقترحت اقتراح فاكره

ابتسم ادهم وتاكد من تخمينه ولكنه احب ان يرى خجل وجهها

:لا بصراحة مش فاكر

نور:ادهم انت فاكر كويس

ضحك ادهم بشدة:طيب ومالك مكسوفت كده ليه طبعا فاكر
يوم ما قلتاك هنفضل زي المخطوبين
نور:ايوه

ادهم:من غير ما ادخل فى تفاصيل بسبب الطماطمية اللى اودامى
موافق يانور

نور:يعنى موافق بجد

ادهم:طبعا موافق انا عايزك انتى تبقى معايا فى بيت واحد
اشوفك اودامى باستمرار ده كل اللى انا بتمناه وصدقيني عمرى ما
هغصبك على حاجة انتى مش عاوزها غير لما تتاكدي انك
بتحبيى وعائزاني يانور بس شرطك التانى ايه

كانت تسمع حديثه وهى حالمة لاتصدق انه يريدها هى فقط
حتى لو لم يحدث بينهم شئ

ادهم:هاى نور وحتى فين نور بارتباك :لا معاك شرطى التانى ان
افضل اشتغل ومتخلنيش اسيب الشغل

صمت قليلا ثم اعتدل لها قائلا:نور احنا هنتجوز وانا هبقى ملزم
اصرف عليكى يبقى ليه الشغل ووقفتمك وسط الرجالة

ضحكت نور:ادهم انت عرفتنى وانا بشتغل وواقفت فى وسط رجالة
عمر ك شوفت منى تصرف غلط

ابتسم لها:بصراحة ابدأ انتى تتحطى فى وسط مليون راجل
ومخافش عليكى

نور:بقى كده يعنى مش بتخاف عليا اهو

رد ادهم بسرعة: لالا بتقولى ايه ده انا اموت لوحد يقربك
 متعرفيش بخاف عليكى ازاي وانتى بعيد عنى ولا يوم ما وقعتى
 كنت حاسس انى هتشل مش عارف اتحرك من مكانى
 نور: بعد الشر عليك

ادهم: ايه ده ايه ده احنا بنخاف بقى ولا ايه ولا بنحب ولا ايه
 نور: ادهم كل اللى عايزة اقولك عليه انى موافقتك عليك وبقى
 مبسوطت وانا وياك اه ساعات كتير زعلت منك بس بعد كده
 برجع تانى وبنسى اى حاجت

ادهم: وانا مش عايز غير كده عايزك معايا تحسى بيا تعرفى انا
 بحبك اد ايه حتى لو سمعتش منك كلمت بحبك راضى
 وموافق بس تبقى ليا فى يوم من الايام يانور
 نور: طيب ممكن اسالك سوال

ادهم: امرينى حبيبتي
 نور: جيلان وجودها معاك سببه ايه انت قلت قبل كده انها
 صداقتك بس انا شايفت غير كده
 ادهم: احنا هنغير ولا ايه

نور: حقى اعرف كل حاجت عن علاقتك بيها
 عاد براسه للخاف كانه يتذكر اشياء كثيرة
 ادهم: نور ممكن اقض فى البلكونة شوية عايز اشرب سيجارة
 واتكلم معاكى فى حاجات كتير
 نور: ماشى مع انى نفسى تبطل سجاير
 ادهم: ايدى على كتفك

نور: طيب ادخل هنا اما اعمالك حاجة تشرىها
امسك بكفها وحاول تقبيله الا انها جذبتة بسرعة وخرجت
سريعا وهو يضحك عليها
بعد قليل حضرت ومعها كوبان من الشاي وبعض قطع الكيك
وجالست معه فى الشرفه
نور: ممكن بقى تشرب الشاي وتاكل الكيكه دى
تناول ادهم الكيكه وتذوقها :امم جميله اوى مامتك نفسها
حلو اوى

نور: لا دى مش ماما دى عمايلى انا
ادهم: لا لا وست بيت كمان ياسعدك ياهناك يا ادهم
ضحكت نور بشده: خلاص بقى قولى كنت عايز تقولى ايه
ادهم: نور انا كنت متجوز قبل كده
نور: عارفت انك كنت خاطب وكاتب كتابك ولا فى حاجة
تانيه

ادهم: اوبالااا هى الحاجه سيحتلى ولا ايه
نور: ههههه حاجه زى كده
ادهم بجديته: وعرفتى انا طلقته ازاي
نور: ايوه بس انت لسه بتحبها

ادهم: ههههه احبها احب مين يا نور انا فى حياتى ما كرهت حد
زيها دى دمريت حياتى عارفته يعنى ايه واحد فى عز شبابه يبقى
عاجز برجله اترمى فى الشارع اربع ساعات بنزف ومش لاقى حد

يسعفنى لما تبعنى بالرخيص عشان الفلوس يبقى احبها ازاي يا نور
..... انا حالف لادمرهم واقضى عليهم زى ما عملوا فيا

نور:ايوه بس ده ايه علاقته بجيلان

ادهم:الراجل اللي خطيبتي نانسي اسمها كده على فكرة اسمه
مروان الشناوى

جيلان تبقى اخته بس من الاب مش من الام

نور:يعنى انت بتنتقم منه فى اخته لا يا ادهم كده لا

ادهم:عارف وعشان كده بعدت عنها وبحاول كثير ابعتها لانى
شوفت انها حاجت رخيصة اوى لو عملت كده

ثم نظر الى عينيها مباشرة:وبصراحة اخاف عليكى حد يحاول
ياذيكى بسببى ساعتها مش عارف ممكن اعمل ايه

ارتبكت قليلا:طيب قولى انت هتقولهم على شروطى

ادهم:الشرط التانى بس اما الاولانى دى حاجت تخصنا احنا محدش
له حاجت عندنا ان شاء الله سنته المهم فى الاخر تكونى ليا انا

وبس

www.hakawelkotob.com

نور:بصراحة خفت ترفض

ادهم:اد كده بتحبينى لالا مش قادر اصدق معقول انا عارف سحرى
لا يقاوم

نور:ههههه مش قلتلك مغرور

وقفا سويا يتناولون الشاي ويضحكون حتى لاحظ ادهم وجود
شخص ينظر اليهم دقق نظره جيدا وجده يوسف يقف فى الشارع

بجوار سيارته ويراقبهم

ادهم:هي حصلت

نور:فى ايه

ادهم:يوسف الزفت واقف تحت اهوو

خرج من الشرفة الى الغرفة امسكت به نور:ادهم بلاش عشان
خاطرى بلاش تنزل

ادهم بجديتة:نور استنى هنا سمعانى اوعى تخرجى البلكونتة

خرج وتركها وهى تنادى عليه دخل والدها :فى ايه يانور

نور:ادهم يابابا هيضرب يوسف تحت

جرى فكرى سريعا خلف ادهم راه يمسك بيوسف بعصبية شديدة

ادهم:هو انا مش قتللك لو شفتك فى اى حتة هقتلك

يوسف :انا حر واقف فى الشارع انت مالك هو ايه اشتريته

لكمه ادهم فى وجهه:انت ايه حيوان معندكش دم ولا كرامتة
اعمل فيك ايه

يوسف:ايه ده زعلان اوى كده ليه بس تصدق عندك حق تستاهل

ورفع عينه ليرى نور واقضتة مع مريم وامل

ادهم:متجيش سيرتها على لسانك سمعتنى

امسك به فكرى ومازن الذى حضر متاخرا

فكرى:خلاص يا ادهم خلاص وانت يا يوسف كنت فاكرك انسان

محترم طلعت انسان معدوم الضمير

ادهم:انسان ايه بس سيبنى عليه اقتله

مازن:امشى بقى من هنا مش عايزين مشاكل بدل والله اعلم عليك

وانت حر

فكري: خلاص بقى كفاية الناس اتفرجت علينا اطلعوا يلا
 صعدوا جميعا وتركوه دخل ادهم مع فكري ومازن الى البيت
 امل: ده حيوان جاى هنا ليه مش عارفة
 ادهم: جاى يثبتلى ان كلامى ماثرش معاه
 مازن: كنتوا سيبوني عليه الم العيال واضربه علقته تخليه يقول
 حقى برقبتي
 فكري: خلاص بقى الحكايتة مش ناقصة تسخين انزل يلا هات
 العشا عشان تعشى
 ادهم: لالا ملوش لزوم انا همشى
 امل: والله ابدا لازم تتعشى معانا ولا ايه يانور
 كانت صامتة بعيون دامعة حتى افاقت من شرودها على صوت امها
 ها ايوه ياماما لازم طبعا
 فكري: طيب انا هدخل اغير هدومي وانت يا ادهم هدى شويت
 بلاش عصيبتك دي
 ادهم: حاضر بس بعد اذنك عايز نور شويت
 فكري: ادخل يلا استناني جوه وانا جاى اهو
 دخل ادهم ونور الى غرفة الصالون مرة اخرى
 ادهم: هو انا مش قلت متخرجيش خرجتى ليه
 نور: غصب عنى مقدرتش اقف كده كنت خايضة اوى
 امسك بكفها وجدها ترتعش ود لو ضمها اليه ولكن الكثير
 يمنعه

ادهم: نور عشان خاطر مش عايزك تخافى وانا معاكى انا هفضل
امانك وحمایتك واى حد اى حد يحاول بس يقرب منك هيبقى
اخر يوم فى عمره

نور: مش عارفت ايه اللى بيحصل ده مش عارفت

ادهم: سيبك من اى حاجت بس احنا لازم نتجوز وفورا

نور: ايه لالا مينفعش

ادهم: ليه يانور مش اتفقنا على كل حاجت خلاص

نور: ايوه بس ايه فورا دى

ادهم: حبيبتي: خايف عليكى مش عايز حاجت تمسك ومش هبقى
مطمئن وانتى بعيدة عنى انا هكلم خالى ونحدد الفرح بعد
اسبوعين

نور: لالا مش هينفع حاجات كتير نقصانى

ضحك ادهم: خلاص ياستى ولا يهمك شهر كويس

نور: اسال بابا عن اذنك

خرجت نور قابلها فكرى: فى ايه يانور

نور: لالا بابا هشوف ماما بتعمل ايه

فكرى: طيب يلا حضروا العشا بسرعة الواحد جاع

نور: حاضر من عونيا يا حاج

فكرى: ايه يا ابن اختى بتفكر فى ايه

ادهم: بصراحة عايز اتجوز

فكرى: مستعجل اوى اصبر شويت

ادهم: ليه بس ياخالو شهر حلو اوى

فكري: شهر ازاي لالا قليل اوي يادهم

ادهم: ياخالي الشقة عندي جاهزة من كله يعني عايزها بشنطرة
هدومها وبس

فكري: انت شايف خالك قليل اوي كده في نظرك

ادهم: لالا ياخالي انا اسف والله مقصدش حاجة ان اقص ان شقتي
جاهزة مش ناقصها غير نور واي حاجة انت تتطلبها انا تحت امرك
فكري: خلاص اشوف امل ونشوف ممكن نخلص اللي ورانا امتي

ادهم: اه بس سريع سريع مش شهرين تلاتة

فكري: هههه ماشي ياسيدي

ادهم: ايه رايك نكتب الكتاب عشان محدش يتكلم ونبقى فعلا
متجوزين بجد

فكري: امم ماشي يناسبك امتي

ادهم: ايه رايك يوم الجمعة

فكري: ايه ده بعد بكرة

ادهم: ايوه ياخالي خير البر عاجله ايه رايك

فكري: ماشي خلاص بس مش تقول لابوك ونتفق على كل حاجة
ولا ايه

ادهم: بكرة باذن الله هنكون عندك كلنا انا اتفقت معاهم لو
واقفت اجيبهم واجي

دخلت نور: يلا الاكل جاهز

فكري: تعالي يانور شوفي ادهم مصمم انكم تتجوزوا الاسبوع ده

نور: ايه بسرعة كده ازاي

ادهم: ده كتب كتاب بس والفرح بعد شهر قولتي ايه
نظرت الي والدها وجدت الفرحة في عينه فنظرت الي ادهم
مواقفة

.....

بدات تجهيزات العرس بعدما اتفق الطرفين على ان يتم الزفاف في
خلال شهر واليوم هو موعد عقد القران كانت تقى ورفيدة تجلسان
مع نور في غرفتها وهي تستعد لكتب الكتاب
تقى: نفسي اعرف الي حصل ده حقيقي ولا خيال معقول ادهم يطلع
ابن عمك

نور: انا لحد دلوقتي مش مصدقة حاجة كده زي الروايات
ورفيدة بخبث: بس قوليلي يانور قدرتي توقعيه ازاي مع انكم اول
ما اتقابلتوا مكنتوش طايقين بعض وايه اللي خلاه يقول في
الشركة انك مراته

تقى: تصدقي يابت انتي مخك تخين اكيد عشان الصور اللي يوسف
الزفت عملها
www.hakawelkotob.com
نور: فعلا منه لله مش مسامحه ابدا

ورفيدة: تسمحي مين ده انا لو مكانك اقتله

تقى: والله لتهدى اعصابك ياعم الحاج مش ناقصة هيا
دخلت عليهم مريم: نور الحقى ولاد عمك وصلوا بره وعايزين
يشوفوكي

ارتبكت نور: يشوفوني هو لازم

مريم: نعم يا اختي ليه هتستخبي ولا ايه انتي كده حلوة اوى يلا
بقي

نور: لالا انا خايضت

تقى: خايضت ليه هي ليلتة الدخلة ولا ايه

نور: تصدقي انك قليلة الادب

تقى: انا ما انا عارفت

دق باب الغرفة ودخلت رودينا ودارين دخلوا عليها مبتسمين

رودينا: مبروك يا نور الف مبروك

نور: الله يبارك فيكي يا رودى

دارين: وانا لا

نور: لا طبعا ازاي نور تيني يا دودو

رودى: طيب يلا بقي الماذون بره والناس كلها جت

نور: بخجل واضح: طيب نستنى شوية

رودى: ههههه فكرتيني بنفسى كنت مكسوفة اوى يلا بقي كتب

كل حاجة ناقص العروسة

نادا عليها مازن: يلا يا نور يلا بسرعة

نور: حاضر جايت اهوو

خرجت من غرفتها نظرت حولها وجدتهم جميعا فى انتظارها وادهم

ووالدها بجوار الماذون

التف حولها الجميع بفرحة يهنئونها وعيون ادهم تراقبها كانت

جميلة بضستان جميل ينم عن ذوق عالى

انتهى الماذون من كتب الكتاب ووقعت هي وادهم على وثيقت
الزواج

خديجة:الف مبروك يا حبايبي ربنا يهنيك

ادهم:الله يبارك فيكي يا امي

فخر الدين:عرفت تختار يا ادهم عروستك زي القمر

ادهم:لا كده غلط انا واقف برضه بتعاكس مراتي وانا موجود

فخر:خلاص بقى بقت مرات ابني وبنتي ولا ايه يا نور

نور:طبعا يا عمو

فخر:لا لا عمو مين بابا زي اخواتك رودى ودارين

ابتسمت نور:حاضر يا بابا

مر اللقاء سريعا وسط فرحة الجميع ماعدا داليا زوجة عمر التي

كانت تتمنى اختها بديلة لنور

ادهم:خالو ممكن اخد نور وتعيشي بره

فكري:امم افكر تخرجي يا نور

نور:اللى تشوفه يا بابا

ادهم:اللى تشوفه يا بابا ماشى ماشى

نور:خلاص بقى

فكري:ماشى بس مفيش تاخير

ادهم:طيب ايه رايك بما اننا كتبنا الكتاب نروح شقتنا واهى

جاهزة

عمر:مستعجل على ايه بكره تقول ولا يوم من ايام العزوبية

داليا:قصدك ايه يا عمر

عمر: لا يا حبيبتي ولا حاجت

ادهم: ناس متجيش غير بالسك

فكري: زى ما قلت مفيش تاخير ولا ارجع فى كلامى

امسك ادهم بكف نور: لا وعلى ايه مش هنتاخر باذن الله

ركبا سويا سيارته وانطلق الى احد المطاعم الذى كان حجز فيها

مسبقا

ارشدهم النادل الى مكانهم بعيدا عن الانظار كان هذا اختيار

ادهم

نور: يعنى انت بقى مضبط كل حاجت

ادهم: طبعا وهو ده يوم عادى برضه حبيبتي

نظرت اليه قليلا ولم تتحدث

ادهم: نور لسه مش متاكدة انى بحبك

نور: ادهم انا عمري ما عرفت طعم الحب غير فى الروايات والافلام

لكن الحب الحقيقى عمري ما عرفته

ادهم: يعنى عمرك ما حبيبتي قبل كده

نور: بصراحت لا على اد ما كان نفسى احس بالاحساس ده بس

كنت ديما بقول ان اكيد الحب اما يكون فى الحلال هيبكون

احسن

ابتسم ادهم معجبا بحديثها ثم امسك بيدها وجدها ترتجف

عندما لمسها

تعرفى انا دلوقتي اتاكدت ان اختياري كان مضبوطنور

بتحبينى

صمتت طويلا وهو ينظر اليها بحزن

ادهم: يظهر اني اتسرعت

نور بسرعة: لا ابدا

ادهم بلهفة: يعني بتحبيني

اومات براسها موافقة دون ان تتحدث

ادهم: لحد كده موافق بس بعدين هسمعها من شفايضك الحلوة دي

احمر وجهها بشدة ولم تتحدث بكلمة واحدة وظل هو ينظر اليها

ونسى العالم وما حوله

قاطع خلوتهم صوت

مش معقول ادهم

التف ادهم فوجد شادي ابن خاله ومعه انجي شقيقته

ادهم: ازيك ياشادي اخبارك ايه

شادي: يااه سنين يا ادهم من قبل ماتسافر ازيك عامل ايه

ادهم: بخير الحمد لله

ازيك يا انجي

انجي بدلال: انا كويست ازيك انت وحشتنا اوي

القي شادي بنظره على نور: مش تعرفنا يا ادهم

امسك ادهم بكف نور يساعدها على الوقوف بجانبه وما ان وقفت

بجانبه حتى وضع يده على خصرها حتى اصيبت بدهشة من

تصرفه ولكنها لم تتحدث

ادهم: دي نور بنت عمك

نظر شادي الى انجي: بنت عم مين

ادهم: بنت عمك انت عمك فكري

انجي: ايه ده انت بتقول ايه

ادهم: هو انا قلت حاجت غريبت بقول بنت عمك هو انتوا

متعرفوش ان ليكم عم اسمه فكري

شادي: معقول يعني كلام بابا مضبوط لسه من يومين قالي اننا لينا

عم اسمه فكري

ادهم: بالظبط كده ودي نور بنته

انجي: وهى بنت خالك ماسكها كده وقاعدين فى الجو الرومانسى

اوى ده

نظر ادهم الى نور ورأى وجهها الغاضب فنظر لانجي بتحدى

ادهم: ما انتوا متعرفوش ان نور تبقى مراتي

شادي: ايه ده معقول يعني انت تعرفها من زمان على كده

نظر ادهم لنور: من زمان اوى

امسك شادي بكارت واعطاه لادهم: ادهم ياريت نتقابل بالذات

بعد موضوع نور

ادهم: اكيد ياشادي اكيد بس اتفضلوا نتعشى سوا اصلنا بنحتفل

بكتب كتابنا

شادي: معقول يعني لسه متجوزين

ادهم: ايوه يادوب من ساعتين

شادي: انا اسف يانور بصراحة متلخبط بنت عمى وفجاة كده اكيد

حاجت غريبت

ابتسمت نور: ولا يهكم انا برضه اتلخبطت اول ما عرفت

شادي: خلاص يبقى لازم نتقابل كلنا اكيد بابا هيضرح اوى ولايه
يا انجى

انجى: مش عارفة بصراحتا

شادي: طيب نسيبك بقى تحتفلوا واكيد هنتقابل
ادهم: باذن الله

تركوهم وذهبوا حتى قالت نور: معقول ولاد عمى مش مصدقتا
وضع اصبعه على شفيتها: هسسس انسى كل حاجتا وخليكى معايا
انا

خجلت نور من فعلته وظلت تنظر حولها خوفا ان يراها الناس
اشار الى النادل الذى اوما براسه وبعد قليل ارتفعت اصوات
الموسيقى فى المكان واطفات الانوار واشتعلت الشموع
نور: ايه ده

امسك كفها ونظر الى عينيها: دى اقل حاجتا ممكن اعمالها
لحبيبتى
لم تصدق ماتراه اقترب النادل ومعه تورتة جميلة ووضعها امامهم
وبدا الموجودين بالتصفيق لهم

ادمعت عينها وادهم ممسك بيدها بحب: بحبك اوى يانور بحبك
اوى

لم تستطع الرد وهى تنظر اليه والى ما يحدث امامها
نور: ادهم انا فين

ادهم: ده جزء من جنتنا يانور اللى هنكون فيها سوا
امسك بيدها لتقوم: ممكن ترقصى معايا

نور: اممم

قاما سويا يرقصان وسط الجميع الذين لا يعرفونهم حتى ولكنهم
في عالم اخر ليس فيها سواهم كان يحتضنها بيده وهي ممسكت
به كالطفل الصغير تجد فيه امانها وحمايته..... وحب عمرها
.....

عادوا الى منزل نور بعدما قضاوا سهرتهم وهما في قمة السعادة
والحب وصل امام بيتها

ادهم: حبيبتي تصبحي على خير يا عمري

نور: ايه ده مش هتطلع معايا

ادهم: ايه خايضت ولا ايه

نور: يا سلام هخاف من ايه بس تعالي معايا

قبل كفا: معلى حبيبتي باذن الله بكرة هكون عندك ما انا

سمعت اني معزوم ولا ايه

نور: لا هتتلقى لو مطالعتش

ادهم: واهون عليكى برضه معلى خليا وقت تانى

نور: ماشى يا ادهم براحتك سلام

قبل ان تغادر امسك يدها واقترب منها: عشان خاطر متكشريس

كده

نور: خلاص مش زعلانة

اقترب منها فجأة وقبل خدها بشوق

ارتبكت نور بشدة: ايه ده انت عملت كده ازاي

ادهم: وفيها ايه مش مراتي

نور: ادهم احنا فى الشارع

ادهم: محدش له حاجة عندي ولا ايه

ابتسمت له وخرجت من السيارة: تصبح على خير

ادهم: وانتى من اهله حبيبتي

انتظر قليلا حتى دخلت البيت وارجع راسه للوراء يشعر بسعادة

كبيرة افتقدها منذ زمن

اما هي دخلت بيتها وهي تشعر بفرحة كبيرة لاتعرف سببها

بدات تصعد السلم ولكن يد منعها من الصعود نظرت فوجدت

يوسف امامها كادت تصرخ لكنه كتم فمها بيده يمنع صوتها

يوسف: انتى تبعيني انا وتتجوزى ادهم ده ليه بتحببيه ها بس انا

الى بحبك مش هو

حاولت ان تفلت من يده لم تستطع

يوسف: متحاوليش مش هسيبك سمعتيني مش هسيبك انا اصلا

بقيت مجنون بيكى يعنى هتبقى ليا غصب عنك يانور

افلتت منه بمشقة: انت فعلا مجنون مستحيل تكون دى تصرفات

بنى ادم طبيعى ابدا

رفع يوسف يده وصفعها على وجهها حتى انها سقطت من اثر اللطمات

كاد ادهم ان يغادر لكنه وجد هاتف نور بجوار على الكرسي

تردد كثيرا ان يصعد اليها لكنه امسكه وخرج من السيارة واتجه

الى مدخل البيت فى نفس اللحظة التي كان يوسف يصفع نور وهي

تصرخ

صرخ ادهم بشدة: نوررر

نور: الحقنى يا ادهم

انطلق كوحش كاسر على يوسف يضربه بكل غضب الدنيا
ضربات متتالية تحمل له كل الغضب ظلوا يضربون بعضهم ونور
ملقاة على الارض خائفة ترتعش

لم يعد وجه يوسف على ما هو عليه من كثرة الضرب الذى تلقاه من

ادهم الذى قد عاد الى تدريباته منذ فترة ليست بكبيرة

ادهم: والله العظيم لو شفت وشك تانى لاخلص عليك واوديك

فى ستين داهيتا

يوسف: هتفضل تشوفنى ومش هسيبها برضه

صفعه ادهم بشدة: انت حيوان خلى عندك دم دى خلاص بقت

مراتى ومش كلب زيك هياذيها واسكتله

يوسف: بس حبيتها قبالك

صفعه مرة اخرى: اخرس خالص متجيش سيرتها تانى دى مراتى وانت

ملكش وجود عندها اصلا وامشى بقى من هنا بدل ما اقتلك

نظر اليهم ثم خرج مسرعا اما ادهم فالتف الى نور سريعا وواقفها

واحتضنها بشدة وهى مازالت تبكى بشدة

ادهم: حبيبتي خلاص عشان خاطرى ربنا ستر

نور: ادهم انا خايضة اوى متسبنيش

امسك وجهها بكفيه واقترب منها: مش عايزك تخافى وانا موجود

مش هخلى اى حد مهما كان يلمس شعرة منك

نظرت اليه خائفة ترتجف :يلا حبيبتي نطلع فوق اكيد خالي
قالب الدنيا علينا

صعدا سويا وهي متشبثة به خائفة وهو يضمها بذراعيه حتى وصلا
فتحت لهم مريم الباب التي صعقت من حالة نور

مريم:ايه فى ايه مالها نور

ادهم:مش وقته ندخل بس

حضر ابواها ومازن انزعجوا من هيئتها

فكرى:ايه فى ايه مالك يانور ايه اللي حصل يا ادهم

ادهم:خير يا خالي تستريح بس

اجلسها على الكرسي :مريم كوبايتة ميتة الله يخليكي

امل بخوف:طمنى يا ادهم مالها نور

جلس بجوارها وهو مازال ممسك بيدها:نور معدتش تخرج من البيت

تانى يا خالي ممكن

فكرى:افهم فى ايه

ادهم:فى ان يوسف الكلب كان مستنيها تحت فى بير السلم والله

اعلم لو مكنتش دخلت وراها الله اعلم كان عمل فيها ايه

فكرى:لالا الواد ده اتجنن انا مش هسكتله تانى

ادهم:متقلقش انا هتصرف معاه بس زى ماقلت مفيش خروج تانى

لحد معاد الضرح

نور:طيب وشغلى

ادهم بعصبية شديدة:يتحرق الشغل مفيش خروج يانورا لا معايا او

مع خالى او مازن غير كده لا

امل:طبعا مفيش خروج كفايتة كده اوى

نور:يعنى ايه هتحبس بسبب واحد زى ده

امل :او مال تخرجى وياذيكى تانى

ادهم:انا قلت مفيش خروج لوحدك تانى ولا حتى الشغل

نور:بس ده مش اتفاقنا يا ادهم ولا نسيت شرطى

ادهم:لا طبعا منستش بس برضه قلت مش لوحدك يعنى انا كل

يوم الصبح هعدى عليكى وانا رايح الشغل

اشار الى مازن :تعالى معايا يامازن

فكرى:على فين

ادهم:هاروح القسم ابغ عنه واعمل عليه تعهد بعدم التعرض لاي

حد فينا

فكرى:طيب استنى هجى معاكم

ادهم:مينفضش خلى حضرتك معاهم مش معقول هنسيب البيت من

غير راجل احنا مش هنتاخر يلا يامازن

www.hakawelkotob.com

بالفعل ذهبوا الى قسم الشرطة وقدم بلاغ ضد يوسف بعدم

التعرض

بدوا تجهيز عش الزوجية الذى كان فى منزل العائلة كانت

بداخل نور خوف ان لا ينفذ ادهم اتفاقه معها فى علاقتهم بعد

الزواج ولكنه كان دائما ما يشعر بها وبخوفها ولكنه اراد لها ان

تتاكد بالفعل لا بالقول

في مكان اخر لم ناتي اليه بعد هنا شركات مروان الشناوى الد
 اعداء ادهم الذى خطف منه حبيبته السابقة نانسى ولكن
 زواجهم لم يستمر اكثر من عامين بعدما علم انها لاتستطيع
 الانجاب طلقها لكنها استطاعت ان تاخذ منه اموال كثيرة
 استثمرتها بعد ذلك في احدى مراكز التجميل التي تمتلكه الان
 كان يجلس في مكتبه غاضبا فهو رجل يملك الكثير من
 الاموال والعقارات وعندما قرر ان يبني قرية سياحية علم ان
 هناك قرية اخرى سيتم افتتاحها وستكون قريبة منه ولكنه
 يريد ان يكون الوحيد وبلا اى منافس

يدخل عليه رشاد مدير اعماله وذراعه الايمن في كل اعماله

رشاد: صباح الخير مروان باشا

مروان: خير منين وانت مش عارف تشوف شغلك يارشاد

رشاد: ليه بس انا عملت حاجة غلط ولا قصرت في حاجة

مروان: ازاي لحد دلوقتي متعرفش مين صاحب الارض بتاعة شرم

الشيخ عرفت بقى انك مش شايف شغلك

رشاد: لا لا يا مروان بيه انا عرفت كل حاجة مين صاحب ومين

شركاته كمان

مروان: طيب ماتنطق مستنى ايه اجر منك الكلام بالعافية

رشاد بخبت: صاحب الارض حبيبك من زمان يا باشا

مروان: تقصد ايه مين هو

رشاد: ادهم ... ادهم فخر الدين مش معقول تكون نسيته

مروان: ايه انت بتقول ايه ادهم مين مستحيل

كان ادهم يريد زفاف مختلفا عن العادي بعدما انتهت الزفة من عزفها دخل ادهم وحيدا من باب القاعة بدون نور وفجأة يفتح سقف القاعة لتنزل نور وسط ورود كثيرة تحيط بالكرسی الذي تجلس عليه

تصفيق حاد يرج القاعة عندما تنزل نور ويكون ادهم في استقبالها الذي عندما رآها قبل يدها وجبينها وامسك بيدها واتجهوا سويا الى الكوشة وبدات الموسيقى وبدا المهنئون يتوفدون عليهم للتهنئة

ودعاهم الذي جى للرقص على اغنية طلبها ادهم خصيصا لها

لهاآدي اللي في بالي بالمي

قمر ومن السما نزلي

دي بسم الله ما شاء الله

تشوفها تسمي وتصلي

حكاوي الكتب
www.hakawelkotob.com

عشان اوصفها مالهاش حل

كلام أغانيا كله اقل

دي شيء في حياتي جاني وهل

ومن حظي إنه متشالي

بنسبة مية في المية

حاجات اتغيرت فيا

دي حلم بعيد يا ناس دي أكيد
هدية ربنا ليا

عشان اوصفها مالهاش حل
كلام أغانيا كله اقل
دي شيء في حياتي جاني وهل
ومن حظي إنه متشالي

في واحدة لما تقابلها
تسيب الدنيا وتجيلها
بغني سنين لكل الناس
ومن الليلة هغنيها

عشان اوصفها مالهاش حل
كلام أغانيا كله اقل
دي شيء في حياتي جاني وهل
ومن حظي إنه متشالي

عندما انتهت الرقصة قبل يدها وسط فرحة الجميع مراكثر من
ساعة حتى جاءت جيلان الى الفرح دخلت وهي ترتدى فستان
قصير وعاري وينسدل شعرها خلفها اتجهت مباشرة الى ادهم ونور
جيلان:مبروك يا ادهم بيه

ادهم:الله يبارك فيكى عقبالك

جيلان بغل وحققد:بقى انت تسيبنى عشان دي وشارت الى نور
باستهزاء

نظر ادهم الى نور وعاد الى جيلان:دي حبيبتى ودنيتى كلاها اما
انتى من الاول وانتى عارفت ان اللى بينا عمره ماكان حب
يبقى ملهاش لازمة التمثيلية دي

جيلان:تمثيلية يا ادهم اوكيه يا ادهم بس صدقنى انا مش هسكت
وبكره هتشوف

ادهم:ههههه بكره الساعة الكام

تركتهم وكلاها غضب يمكنه تدمير اى شئ امامها

اما عند ادهم ونورامسك بيدها :حبيبتى اوعى تزعلى من حاجت
دي انسانة تافهة

نور:قولتلك بلاش يا ادهم بلاش تاخذ تارك بيها

ادهم:وانا وعدت والموضوع ده منتهى ممكن بقى ننسى ده كله

ونفكر فى فرحنا وبس ممكن ولا ايه

ابتسمت نور:مممكن

كانا فى غاية السعادة لاننكر ان نور فكرت للحظات ان تتراجع
عن شرطها الاول وهى ترى الحب والحنان من ادهم ولكنها فضلت ان
تستمر حتى تتأكد من حبه
كان فكرى وخديجة سعيدان بزواج اولادهم الذى اعاد الاشقاء
مرة اخرى لبعضهم

جاءهم صوت من خلفهم: مبروك يا فكرى مبروك يا خديجة
التفتا فوجدوا امامهم شقيقهم خالد

خديجة: خالد جاى ليه يا خالد

خالد: جاى اهئنى اخواتى بفرح ولادهم ولا مش من حقى

فكرى: حقك اه صحيح مانت تعرف الحق كويس

خالد بخجل: انا عارف ان ليك كل الحق فى اى حاجة تعملها بس

ربنا عالم ندمى انى اكلت حقك زمان عمل فى ايه

فكرى: دلوقتى عرفت ربنا بعد مامشيت ورا شيطانك اللى غواك

وخلاك تاكل حق اخواتك

خديجة: انت عايز ايه يا خالد

خالد عايزك تسامحونى ونرجع اخوات زى زمان

اعطاهم اوراق: ده حقك ورثك فى ابويا اللى يرحمه بس بسعر

النهاردة عشان يبقى كده خلصت ذمتى اودام ربنا واودمكم

فكرى باندهاش: معقول بعد السنين دى يا خالد ناوى على ايه

خالد: ناوى اروح اسلم على ابن اختى وبنت اخويا وباركلهم وشار

الى ادهم ونور

ها ممكن

فكري و خديجة: طبعا ممكن

كان ادهم ونور يتحدثون ويضحكون وهو ممسك بيدها حتى

جاء صوت من خلفه

مبروك يا ادهم باشا

التف ادهم لمصدر الصوت وجده مروان نظر اليه قليلا ثم وقف

امامه

ادهم: اهلا نعر جاي ليه

مروان: معقول دي مقابلة تقابلني بيها بعد غياب سنين توتو مكش

العشم

ادهم: شوف يا مروان وجودك هنا مش مرغوب فيه وياتفضل بالذوق

يا اخلى الرجالة اللي هناك دول يخرجوك بالعافية و اشارالى

مجموعة رجال اقوياء يقضون على باب القاعة

مروان: ايه للدرجة خايف مني هههههه

ادهم: هههههه وانا برضه اخاف من حشرة زيك دول بس لو حد فكر

يضايقني يفسحوه تحب تجرب

مروان: بلاش تلعب معايا يا ادهم عشان انت هتكون خسران

ادهم: هههههه خسران خلاص الدور عليك تخسر يا مروان وبكره

تشوف

مروان بغضب: انا بحدرك القرية اللي انت بتعملها دي انساها عشان

متتعيش

ادهم: خوفتني يا شيخ روح روح يا شاطر العب بعيد

نظر مروان الى نور التي تستمع الى حديثهم ولا تتكلم

مش معقول زوقك حلو اوى اوى بس بصراحتا احلى من نانسي
ادهم: تتفضل دلوقتي بره ومن سكات بدل ماتخرج على نقالتا
مروان بغضب: ماشى يا ادهم ماشى بس متبقاش تزعل مين اللى
هيجى
ادهم: ابقى اعمل انت حسابك لاني ناوى اخلص تار قديم اوى
وهخلصه يا مروان



الفصل السابع

مر حفل الزفاف للنهاية بهدوء واستعدوا للذهاب لبيتهم الجديد
الذي اعده ادهم باجمل ما يكون ودعوا اهلهم وانطلقوا الى بيتهم
الجديد سعدوا الى شقتهم وهو يحملها بين يديه

ادهم: نورتي بيتك يا حبيبتي

نور: منور بيك انت

اغلق ادهم الباب خلفه وهو ينظر اليها اما هي بدات ترتعش
بداخلها خوفا من نظراته اقترب منه وامسك بكتفيها: نور انا
فرحان اوى انا خلاص بيقينا مع بعض ولا ايه

نور: وانا كمان يا ادهم

ادهم: وانتى كمان ايه

نور: بخجل: مبسوطه انى معاك

اقترب منها اكثر وامسك يدها يقبلها وجد يدها ترتعش ابتسم
:ايه مالك خايضة ليه احنا بقينا اتفارق وانا مش مش هرجع فيه
لحد ما انتى بنفسك تحبى تلغيه

نور: بصراحة كنت خايضة ترجع فى كلامك

ادهم: لالا انا قلت كلمته وانا ادها بس برضه ليا حقوق عليكى

نور: حقوق ايه

اقترب منها اكثر ووقبل شفيتها بحب تاهت معه في عالم اخر
تركها وهو ينظر لها :زى كده ممكن بقى نغير هدومنا عشان انا
ميت من الجوع بصراحت
ابتسمت له :حاضر هغير واجى
ادهم :متتاخريش عليا

نور :حاضر

ذهبت لغرفة اخرى وبدلت ملابسها خرجت ذهبت للمطبخ اعدت
لهما طعام شعرت بذراعيه تضمها من خصرها
خضتني يا ادهم

ادهم :ههههه لا اتعودى على كده بقى

نور :طيب يلا مش انت جعان

خرجوا سويا وضعوا الطعام وتناولوه سويا وهو يخطف نظراته اليها
بين حين واخر

انتهت نور من طعامها :انا كده الحمد لله

ادهم :وانا كمان تمام اوى كده تعالى بقى نتفرج على التلفزيون

جلسا سويا يضمها بذراعيه وهى تشعر بدفه وحنانه عليها حتى

نامت على كتفه دون ان تشعر بنفسها

احس ادهم بثقل راسها :نور ... نور انتى نمتى

وجدها نائمة فحملها واتجه الى غرفة نومها الذى اعد لها

خصيصا وضعها على السرير واحكم غطاءها وظل بجوارها للحظات

ينظر اليها ثم تركها ورحل لغرفته لينام هو الاخر

صباح اليوم التالي قامت نور مفزوعة على صوت جرس الباب وجدت
نفسها على السرير
سمعت صوت ادهم يتحدث مع خديجة: حبيبي صباح الهنا يا عريس
ادهم: صباح الخير يا ست الكل ادخلي
خديجة: لالا ادخل فين خد الفطار وصحي نور وافطروا سوا يلا
واشارت الى خادماتها: ادخلي الاكل يا فاطمة
ادهم: طيب ادخلي اصحي نور ونفطر سوا
خديجة: بذمتك مش عايز تزحلقني يلا يلا صحي نور وفطرها
وغذيتها كويس
ادهم: حاضر يا ستى
تركته ورحلت وذهب هو الى غرفة نور وجدها تفتح الباب وتخرج
من الغرفة وهي ترتدى بيجامة قصيرة نوعا وشعرها الاسود ينسدل
خافها وبمكياج بسيط
ادهم: لالا انا مش هقدر على كده يجراالى حاجة وتبقى انتى
السبب
نور بدهشة: ليه هو انا عملت ايه
امسك بيدها: كل ده ومعملتيش حاجة تجننى يانور
ضحكت نور بشدة: حرام عليك خضتني قلت حصل حاجة
ادهم: كل ده ومحصلش يلا يلا على الفطار بدل ما اتهور عليكى
وتزعلي منى
نور بدلال: مقدرش ازعل منك
ادهم: ياهووو نور كده حرام عليكى انا جعت يلا

مرت فترة من زواجهم وهي يتمتعون بايامهم سويا كانوا يقضوا
اكثره خارج البيت ولا يعودون الا متاخرا
وفي يوم عند عودتهم سعدت نور قبل ادهم وجدت داليا زوجة
عمر تقف على باب شقتها

نور:ازيك يادولى اخبارك ايه

داليا:ايه دولى دي بلعب معاكي ولا ايه ماتحترمي نفسك

نور:احترم نفسي انا مغلطتش فيكي على العموم انا اسفة

داليا:اه طبعا لازم تتاسفي انا عارفت جيبك منين

نور:لا بقى عيب عليكى انا معملتش فيكي حاجة عشان ده كله

خرج عمر على صوتهم شجارهم:ايه فى ايه

داليا:مفيش يا حبيبي بس يظهر بنت خالك اعصابها تعبانت وجايا

تخرجوا عليا

نور:انا انا معملتش حاجة باين انتى اللى اعصابك تعبانت

اشتد الشجار بينهم وصعد الجميع على صوتهم

www.hakawelkotob.com

ادهم:ايه فى ايه

عمر:مش عارف حاجة ومش فاهم بيتخانقوا ليه

داليا سريعا:يرضيكم تشتمنى وتشخط فيا عشان بقولها اتاخرتى

ليه

نور بغضب:ابدا والله دي كذابت

داليا:شوقتوا كلامها عرفتوا بقى مين اللى غلطان

نور:حرام عليكى انتى ايه

ادهم: نور كفاية كده ادخلى شقتك كفاية كده
 نظرت له بغضب ودخلت شقتها ولم تتحدث بكلمة واحدة
 نظر اليها حتى غابت عنه والتم الى داليا: على فكرة عيب تعملوا
 كده المفروض ان انتوا اخوات
 داليا بحزن مصطنع: يعنى انا غاطت يا ادهم عشان بظمن عليها
 عمر: خلاص يا داليا ادخلى جوه وانت يا ادهم روح شوف مراتك
 ادهم: تصبحوا على خير

دخل الى شقته لم يجد نور فى الصالة وقف امام غرفتها
 نور يانور

نور: افندم فى ايه

ادهم: افتحى الباب نتكلم

نور: لا معلى انا تعبانة وعايضة انام

ادهم: نتكلم وبعدين نامى

نور: لا انا اسفرت مش عايضة اتكلم عشان تبقى تشخط فىا كويس
 اودمها وتنصرها عليا

ادهم: انتى مجنوننة هى ضرتك عشان انصرها عليكى افتحى بقى
 وتعالى نتعشى

نور: لا شكرا اتعشى لوحداك تصبح على خير

ادهم: براحتك يانور براحتك اوى بس اعملى حسابك من بكرة

هتنامى فى اوضتنا ما انا مش متجاوز عشان تنامى فى اوضتنا لوحداك

نور: ده بعينك بينا اتفاق ولازم تنفذه

ادهم:بقي كده ماشى يانور يانا يانتى وبرضه هتنامى فى اوضتى
وعلى سريرى

نور:ابقى قابلنى يا باشمهندس

ادهم:ماشى يانور انتى اللى بداتى

نامت نور بعد معاناة مع النوم ومان اغمضت عينها حتى شعرت بشئ
غريب فى الغرفة فتحت عينها لم تجد شئ ولكنها احست بشئ
يتحرك فى الغرفة

نور:ادهم انت هنا بلاش الحركات دى

لم تجد رد ولكنها وجدت حركة خلف الستار حتى صرخت بشدة
وظلت تبكى

استيقظ ادهم على صوتها قام سريعا دق بابها بعنف

نور افتحى نور فى ايه

ظلت تبكى وتصرخ:مش عارفة شكله فار

ادهم:طيب افتحى

كانت خائفة ان تتحرك ولكنها اتجهت الى الباب وفتحته لادهم

ادهم:ايه فى ايه

نور:مش عارفة فار ولا قطرة

ادهم:طيب اخرجى انتى واقضى الباب

بعد قليل خرج ادهم يضحك عليها:ده فار ياقطرة خفتى منه

نور:اه انا بخاف منهم

ادهم:بس دخل ازاي

نور:اكيد من الشباك انا فتجاه وانا نايمت

ادهم: نعم شباك ايه اللى مفتوح ازاي يعنى ايه مفيش مخ افرضى
حد شافك وانتى نايمت بالمنظر ده يبقى ايه الحل
واشار الى قميص قصير ترتديه

نور: اعمل ايه الجو حر ومفيش ولا تكييف فى الاوضه

ادهم: يبقى تتفضلى تنامى فى اوضتنا يامدام نور مش تنامى فى
اوضه وجوزك فى اوضه حتى لو مفيش بينا حاجه ميمعش ننام
فى اوضه واحده

نور: لا يا ادهم مش هنام معاك فى اوضه واحده متفقدناش على
كده

ادهم: يووه اتفاق ايه وبتاع ايه انتى زودتيها اوى خلاص بقى كل
ده ولسه متاكدة انى بحبك وعائزك

نور: لا مش متاكدة ممكن بقى تسببى انام عشان ورايا شغل
الصبح

ادهم: ماشى يانور ماشى براحتك بس خدى بالك انتى كده
بتعصى ربنا وحرمانى من حقى
نور: ده اتفاق

ادهم: لا طاعة لمخلوق فى معصية الخالق يانور تصبى على
خير

.....

لم يضر يوما فى التراجع عن وعده لها ولكن جعله يشك فى
طلبها مجموعة وصلته تضر نور وشاب صور حميمه بينهم ظل

صامتاً لم يفاتحها في الصور عسى ان تخبرها هي ولكنها لم تتحدث مما جعل شكه يصل لاقصاه

كل منهم ينام في غرفته وحيداً وظلت هي تفكر في حديثه فهل هي تحرمه حقاً من حقه الشرعي وهل هي بذلك تعصى الله ظلت تفكر حتى انهكها النوم على الكنب في غرفة الاستقبال لانها لم تستطع النوم من غرفتها من شدة الحر

استقيظ ادهم على صوت اذان الضجر قام من سريره توضاً وصلى حاول ان ينام لكنه فضل الذهاب لغرفتها يطمئن عليها لم يجدها على سريرها فكر للحظة ان تكون خرجت من البيت ولكنه وجدها امامه

نائمة على الكنب نادى عليها بصوت هادي: نور يانور قومي على السرير

ظلت نائمة وبيدات تتحرك حتى انكشف غطاءها عنها ظل ينظر اليها للحظات حتى قام بحملها ووضعها في سريرها ونام بجوارها لأول مرة منذ زواجهم

استيقظت نور صباحاً وجدت نفسها على سرير ادهم وهو يخرج من حمامه بجسده العاري وهو يجفف شعره بمنشفة

ادهم: صباح الخير

نور: صباح النور هو انا جيت هنا ازاي

تجاهلها ادهم وهو يرتدي ملابس: ابدا حضرتك كنتي نائمة في الصالة تحت التكييف ولا كان ليكي اوضة تانية تنامي فيها

نور: اعمل ايه الجو كان حر

ادهم: يبقی تیجی فی اوضتک وعلى سریرک یانور مش تنامی فی الصالته

واکمل بغضب: الوضع ده میرضیش ربنا سمعتینی

نور: ادهم انت کنت موافق من الاول

ادهم: على ايه انی افضل فی اوضته وانتی فی اوضته احنا بقالنا

اسبوعین متجوزین کل ده ماخذتیش علیا ولا مش بتحبینی ومش

عاوزانی قولیلی عشان ابقى عارف

نور: ادهم فی ايه

ادهم: اسالی نفسک فی ايه فی غیری فی حیاتک وکنتی

بتضحکی علیا ولا ايه عایز افهم

نور: ادهم ما کذبتش علیک لو کان فی حد کنت هقولک

ادهم: ده کلام میدخلش دماغی الی اعرفه لو کنتی بتحبینی

مکنتیش تفضلی کده منعانی منک

نور: ادهم حرام علیک لیه بتقول کده

ادهم: عشان ده ملوش غیر معنی واحد انک خایضه اقرب منک

لینکشف سرک هاا قولیلی انتی زی مانتی ولا لا یا نور انطقی

ظلت تنظر الیه مصدومت من حدیثه الغریب لم تشعر الا وهی

تصفعه على وجهه وهی تبکی: انا اشرف من ای واحدة انت کنت

تعرفهم وای واحدة کنت کل یوم فی حضنها

امسک بیدها بغضب: انتی بتمدی ایدک علیا یانور لیه الی کنت

بعرفهم کانوا وضحین عارفهم لکن انتی انا اتخدعت فیکی

ازای معرفش تقدری تقولیلی لحد دلوقتی مش موافقه انی المسک

ليه عارفت ليه لان وراكي سر مخبياه وخايفت اني اكشفه وانا على
العموم مش هحب اني اقرب منك وعلاقتنا من هنا ورايح هتفضل
كده لحد.....

نور: نور لحد ايه

ادهم بجديتة: لحد ما نتطلق

نور: كويس جدا ممكن من دلوقتي تطلقني وتخلصني

ادهم: اه عشان اسيبك لحبيب القلب مش كده

نور: ملكش حاجة عندي مش هنتطلق يبقى كل واحد حر في
حياته

.....

تحولت حياتهم من سعادة وفرحة الى عند وكبرياء من الطرفين
نور جرحها من ادهم كان كبيرا حينما يتهما في شرفها ام ادهم
كان يشعر انها خدعته ويشعر ان هناك شخص اخر في حياتها
خصوصا بعد الصور الذي ارسلها له يوسف تجمع نور بشخص يدعى
احمد ومن خلف الصور كلمات من نور لاحمد تظهر حبها له
ولذلك ترفض ان يقترب منها ظلت حياتهم على هذا المنوال طوال
شهر كامل يخرج صباحا ولا يعود الى البيت الا في وقت متأخر من
الصباح وحينما يعود لا يراها يجدها نائمة في سريرها وسط اوراقها
احيانا كثيرة يشتاق اليها ان يظل بجوارها لكنه يتراجع في اخر
لحظة

كانوا يوما في عملهم كالمعتاد وهو في مكتبه ينظر الى الجميع
من خلال الزجاج العازل كان يراقبها جيدا على امل ان تخطئ او
يحدث منها اي شئ يوكد له انها على علاقة بشخص اخر كانت
نور حزينتة اصبحت كالوردة الذابلة الا عندما رات شخص افتقدته
منذ زمن طويل انه احمد ابن خالتها وزميلها

احمد :وحشتيني يابنت الايه

نور:انت كمان وحشتني اوى يا احمد محتاجك اوى

احمد :ايه ده فى عروستة وشها دبلان كده

نوربتتهك:ههههه عروستة

احمد :ايه ده بقى هو جوزك مقصر معاكى ولا ايه قوليلي اروح

اجيبه من قفاه

نور:اتلم احسنك تجيب مين

احمد:الله اكبر ده احنا بنخاف عليه اهو نفسى اعرف مين الجبار

ده اللى قدر على قلبك يا قمر

نور:للاسف يا احمد يظهرانى غلظت فى اختياري

احمد:ليه يانور مش حبيته ووقفنى عليه يبقى ليه وانا عرفك

كويس بتدرسى كل حاجة بالملى

نور:المره دى مضكرتش ولا حسبت حاجتة

احمد:يبقى حبيته صح اهو اعترفى

نور:وغلظت انى مشيت وراء قلبى

احمد:امهم طيب ماتعرفينى عليه

نور: اكيد هيحصل بس طمني انت عليك اخبارك ايه وازى هند
وحشتنى اوى هتتجوزوا امتى

احمد: الحمد لله مطالعت عيني يانور

نور: ههههه ليه بس كده دى بتحبك يا ولا

احمد: اه بس دماغها النشفة عاملت زيك بالظبط

نور: هههه تربيتى

احمد: اسم الله على التربية الفاشلة

نور: همد ايدى عليك

احمد: ايه ده تمدى ايدك على مين اتبهلتى انتى ولا ايه ده انا
هتبتك

نور: يا شيخ روح وانت بوء على الفاضى

كان مزاحهم بالايدي كل هذا وادهم يراقبهم وقد تاكد انه
الشخص الذى ترتبط به وراه فى صورهم

زاد مزاحهم وهو يشعر بنيران تنهش فى عقله وقلبه وجسده وهو
يراقب تصرفاتهم حتى وجد اكرم يدخل عليهم

اكرم: حبيبي حبيبي انت فين يامعلم

عانقه احمد: موجود يا باشا مع انك باشا على الفاضى

اكرم: عمرك لسانك اطول منك فينك يابنى مختفى ليه

احمد: لهو انا زيڪ فاضى مفيش ورايا طب انت فاشل انا اعمل زيڪ
ليه

اكرم لنور: نفسى اعرف متحملت غتته ده ازى

نور: اعمل ايه قدرى فى الدنيا متعرفش تاخده وتجبى طبق
بلاستيك

امسك اكرم بوجه احمد يحركه يمينا ويسارا: ده يدوب طشت
معض ومخروم

احمد: مالك يا امور منك ليها اضربك انا ولا ايه

امسك بخد نور: انتى عايضة تبعينى ماشى ماشى تربيتى مطمرتش
فيكى

نور: اى اى عيب بقى هضربك

دخل ادهم الغرفة فجاة وجد احمد يمسك بخد نور صرخ فيها: نور
اكرم: اهلا اهلا ادهم باشا

اعرفك يا احمد باشمهندس ادهم صاحب الشركة وجوز نور

احمد البرنس بتاعنا وقباض الارواح وكل حاجة وابن خالة نور

احمد: اهلا يا باشمهندس كان نفسى اشوفك من زمان

ادهم: باستهزاء: اه اهلا

شعر احمد بالاحراج من تصرف ادهم

ادهم: نور تعالى عايذك

خرج من المكتب تبعته نور بعد ذلك وظل احمد مع اكرم

احمد: بما انك جاسوس الشلة ماتعرفنى نور عاملت ايه مع جوزها
واتجوزوا ازى

اما في مكتب ادهم اعطى لنور اوراق بها مجموعة اخطاء
 ادهم: تقدرى تقولى ايه الاخطاء دي كلها دي هتبقى خسارة
 كبيرة عليا لو اشتغلنا بالسعر ده

امسكت نور بالاوراق ونظرت اليها قليلا: ايه الغلط اللي في الورق
 ادهم: الغلط في اسعار الرمل والاسمنت يامدام الاسعار اختلفت عن
 الاسبوع اللي فات بزيادة يبقى لما نشتغل بالسعر ده يبقى خسارة ولا
 ايه

نور: خلاص انا هظبط الاوراق واجبها لك تاني
 ادهم: اه وياريت بلاش المسخرة اللي شغالت في مكتبك دي مع ابن
 خالتك اعملى احترام حتى لجوزك اودام الناس على الاقل
 نور بعند: انا معملتش حاجة غلط ثم انت متعرفش احمد غالى عليا
 ازاي

قام ادهم غاضبا وامسك بذراعها: احترمي نفسك ايه غالى
 عليكى
 نزلت يدها بالقوة: وانت مالك بيا مش عايز تتطلقني خلاص
 ملكش حاجة عندي
 www.hakawelkotob.com

ادهم: ده بعينك انا هسيبك كده اهو لا طايلت سما ولا ارض
 ومش بعيد اتجوز واحدة تهينى ومتحرمينش من حقى ولا تحب
 واحد غيرى وتضحك عليا وتفهمنى انى الحب الاول والاخير
 نور: وانا مالى ماتتجوز ولا تعمل اللي انت عايزه انا اصلا معنتش
 عاوزك وهطلق منك غصب عنك لو مكش بالذوق هيبقى
 بالقانون

ادهم:والله لو عملتي ايه ما هسيبك يانور ولو على جثتي
ضحكت نور بشدة:عارف ليه لانك بتحبني وبتموت فيا كمان
بس انا بقى اللي مش عاوزك يا ادهم

خرجت وتركته غاضبا ثائرا وصلت الى مكتبها حزينة
احمد :ايه الجميل ماله

نور:لا ابدأ مفيش احمد انا مخنوقة وعايضة اخرج من هنا تيجي
احمد:اجي مجيش ليه قولتي لادهم

نور:احمد هتيجي معايا ولا انزل لوحدي

احمد:خلاص خلاص يلا بينا

راهم ادهم وهم يغادرون ظن ان بينهم شئ وانهم ذاهبون لمكان
وحدهم بعيدا عن الناس ارتدى جاكيت بدلته ونزل وراهم سريعا
راها تركب سيارة احمد انطلق خلفهم وجداهم يقضون اما احد
الكافيات نزلوا نزل وراهم جلسوا على منضدة ظل يراقبهم ليري
او يسمع منهم اي تصرف ظلوا يتحدثون ونور يبدو عليها الحزن
الشديد

احمد:نور كل اللي عملتيه ده غلط

نور:ليه يا احمد غلطت لما حببته وصدقته

احمد:لا غلطتي لما فرضتي عليه شرط مفيش راجل يقبله

نور:ايوه بس هو وافق توصل انه يتهمني اني اعرف حد تاني

احمد: ماهو انتى اللى اكدت شكوكه برفضك ده وانا عارفك
وعارف دماغك زى الحجر نورلسه حكايتة ضحى ماثرة
عليكى

-احمد الله يخليكى بلاش نتكلم فى الحكايتة دى

-انا متأكد انك رافضاه بسبب كده بس

ليه متتفهموش وتتكلما بالراحة وتفهيميه وتعرفيه خوفك ده
من ايه

نور: بعد ايه بعد مايقولى نتطلق والنهاردة يقولى هتجوز عليكى
واسيبك لا طابيلتة سما ولا ارض لايا احمد انا مش ملك حد
ومحدث مهما كان هيكسرنى انا هطلق واللى يحصل يحصل

احمد: انتى اتجنتنى طلاق ايه انتى يدوب بقالك كام شهر جواز
تتطلقى ازاي وابوكى اللى عنده القلب وممكن يجراه حاجتة لو
سمع حاجتة زى كده

نور: يعنى اعمل ايه ارضى على نفسى لما يتجوز واحدة تانيه لا
يا احمد مهما كنت بحبه مش هرضى
احمد: او مال رضيتى ليه تحرميه من حقه

نور: اه مهو عشان انت راجل زيه بتدافع عنه

احمد: يابى انتى مجنونته مهما كان مش هرضى ان حد يزعلك ولا
ياذيكى

وضع يده على يدها: عايزك تتطمنى طول ما انا جنبك متخافيش
جاء صوت بجانبه: اه صحيح لازم تتطمنى وهو جنبك

رفعوا راسهم وجدوا ادهم واقفا امامهم ثم اتكا على المنضدة: تعرفى انكم لاقين على بعض اوى بس مش كنتى تعرفينى على الباشا يمكن كنت ساعدتكم تتجوزوا نظروا الى بعضهم بدهشت حتى نطق احمد: استاذ ادهم انت مش فاهم حاجت

ادهم: لانا كنت مش فاهم دلوقتى فهمت ومش عايز اسمع صوتك بدل ما اخلص عليك

ثم نظر الى نور: وانتي يامدام تقومى تمشى من هنا بدل ما امد ايدى عليكى اودام العالم دى كلها قامت نور من مكانها: ومين قالك انى عايزة افضل معاك فى مكان واحد

خرجت وتركتهم حتى قال احمد: صدقنى انت مش فاهم حاجت نور تبقى ادهم مقاطعا: تبقى خاينته عرفت تبقى ايه احمد بغضب: لا مش خاينته نور مش خاينته ارجوك اسمعنى

-وانا اسمع واحد حقير زيك ليه

عاد ادهم الى البيت سعد الى شقته ولكن خديجته اوقضته بتساؤل

خديجته: ادهم فى ايه مالك ونور مالها

ادهم: مفيش يامى مفيش

خديجته: مفيش ازاي مراتك راجعت تعيط وانت جاي وشك مقلوب

كل ده ومفيش

صرخ ادهم بها:قلت مفيش حاجة سيبنى بقى
صعد وتركها فى حيرة من امرها وداليا تقف خلفها بشماتة:تلاقية
زعلته وحرقت دمه

نظرت اليها :ملكيش دعوة انتى ياداليا
صعد ادهم الى البيت وجد نور تضع ملابسها فى شنطتها وتستعد
للرحيل دخل عليها فجأة وبعنف امسكها من شعرها
انتى بتضحكى عليا انا يانور ليه قولتلك لو فى حد غيرى
قوليلى عملتى كده ليه ليه لما انتى مش عاوزانى كنتى قولى
لولا صورك معاه كنت هفضل مخدوع فيكى
نزعت شعرها من يده وهى تصرخ به:حرام عليك حرام عليك انت
مش عايز تفهم ليه انا خلاص مش عاوزك مش هعيش معاك تانى
مش انت شايف انى بحب غيرك خلاص طلقنى وريحنى وصور ايه
الى عندك انت متعرفش احمد ده يبقى مين

ادهم: ومش عاوز اعرف اكفايتة خيانتك اطلقك اه هطلقك بس
مش قبل ما اكسر عينك واذلك يانور
www.hakawelkotob.com
خلع ملابسه واقترب منها وهى تصرخ نزع ملابسها بقوة وهو يضربها
وهى تصرخ به

ادهم:لا حرام عليك لا يادهم ابوس ايدك لا
ادهم:مش هسيبك يانور مش هسيبك لحد ماتبقى مراتى غصب
عنك

نور:لا يادهم لا غصب عنى لا يادهم حرام عليك

استطاعت اخيرا بعد مقاومة شديدة ان تغرس اظافرها في كتفه جعلته يتراجع عنها للحظات وقفت تلملم ملابسها وهي تصرخ به :
ليه يا ادهم ليه عملت فيك ايه هي دي الدنيا اللي وعدتني بيها
هي دي حياتي معاك

ادهم: حياة ايه اللي بتتكلمى عنها حياة مع واحدة خاينته
صرخت به: انا مش خاينته انا اشرف منك وعمري ماكنت خاينته
صفعها على وجهها : اثبتى لو انتى اشرف منى اثبتى
نور : مش محتاجه اثبتاك لانك معنتش تهمنى خلاص انا
بكرهك بكرهك

تركها وغادر وهي تبكى بحرقة
دخل حمامه والقى بجسده تحت الماء وادمعت عينه وهو يتذكر
ماكاد ان يفعلها بها مرت اكثر من ساعة وهو فى غرفته لم يسمع
صوتها لم يهتم بها الا عندما سمع دقائق على باب شقتهم
ادهم: ماما تعالى

خديجة: فى ايه ادهم مالكم فى ايه نور فين
ادهم: معرفش اهي عندك

خديجة: عملت فيها ايه

ادهم: عملت معملتش حاجه لانها متلزمينش خلاص
خديجة: يعنى ايه متلزمكش ليه عملت ايه لده كله
ادهم: بنت اخوكى المحترمة تعرف راجل غيرى يامى
خديجة: اخرس انت بتقول ايه مش نور اللي يتقال عليها كده

ادهم: لانور نور الى منعانى اقرب منها نور الى ضحكت عليا
 وحسستنى انها بتحبني ضحكت عليا فهمتني ولا لسه
 خديجة: لالا كلام ميدخلش دماغى هي فين نور يانور
 ذهبت الى غرفتها دقت بابها كثير لم ترد فتحت الباب وجدته
 مفتوحا وجدتها نائمة اقتربت منها: كده يانور الواد ده عمل
 فيكى ايه نور يانور ... يخص عليكى مش بترد على عمتو ليه
 لم تجد منها رد التفت الى الجهة الاخرى وجدت دماء بجوار نور
 على السرير بشكل كبير
 صرخت خديجة: نور نور ادهم الحقنى
 جرى ادهم عليها بسرعة فى ايه
 خديجة وهى تبكى وتصرخ به / نور ماتت يا ادهم موتت نفسها
 صدمت اوقفته مكانه ينظر اليها غارقة بدماءها شاحبة تضاهى
 الاموات اتركته وحده اهو كابوس اقترب بقدمين ضعيفت واهيت
 شلل اصابه وهو ينظر اليها عاجزا عن النطق والحركة ولكن
 صرخت خديجة اخرجته من صدمته
 انت لسه واقف اطلب الاسعاف مراتك بتموت الحقها يا ادهم
 خرج من غرفتها بسرعة متصلا بالاسعاف دخل غرفتها مرة اخرى
 وجد خديجة تلف كفا المصاب جثا على ركبتة بجوارها وعيناه
 تنساب بدموع لم يعرفها يوما فى اشد اوقات محنته ولكنها هي
 مختلفت هي حبيبته وعشقه هل ستفارقه هل ستبتعد الى مكان
 اخر لن تعود منه مطلقا امسك بكفا الاخر يقبله
 بشدة: سامحيني غصب عنى والله سامحيني

الفصل الثامن

وصل الاسعاف واقلت نور الى المشفى وادهم ممسك بيدها وهو
يبكى خائفا من فقدانها وصلت سيارة الاسعاف الى المشفى تم نقلها
الى غرفة العمليات وبعد مدة خرج اليهم الطبيب :ياجماعة دي
محتاجة نقل دم بسرعة
ادهم:طيب فصليتها ايه
الطبيب:aموجب بسرعة
جری ادهم بسرعة ليجد دم بنفس الفصيلة ولكنه لم يجد كاد
ان يبكى وهو لا يعرف كيف يتصرف خاف ان تضيع منه لم يجد
امامه الا اكرم اتصل عليه لبحث عن اي احد بنفس الفصيلة
كان اكرم يجلس مع احمد في احدي الكافيهات حين رن هاتفه
اكرم:ايه ده ده ادهم
احمد:خير رد بسرعة
رد اكرم على هاتفه:الووو ادهم باشا اخبارك
ادهم:اكرم انت فصيلة دمك ايه
اكرم:ايه ليه في اي
ادهم:رد عليا بسرعة
اكرم:abفي حاجة طمنى

ادهم: نور في المستشفى ومحتاجة نقل وفصيلتها a موجب ومش لاقى
دم تعرف حد نفس الفصيلت
سكت اكرم كانه تذكر شيئاً: ايوه ايوه لقيت قولى انت في
مستشفى ايه
اغلق اكرم الاتصال ونظر الى احمد الذي يجلس امامه متوترا
خائفاً

احمد: في ايه يا اكرم نور مالها
اكرم: قوم معايا بسرعة ادهم بيقول نور محتاجة نقل دم انت
مش نفس الفصيلت قوم معايا نور في خطر

كان ادهم يجري في كل مكان يبحث عن نفس الفصيلت ولكنه
لم يجد الا كيس واحد لا يفى بالغرض اعطاه للطبيب الذي اكد
له ان حالتها خطيرة وتحتاج نقل دم بسرعة وماهى الا لحظات
وحضر اكرم واحمد
www.hakawelkotob.com
اكرم: ادهم نور مالها

ادهم وهو يبكي: نور تعبانت اوى ومش لاقى فصيلت دمها
اكرم: لا لا لقيت احمد نفس الفصيلت
نظر اليه يريد الفتك به فمن وجهة نظره انه السبب لكل ما
جرى

ذهب احمد مع الطبيب لتتم عملية نقل الدم لنور
بعد حوالي ساعة خرجوا من غرفة نور

الطيب: الحمد لله نقلنا الدم وباذن الله هتفوق

فخر الدين: طيب يا ابني طمنا ده حصل ليه

الطيب: يظهر يا حاج انها بتمر بحالة نفسية صعبة خلتها تقطع
شرايين ايدها بالمشروط بس الحمد لله ربنا ستر وياريت بعد كده
تاخذوا بالكم منها لان الواضح كمان انها مانعة الاكل من مدة
وده اللي تعبها اكثر عن اذنك

نظروا جميعا الى ادهم بعيون متهمته له بما حدث لنور

فخر الدين لاحمد: احنا مش عارفين نشكرك ازاي يا ابني

احمد: على ايه يا عمي نوردي اختي

واتجه بنظره لادهم الذي نظر اليه عندما سمع كلمته الاخيرة

اكرم: ايوه يا سيدي ما انتوا دمكم واحد

ادهم: يعني ايه دمهم واحد

احمد بتحدى: يعني انا ونور..... اخوات في الرضاعة يا استاذ ادهم

اصل نور اكبر مني بشهر واحد بس

ادهم: اختك ازاي

احمد: زي الناس اختي في الرضاعة مش غريبة ولا حاجت

ظل ادهم مندهشا مما سمعه وهو يتذكر الصور التي ارسلها يوسف

وتجمعهم مع بعضهم

نظرت اليه خديجة وشعرت بصدمته جاءت رودينا بصحبة زوجها

اشرف للاطمئنان على نور

رودينا: ايه ياماما نور عاملة ايه

خديجة: ادعيها يابنتي ادعيها

جلست بجوار ادهم ولاول مرة في حياتهم ترى دموعه بتعيط ليه
دلوقتي مش انت اللى عملت فيها كده

ارجع راسه للخلف: كفايت حرام عليكى كفايت النار اللى جوايا
رودينا: امسك الورقة دي نور كتبتها وسبتها جنب صورتك على
الكومود

امسك الورقة: ايه دي

رودينا: افتحها واقراها وتمعرف فيها ايه

بدا ادهم يقرا الرسالة التي تركتها له نور

حبيبي ادهم يمكن دي اول مرة اقولك فيها حبيبي وللأسف
هتكون اخر مرة كان نفسى

افضل جنبك حبيبتك بس انت جرحتنى اوى شكيت فيا وفى
شرفى ويعلم ربنا

انك اول واخر حب فى حياتي لا عمري حبيبت قبلك ولا نصيبي
احب بعدك

اكيد بتقرا الرسالة دي وانا بين ايادي ربنا انا عارفت ان اللى
هعمله حرام بس غصب عنى

احساس الظلم والافتراء ومنك انت كان صعب اوى وخوفى على
بابا يجراله حاجة بطلاقى

منك هيكون كسرة ليه

ادهم انا بحبك اوى لدرجة انى مشوفتش حاجة فى الدنيا غيرك
انت وانا فعلا كنت هتنازل عن شرطى

الاول بس يظهر انه مفيش رجوع وان اوان الرحيل سامحني لو كنت
زعلتك منى وفى النهاية بحبك يا ادهم

ما ان انتهى ادهم من قراءة الرسالة حتى فاضت عينيه بالدمع
وبغزارة حتى حاول كتم انفاسه حتى لايشعر به احد لكن رودينا
كانت تراه وتشعر به فقد قرأت الرسالة قبله ذهبت اليه وامسكت
بيده

رودى: ادهم انسى اللى فات وادعيها ربنا يشيفها وترجعك تانى
اسند راسه للخلف: ياريتنى كنت اتكلمت معاها وفهمت منها
ياريتنى

رودى: معدتش ينفع الندم ربنا يقومها بالسلامة وتقدر تتكلم معاها
وتطمئنها بقربك منها

ادهم: تفتكرى ممكن
رودى: اكيد دى بتحبك اوى واكيد قلبها مش هيطوعها تبعد
عنك بس ايه اللى وصلكم لكده انتوا كنتم كويسين ليه ده

كله ايه اللى يوصلها لدرجة الانتحار

ادهم: واحد منه لله كان عايز يتجوزها ورفضته فضل يضايق فيها
وعملت معاها مشاكل كتير لحد من مدة لقيته بعتهلى صورها مع
واحد ومكتوب كلام على ظهر الصورة ياكلدى ان فى بينهم
حاجة ودلوقتى عرفت ان الواحد ده يبقى احمد اخوها فى

الرضاعة وانا كنت اعمى وغبي قالتى انت متعرفش ده مين
مسمعتهاش وكنت.....

رودى:كنت ايه يا ادهم

ادهم بخجل :كنت هعتدى عليها

رودى:ليه كده يا ادهم ليه الشيطان ده اللى بعثلك الصور عايز

يفرقكم وانت ساعدته بتصرفاته وشكك فيها

قاطعهم خروج الطبيب:مين ادهم يا جماعة

ادهم بسرعة :انا فى حاجة

الطبيب:ايوه اصل المدام فاقت وبتنادى اسمك

لم يعطى الطبيب فرصة لاكمال حديثه دخل غرفتها وجدها

نائمة تنادى باسمه اقترب منها وجلس بجوارها

نور حبيبتي انتى سمعانى انا ادهم يانور حبيبك سامحيني يانور

حقك عليا بس فوقى وطمينيني عليكى يا حبيبتي نور انا مليش

غيرك قومي يانور ونورى دنيتى تانى يا حبيبتي نور سمعانى

بدات تضيق شيئاً بشئ وهى مازالت تتحدث باسمه وماان فتحت

عينها ووجدته بجوارها تذكرت كل ما فعله معها وكيف حاول

الاعتداء عليها صرخت به:لا يا ادهم لا مش عايزة اموت ابعدهنى

ادهم:حبيبتي بعد الشر عنك انتى كويست اهوو

نور:لا ابعدى عنى مش عايزاك وبدات تصرخ بشدة حتى دخل اليها

احمد:ايه فى ايه

نور: احمد الحقنى عايز يقتلنى زى ضحى الحقنى يا احمد
 نظر احمد الى ادهم الذى لايعى شيئاً من حديثها ومن هى ضحى
 التى ذكرت اسمها
 احمد: ادهم خليك بره دلوقتى لوسمحت
 ادهم: طيب افهم فى ايه
 احمد: بعدين خليك بره
 خرج ادهم وتركهم ودخل اليها الطبيب يعيظها حقنة مهدئة
 وبعدها خرج احمد الى ادهم الذى وقف سريعا
 طمنى يا احمد نور عاملت ايه
 احمد: تعالى نتكلم بعيد
 ذهبوا بعيدا عن الموجودين ادهم: فى ايه يا احمد ومين ضحى دى
 احمد: ادهم انت حاولت تعتدى على نور؟
 ادهم: انت مين قالك؟
 احمد: مش مهم المهم ان ده حصل مضبوط
 ادهم: ايوه بس ربنا ستر انا مقربتش منها بس مين ضحى؟
 احمد بعيون دامعة: ضحى كانت حبيبتى وحياتى كلها هى ونور
 اتولدو فى يوم واحد كانوا دايماً مع بعض ميفترقوش الا ساعة
 النوم كانوا على طول سوا كانوا عاملين زى التوام اناو ضحى
 كنا بنحب بعض وكنا هنتجوز هى دخلت كلية الهندسة مع نور
 من حبه فى بعض كانوا درجاتهم واحدة وفى يوم جه حكاوى
 على مجموعة شباب بيضايقوهم فى الشارع خدت ناس وروحت
 اتخانق معاهم بس هما للاسف اخدوا تارهم منى بحاجة غالية اوى

يوم كانت رايعين الجامعة بس نور تعبت وضحي قالت تروح تحضر
المحاضرات وتيجي تذاكر مع نور كانوا مستنينها كانوا فكريين
نور معاها خطفوها واغتصبوها

ادمعت عينه بشدة: وماتت بنزيف حاد وكان ممكن نور تكون
معاها بس ربنا ستر وقتها نور تعبت اوى ودخلت فى غيبوبة اكثر
من شهرين من حزنها ومرجعتهش لطبيعتها غير بعدها بحوالى سنتين
وانا كنت تقريبا انهرت بعد اللى حصل وكنت هموت نفسى بس
اديني اهو وادامك لسه عايش

ادهم: يعنى ده سبب خوفها ورفضها انى المسها

احمد | :ايوه واللى انت عملته اكدلها الفكرة اللى فى دماغها

ادهم: طيب اعمل ايه وارجعها تانى

احمد: هتاخد وقت بس بلاش تزهدق بسرعة ... اه على فكرة انا

طلبت خالتي وعمو فكرى وقولتاهم ان نور اتعورت من لوح زجاج

عشان يبقى الكلام واحد

حضر فكرى وامل الى نور دخلوا سريعا الى غرفة نور

فكرى: نور حبيبتي مالك كده تخضيني عليكى

دخل احمد بسرعة والقى عليهم السلام: شفت بنتك حد قالها

تشيل ازاز وتعور نفسها

نظر فكرى الى نور: الكلام ده مضبوط يانور شلتي ازاز ولا انتى

اللى عملتي فى نفسك كده

نظرت الى احمد: ايوه يابابا الازاز هو اللى عور ايدى

القت نفسها فى احضانه بسرعة: بابا عايزة اروح معاك

امل:ياحبيبتى مانتى هتجى معانا اومال هنسيبك فى الحالة دى
نظر اليها فكرى والى ادهم الذى دخل لتوه:هتيجى معانا يومين
تلاتة لحد ما ايدك تروق وبعدين ترجعى بيت جوزك ولا ايه
يا ادهم

ادهم:انا مستغناش عنها ابدأ بس برضه راحتها تهمنى يومين تلاتة
لحد ما تقدر تقف على رجليها

نور: لا يا بابا اقعد براحتى

فكرى:معنديش بنات تخرج بره بيت جوزها يانور

نور:بس يا بابا

فكرى:مفيش بس يومين تلاتة تستريحى وترجعى بيتك تانى

ادهم:خلاص ياخالو هسيبها اسبوع لحد اعصابها ماتهدى وترجع
تانى

ولا ايه يانور

نظرت اليه ولم تتحدث

فكرى:اذا كان كده يبقى انت كمان تيجى تقعد مع مراتك
اليومين دول ها اقلت ايه

غمز له احمد بالموافقة ادهم:خلاص ياخالى انا موافق

فكرى:خلاص تروح تجيب حاجتك ونروح البيت على طول اوضت
نور جاهزة ليكم انتوا الاتنين تناموا فيها

.....

بدات حالة نور تستقر وادهم مازال بجوارها رغم رفضها وجوده
والقرب منها الا انه لم يستطيع البعد عنها كان دائما بجوارها في
المشفى لا يفارقها لى الرغم من محاولاتها تجاهله الا ان بداخلها حب
واشتياق له كنت يوما تجلس بمفردها بعدما تركتها امل لتجهيز
غرفتها فى المنزل هى وادهم دخل عليها وجدها بمفردها

ادهم: حبيبتي عاملت ايه النهاردة

نظرت اليه ثم التفت الى الجهة الاخرى

ادهم: طيب والله مينفع كده ابدأ يرضيكي حبيبك يجى هنا
كل يوم ومترديش تتكلمى معاه لا والله انا كده زعلان
نور: ولا على ايه متزعش افضل روح لواحدة تانية متزعلكش
ولا تخونك زى

ادهم: نور كفايت كده انا غلظت اه بس والله ندمان ومستعد لاي
حاجة تطلبها منى مهما كانت بس ترجعيلى يانور ترجعيلى
حبيبتي ومراتي وكل دنيتي

نور: مفيش حاجة ممكن تخلينى اسامحك يا ادهم اللي عملته
معايا كان صعب اوى وصعب اى حد فى مكانى يسامح عليه

امسك بيدها يقبلها: نور انا كت اعمى مش شايف انا بعمل ايه
غيرتى عليكى كانت عمياني اول ما شوفت الصور مقدرتش
اتحكم فى اعصابى والشيطان صورلى حاجات صعبت اوى

نور: اه يوسف برضه صدقته ومفكرتش حتى تيجى تسالنى لا
اتصرفت من نفسك وشكيت فيا بس على العموم خلاص انا
ميهمنيش انا وانت لازم نتطلق

جلس بجوارها فجأة وامسك بيدها وضمها بذراعيه: لا يا نور طلاق
لا واوعى مهما يحصل بينا تقولى الكلمة دي تانى
حاولت ابعاده عنه لكنه رفض: متحاوليش انا مرتاح كده مبسوط
نور: بس انا مش مبسوطه وليه مفيش طلاق مش انا خاينته وانت
هتتجوز واحدة غيرى تهنيك وتدياك حقك اللى انا حرمتك
منه يبقى خلاص

ادهم: مش عايز حاجة ولا عايز افكر حتى فى واحدة غيرك انا
غلطان واللى تامرى بيه انا موافق عليه بس بالله عليكى اوعى
تجيبى سيرة الطلاق ده لاي مستحيل اطلقك لو بقى اخريوم فى
عمري

نور: حرام عليك بتعذبني ليه ثم انا اصلا مش بحبك ومش
عايزاك

ضحك ادهم بشدة واعطها الرسالة التى كتبتها قبل محاولاتها
الانتحار
ايه دي بقى مش كلامك ورسالتك ليا معناها ايه ايه غير انك
بتحبيني وبتموتى فيا كمان

نور: لا انت بتحلم ده كلام فى ساعة كده وخلاص
اقترب منها مجددا: بس كلام طالع من القلب ويوصل للقلب ياروح
قلبي

ارتبكت نور وحاول الابتعاد الا انه رفض وظل يضمها بذراعيه
ثم انا وانتى هنروح نقعد فى شقة خالى يعنى يومين لحد
ما تستريحى ونرجع تانى بيتنا

نور: لا مش عايزة ارجع وافتكرك اللى جرائى هناك

ادهم: خلاص ولا يهملك انا هغير كل حاجتة فى الشقة ونقعد انا وانتى فى اى شقة تانية اجرها لحد ماتحبنى ترجعى بيتك تانى وتنوريه

نور: ياسلام معقول التغيير ده كله

ادهم: نور اقسملك بالله انتى ماتعرفى انا بحبك ازاي ولا مجنون بيكى ازاي وهو ده سبب عصبيتى وغيرتى عليكى يا حبيبتى نار كانت بتاكل فى عقلى وقلبى وانا بتخيل انك ممكن تكونى حبيبتى غيرى احساس صعب اوى يانور

نور: ياسلام وانا مش صعب عليا ماانا كنت بشوفك مع الست جيلان دى وانت كنت سايق فيها على الاخر ضحك ادهم بشدة: لا بقى دى غيرة ولا ايه نور: غيرة ايه ليه يعنى

ادهم: عشان الحب اللى شايفه فى عينك يانور بيقول كده واكثر من كده كمان نور: لا لا بلاش تتغراوى كده

قاطع حديثهم دخول امل وفكرى الذى فرح عندما راهم احس بان اى خلاف بينهم انقضى

فكرى: ها يانور عاملت ايه دلوقتى يابنتى

نور: بخير يا بابا الحمد لله كويست

امل: طيب يلا قومى غيرى هدومك عشان نمشى

فكرى: طيب اروح انا اشوف الحساب وارجع

ادهم:ايه ياخالى هو ابن اختك مش راجل ولا ايه الحساب مدفوع
مش مراتى ولا ايه
ونظر الى نور

فكرى:خلاص ياابن اختى تعالى نستناهم بره لحد نور ماتغير
هدومها

اقترب منها كأنها يحدتها بشئ:على فكرة هتوحشيني وقبل
خدها امامهم

شعرت بخجل كبير لدرج ان وجهها احمر بشدة من فعلته
فكرى:يلا ياسى روميومش وقته

ادهم:ايه ياعم مراتى وبقولها كلمة سر

فكرى:طيب يلا ياخويا قال كلمة سر قال يلا يااستاذ

تركوا نور تبديل ملابسها وتستعد للرحيل انتهت من تجهيز اغراضها
وخرجت لهم امسك ادهم يدها بعد محاولات منها تركه لكنه
لم يسمح لها

نزاوا جميعا فاشار ادهم الى سيارته:خالى انا هاخذ نور واحصاكم
فكرى:طيب خلاص بس متاخروش

حاولت نور ان تعترض نظر اليها ادهم:لامتخافش ياخالى مفيش
تاخير باذن الله

استقل كل منهم سيارته ونور بجوار ادهم:طيب كلاميني قولى اى
حاجة

نور:هقول ايه

ادهم:نور عشان خاطر اديني فرصة تانيه نبدأ فيها من جديد
ياحبيبتى وتسامحينى على اى غلط عملتها معاكى واوعدك انك
مش هتشوفى منى اى حاجة تزعلك الا طبعا لو كنتى اللى
غلطانت

نور:ادهم الموضوع مش سهل وصعب اوى انسى اللى كنت عايز
تعمله معايا

ادهم:عندك حق انا اللى غلطان بس شيطان يانور واعوذ بالله من
الشيطان

نور:والمطلوب ايه دلوقتى

ادهم:نرجع تانى ياحبيبتى مش هقولك البيت لا انا هغير كل
حاجة فى البيت عشان ترجعى مرتاحة ولو عايزة نعيش بره اشترى
شقة ونبعد معنديش مانع المهم نكون سوا

نور:لا مش للدرجة دى ممكن ارجع بس مش دلوقتى مش هرجع
غير لما احس انى عايزة ارجع

ادهم:خلاص هقع معاكى عند خالى يرضيكى اكسفه

نور:لاوعلى ايه بس اعمل حسابك زى ما احنا موافق ولا

ادهم:ههههه موافق طبعا المهم نكون سوا

وصلوا الى البيت ودخلو الغرفة التى اعدت لهم خصيصا وتفاجات
نور بوجود سريرين فى الغرفة

جاء ادهم من خلفها:اللهى يباركلى فيكى ياامرات خالى يا حلوة
انتى حاسته بيا

نور: نعم حاسته بايه

ادهم: اني عايز اكون معاكى فى اوضته واحده

جاءت امل :ايه يا ادهم الاوضته عحبتك على فكرة فى هنا حمام

عشان تبقى براحتك

ادهم: ربنا يخليكى ليا يا مولتى

ضحكت امل :خلاص يلا غيروا هدومكم عشان تتغدوا يلا بسرعت

اغلق ادهم الباب ووقفت نور امامه لاتعرف كيف تبدل ملابسها

امامه فاخذت ملابسها واتجهت للحمام

ادهم: وفيها ايه بس مانا جوزك برضه

نور: ادهم قلنا ايه كفاية اتنا هنام فى اوضته واحده

ادهم: خلاص يا عم الحاج اللى يرضيك انت

نور: ايه عم الحاج دى شايفنى راجل اودامك

اقترب منها حتى شعرت بانفاسه قريبته منها: انا شايف اودامى ست

البنات قمر مجنتى وعايز اطلع السما واوصله وهو بيقتسى عليا

ارتبكت نور واحمر وجهها: طيب ابعده كده خلىنى اغير هدومى

قبل خدها وهى لاتستطيع حتى التحرك من مكانها وعندما

اقترب من شفاتها ابعده بسرعت ودخلت الحمام وهو يضحك

بشدة وقف بجوار الحمام: على فكرة بحبك

ابتسمت وهى تقف خلف الباب ولم ترد

ادهم: طيب قوليلى وانا كمان افرح قلبى الغلبان ده

لم ترد ايضا

ادهم: طيب والله مارديتى عليا لادخل واللى يجرى يجرى

نور: ايه ده تدخل فين

ضحك بشدة: طيب انا هغير هدومي واستناكي بره متتاخريش

في مكان اخر كان يوسف يجلس مع احدى فتيات الليل ناسيا

عذاب ربه وكل شئ دق بابه فجأة فقالت الفتاة: انت مستنى حد

يوسف: لا هيكون مين امي مسافرة ادخلى جوه

قام يوسف وفتح الباب وجد امامه رجل في حوالى الاربعين من

عمره ومعه رجل اخر يكبره بقليل

يوسف: افندم اى خدمت

الرجل: انت يوسف حجاج

يوسف: ايوه انتم مين

الرجل: انا مروان الشناوى وجايلك في مصلحت

يوسف: مصلحت ايه

الرجل الاخر كان رشاد مساعد مروان: طيب ندخل اول وبعدين

نتكلم

يوسف: مش قبل ما اعرف انتوا مين وعايزين ايه

مروان: جايلك في حاجت تخص ادهم فخر الدين

يوسف بغضب: ادهم وانتوا بقى عايزين ايه

مروان: انا عايز مصلحتك زى مانت ليك تار عنده انا برضه عايز

اخلص منه

يوسف: اذا كان كده اتفضل

دخل مروان ورشاد وجدوا زجاجات خمر ويبدو ان معه امراة فى
المكان

مروان: انا مش هعطلك يظهر انك مش فاضى ندخل فى الموضوع
على طول انا عارف ان ادهم خطف منك نور اللى انت كنت بتحبها
وعملت كل البدع عشان تتجوزك ورفضت وجه ادهم وخذها
منك مضبوط

يوسف: ايوه مضبوط بس تعرف كل ده منين
ابتسم مروان بخبت: انا اعرف كل حاجة واى حاجة عايز اعرفها
المهم ان انا ممكن اساعدك ترجع نور
يوسف: تقصد ايه

مروان: تعرف ان نور حاولت تنتحر ولحقولها
يوسف بخصة: ايه بتقول ايه نور مالها جرالها ايه
مروان: اهدى اهدى هي كويست دلوقتى واعتقد انه بسبب ادهم
عشان كده انت لازم تقرب من نور تانى وتخليها تحبك وتنسى
ادهم ده نهائى
يوسف بحذر: وانت هتستفيد ايه

مروان: هستفاد ان ادهم هيتلبخ فى نور ويبعد شوية عن القرية
السياحية اللى عايز ينافسنى فيها
يوسف: اه ه قول كده بقى
مروان: عشان كده انا جيت احط ايدى فى ايدك نوقفه ونخليه
عبرة لاي حد
يوسف: وانا موافق

مروان: خلاص وعشان اثبتلك حسن نيتي نور موجودة دلوقتي في بيتهم بعد ما خرجت من المستشفى يعني الموضوع ممكن يكون سهل انك ترجع العلاقات القديمة حتى بمكالمة تليفون نسجلها نعمل بيها اي مصالحة نخليهم يوقعوا في بعض وانا تاخد نور وانا اكسره واخليه يخسر كل حاجته اه وعلى فكرة ادهم معاها هناك يعني مش بيسبها غير وهو في الشغل ودي فرصتك يوسف: حلوا اوى كده سيب الباقي عليا اتقنا ..
مروان: اتقنا



الفصل التاسع

تسامحه وتعود اليه والى بيتها الذى قام بتغيير كل شئ فيه حتى لا تعود اليه ومعها ذكريات ما حدث قبل ذلك كان يذهب الى عمله ويعود الى نور لا ينكر انه يشعر بالراحة فى بيت خاله الا انه رجل ويحب الاستقرار ويريد العودة الى بيته ومع زوجته استيقظت نور صباحا على صوت هاتفها وجدت رقم غريب لا تعرفه لم ترد عليه

استيقظ ادهم على صوت الهاتف: صباح الخير يا حبيبتي
نور: صباح النور معلى الموبيل قالك

ادهم: لالا انا كده كده كنت صاحى ورايا مشاوير كثير النهاردة
..... بس مين اللى بيطلبك بدرى كده
نور: مش عارفت رقم غريب محبتش ارد
ادهم: ماشى اقوم انا بقى اخد دش وانزل على طول

دخل الى الحمام ليستحم ويتوضا للصلاة شعرت نور انه زوجها الذى له حقوق عليها حتى اعداد الافطار له شئ بسيط ولكنه يفرق كثيرا

خرجت من غرفتها وذهبت للمطبخ تجهز له الافطار خرج من الحمام لم يجدها ادى صلاته وجدها تدخل الغرفة
نور: حرما

ادهم: جمعا ان شاء الله

نور: يلا عشان تظطر

ادهم: ايه الرضى ده هي امل صحت ولا ايه

نور: ليه وهو انا مش عجاك ولا ايه ياباشمهندس

اقترب منها وقبل يدها: ده انتي تعجبي الباشا

نور: طيب يلا ياباشا عشان تظطر قبل ماتنزل

كادت ان تخرج امسك بيدها: نور مش ناوية نرجع بيتنا انا نفسى

نكون مع بعض لوحدنا فى بيتنا

نور: شوية كده يا ادهم انا عارفة انك ممكن تكون مضايق هنا

بس صدقنى انا مش قادرة ارجع البيت دلوقتي

ادهم: وانا اللي يهمنى راحتك نظطر بقى

ابتسمت: يلا يا حبيبي

اغلق الباب فجأة: انتي قلتى ايه

ارتبكت نور بشدة: بقول يلا نظطر

ادهم: يا ايه

www.hakawelkotob.com

نور: ادهم خلاص بقى

ادهم: والله ما هنخرج من هنا غير لما تردى عليا يا ايه

نور: ادهم مينفعش هنتاخر على مشوارك

ادهم: ولا يفرق معايا قولى بقى

اعطته ظهرها لتخفى وجهها عنه: ادهم خلاص بقى

التف اليها: والله العظيم ما هنتحرك من هنا غير لما اسمعها غتاتر

بقى هااا هتقولى ولا نبات هنا

نور: بحبك يا ادهم

قالتها وخرجت بسرعتة وهو يقف مذهولا يداعب شعره بقوة كأنه

في حلم خرج خلفها لكنه وجد فكري امامه

فكري: صباح الخير يا ادهم ها انا نازل

ادهم وهو ينظر اليها: ها انا يا خالي صباح الخير

فكري: ها انا مالك يا ابني في ايه

ادهم وكأنه شارد: لا يا خالو مفيش حاجة معلىش دماغى مشغولت

شويت مش هتفطر

فكري: هتوضا واصلى واحصاك

ادهم: ماشى براحتك خالص

نظر فكري الى نور والى ادهم مرة اخرى: عليها النعمة انت اتهللت

انا رايح اصلى احسن

دخلت نور المطبخ لتعد له الشاى دخل خلفها يحتضن خصرها بقوة

:يعنى ينفع تقولى كلمتة حلوة زى دى على الصبح وتهربى كده

نور: ادهم مينفعش كده حد يشوفنا

ادهم: ايه بس بنعمل حاجة غلط واحد بيحب فى مراته حلاله فيها

ايه

نور: مينفعش يا ادهم سيبنى بقى

سمعوا صوت امل تنادى على مازن ومريم: عجبك كده كفايت

بقى

ادهم: ماشى ياستى بس مش هترضى عنى بقى ونرجع بيتنا

نور: قريب يا ادهم قريب اوى

تناول ادهم الافطار وهو يشعر بسعادة لاتوصف وهو يخطف
النظرات لنور بين حين واخر قام من مكانه مغادرا
عن اذنكم بقي يا جماعة محتاجين حاجة
فكري: تسلم يا حبيبي
ادهم: نور محتاجة حاجة
نور: لا ربنا يخليكي
امسك بمعطفه ليخرج قامت وراءه نور تلقائيا
نور: تروح وتيجي بالسلامة
ادهم: هتوحشيني خلى بالك من نفسك
نور: وانت كمان خلى بالك من نفسك
خرج من الباب ثم نادى عليها: نور
نور: نعم
قبل شفقتها سريعا: بحبك
تركها ورحل وهي تتحسس شفقتها بفرحة وسعادة
مر يومهم كالعادة نامت نور قليلا ثم استيقظت على رنة هاتفها
اعتقدت انه ادهم فردت عليه
نور: الوو مين
المتحدث: معقول يا نور نسيتي صوتي
نور: مين معايا
المتحدث: نور انا يوسف

نور: انت عايز ايه انت محرمتش كفاية بقى مش عايزة اسمع صوتك تانى

اغلقت الهاتف وقامت لتتوضا وتصلى الظهر وبعدما انتهت رن هاتفها مرة اخرى وجدته رقم اخر احست انه يوسف

جاءتها فكرة ان تسجل له المكالمات لاتعرف لماذا ولكنها فعلت نور:ايوه مين

يوسف: نور وحشتيني

نور: يوسف انت اتجننت عايز منى ايه مش كفاية اللي عملته معايا عايز ايه

يوسف: عايز تسامحيني وتنسى اللي عملته وتسيبك من ادهم ده

نور: انت مجنون ادهم جوزي اللي اخترته وفضلته على اى واحد تانى افهم بقى انت اصلا ملكش وجود فى حياتي عمرنا زمايل وبس عمر ما كان بينا حاجة تانية

يوسف: اه بس لسه بحبك ومستعد لاي حاجة تطلبها مش كفاية اللي عمله معاكي وخلاكي تنتحري نور: ايه انت جبت الكلام ده منين

يوسف: مش مهم جبتوا منين المهم انى مش هسيبك يانور وادهم ده بكرة هاخدك منه واموته بحسرتة عليكى زى ما عمل معايا

نور بانفعال: والله العظيم لو حاولت تاذيه ما هسيبك يا يوسف يوسف: للدرجة دي بتحبينه

نور: ايوه بحبه ومهما يعمل فيا هحبه خلى عندك كرامت بقى انا مشوفتش كده فى حياتي

يوسف: ماشى يانور بس اعرفى انتى اللى بداتى

كان ادهم فى مكتبه يراجع بعض الاوراق فدخل عليه
زياد: تصدق باللى خالقك انت معندكش دم

ادهم: حبيبي يا زيدو ليه كده بس

زياد: اه صحيح مانت سيبنى هناك فى شرم وانت قاعد هنا على

مكتب وتكليف ونور معاك هتفكر فى الغلبان ده

ادهم: اه ه ه والله لو تعرف جرائى ايه ما هتقول كده

زياد: ليه ايه اللى حصل

قص عليه ادهم ما حدث بينه وبين نورمن البداية الى هذه اللحظة

زياد: ايه يابنى ده انت مجنون مفيش مخ تفكر تسال تتفاهم ديما

عصبيتك سبكاك كده ده انت غريب

ادهم: منه لله يوسف هو السبب فى ده كله انا مشفتش كده واحد

بيحب واحدة وهى اصلا مش طايقه بيعمل كده

www.hakawelkotob.com

زياد: ده بعيد عنك مرض حب الامتلاك يفضل يسعى وراء اى

حاجة عاوزها لحد ما يطولها وبعد كده خلاص

ادهم: اه وانا بقى اسيبه يعمل اللى هو عايزه

زياد لا طبعا مقصدش بلغ عنه عمله اى حاجة تبعدك عنكم

ادهم: عملت محضر ولا الهوا هو شكله محتاج يتروق

زياد: ادهم بلاش كده متجيش لنفسك مصيبة مع واحد زى ده

انتهى يومهم وذهب ادهم الى المنزل وجد نور تجلس شاردة
 ادهم: حبيبتي سرحانت في ايه
 نور: لا ابدأ مفيش حمد لله على السلامة
 ادهم: الله يسامك بس مالك شكك مضايقت من حاجت
 نور: لا ابدأ مفيش هحضرلك الغدا
 امسك بيدها: مالك يانور فيكي ايه
 نظرت اليه قليلا تفكر اتعلمه بمكالمة يوسف ام تصمت افاقت
 على صوت ادهم: ايه مالك سرحانت ليه
 نور: لا ابدأ هحضرلك الغدا زمانك جعت
 تركته حائرا فيها تناول الطعام وهو ينظر اليها لا يفهم ما بها
 انتهى من الطعام وذهب الى غرفته ليبدل ملابسه دخلت عليه
 نور خائفة اتعلمه بمكالمة يوسف ويحدث مالا يحمد عقباه ام
 تصمت وتزرع بيدها الشك بداخله مرة اخرى
 ادهم: نور مالك حاسس ان في حاجت مخبياها عليا مالك يا
 حبيبتي
 نور: بصراحة فيه بس ممكن تبقى هادي وانا بحكيك
 ومنتعصبش
 ادهم: انتي كده قلاقتني في ايه
 نور: يوسف طلبني النهاردة
 ادهم بغضب: نعم بتقولي ايه طلبك يعني ايه
 نور: شفت انت باين غاظت لما قولتلك

حاول ادهم ان يتمالك اعصابه :طيب خلاص انا هادي اهوو ممكن
تقوليلي حصل ايه وقالك ايه

نور:انا لقيت رقم بيطلني بعد انت ماخرجت لقيته هو اول ما فتحت
لقيته هو قفلت على طول بعد الظهر رقم تاني قلت ممكن تكون
انت ورجعت قلت ممكن هو فتحت عليه

ادهم:هاا وقالك ايه

نور:انا سجلت المكالمات كلها

امسك ادهم بهاتفها واستمع الى المكالمات كاملة وهو يشعر
بغضب جامح من حديثه وكلماته لها انه مازال يحبها القى بالهاتف
امامه

طيب ده اعمل فيه ايه اقتله واريح نفسي

نور بسرعة:ايه يا ادهم بتقول ايه انا كده غلظت لما قولتلك

ادهم:لا يانور انتي لو مكنتيش قلتي كان ممكن الموضوع
يتفسر غلط بس هو الكلب ده اللي مينفضش اسكت عليه تاني
نور:هتعمل ايه يا ادهم هتاذي نفسك ليه ده واحد مجنون مش
طبيعي سيبك منه بقى

ادهم:يانور افهميني انا خايف عليكى مش هستحمل حاجت
تحصلك انا ممكن اموت والله اموت

وضعت يدها وهي ترتجف على شعره:وانا مليش غيرك اخاف عليه
ومستحملش انك يجراك حاجت

نظر الى عينيها بدهشة :نور انتي قاصدة كلامك ده ولا من وراء
قلبك

نور: انا عمري ما هقولك كده لو كان من وراء قلبي يا ادهم
 ادهم: نور انا بحبك اوى مش بحبك بس لا بعشقتك
 ضمها الى حضنه بقوة وهو يكاد يصرخ: يااه يا نور كان نفسى
 احضنك اوى كان نفسى اضمك ومتبعديش عنى تانى ابدأ
 لفت ذراعيه حوله بخجل: ادهم متسبنيش انا بخاف وانت بعيد
 ادهم: وانا عمري ما هيبعدننى عنك غير الموت
 نور: بعد الشر عنك يا حبيبي
 بعدها عنه قليلا: حبيبيك بجد يا نور حبيبيك
 نور: واغلى من حبيبي مفيش عندي يا ادهم
 قبلها بشوق وحنين اليها افتقدها منذ زمن منذ ابتعدت وتركته
 بعد حوالي يومان مر يومهم كالعادة وقد بدأ فى تجهيز بيتهم
 لتعود اليه مرة اخرى اتصل بها وهو فى المكتب
 ادهم: حبيبتى اخبارك ايه
 نور: بخير يا حبيبي ازيك انت
 ادهم: انا بخير طول ما انتى بخير يا عمري ها اجهزتى نفسك ولا
 لسه عايز بكرة نرجع شقتنا عشان بقى نعيش ونظبط نفسنا ولا
 ايه الواحد مش اخد راحته ولا ايه
 خجلت نور وقد فهمت مما يلمح اليه: ادهم خلاص بقى
 ادهم: ههههه ماشى يا ست الكل بقولك بتعملى ايه
 نور: ابدأ لوحدي ماما وبابا راحو يزوروا خالتي ومريم ومازن فى
 الجامعة
 ادهم: يعنى لوحداك اجى بقى

نور:هاا قلنا ايه اما نروح بيتنا

ادهم:يارب هون على بكرة

نور:ههههه مستعجل على ايه

ادهم:ياشيختا حرام عليكى ازعق واقول للناس عايز مراتى ياناس

عايز اقضى شهر العسل بقالى اربع شهور الناس تقول عليا ايه مش

راجل ولا ايه

نور:ادهم كفايتة بقى حرام عليك.....

قاطعاه صوت الباب:مين بيخبط

نور:مش عارفتة دول لسه خارجين ومريم ومازن مش قبل العصر

ادهم:طيب افتحي وانا معاكى

نور:حاضر

فتحت نور الباب وجدت يوسف امامها صرخت:يوسف

صرخ بها ادهم:يوسف.....نور افضلى الباب افضلى يانور

.....

حكاوي الكتب
www.hakawelkotob.com

سمع ادهم صرختة نور وهى تنطق باسم يوسف

ادهم:نور افضلى الباب بسرعتة

لم يمهلا يوسف ان تغلق الباب دفعه بقوة:انا عايز اتكلم معاكى

وانتى رافضتة ليه

نور:انت مجنون مبتحسش ايه معندكش دم

يوسف:انتى ازاي تعالى صوتك عليا وانا هبقى جوزك مش عيب

نور:لا لا انت مجنون صح

كل هذا وادهم يستمع الى حديثهم فتح درج مكتبه واخرج
مسدسه وخرج سريعا لايري امامه اي شئ غير الوصول الى نور وفي
اثناء حديثهم تعثرت قدم نورفوق هاتفها وانتهى الاتصال وظل
ادهم يصرخ: نور نور ردي عليا الووو نور

ركب سيارته وانطلق بسرعة البرق وكاد ان يصطدم اكثر من
مرة ولكنه تابع طريقه

اما عند نور فمازالت تحاول مع يوسف ان يخرج ويتركها
نور: يوسف بلاش جنان ادهم هيجي دلوقتي ومعرفش ممكن يعمل
فيك ايه

ضحك يوسف بشدة: حبيبتي انا بس عايز اتكلم معاكى وانتى
مش مديلي فرصت

نور: وانا مش عايزة اتكلم معاك اطلع بره بقى
يوسف: قولتلك متعيلش صوتك عليا انا لحد دلوقتي ساكت
وبتكلم بادب

معرفش بعد كده ممكن اعمل ايه
نور: والله هصوت والم الناس عليك اخرج احسناك

يوسف: ولا يفرق معايا اعملى اللى انتى عايزاه
وجدت امامها فازه القتها عليه مما زاد غضبه وجعلته يهجم عليها
وهي تصرخ به

انت مجنون امشى ابعده عني

يوسف: ابدا مش هبعده عنك مش هبعده

ظلت نور تدافع عن نفسها وتضربه بكل قوتها وهو لا يتراجع حتى
استطاعت التخلص منه وهربت على غرفتها واغلقتها
ادهم مازال في الطريق طلب مازن وجده في الجامعة ثم عاد وطلب
احمد

احمد: حبيبي يا ابو نسب اخبارك

ادهم: احمد مش وقته انت فين

احمد: انا في البيت في ايه

ادهم: يوسف يوسف راح البيت ونور لوحدها انا رايح على هناك

احمد: ايه ده اتجنن طيب متخافش انا هحاول اسبقك على هناك

ادهم: طيب بسرعة الله يخليكي بسرعة

ظل يوسف يحاول فتح الباب على نور وهي تصرخ وتبكي وتترجاه
ان يبتعد عنها

نور: يوسف بالله عليك ابعده من هنا

يوسف: مش قبل ما تتطلقي من ادهم وتبقى ليا وحدي

نور: انت مجنون مجنون



نجح اخيرا في فتح الباب وهي تصرخ جذبها من حجابها ونزعه
وجذبها من شعرها

انتى فاكرة انك هتهربي منى ده مستحيل سمعتى مستحيل

حاول تقبيلها وهي تضرب فيه حتى القاها على السرير وهو يحاول

الاعتداء عليها وهي تصرخ باسم ادهم

صفعها على وجهها: متجيبش سيرته

نور: لا هقول ادهم وهفضل اقولها

صفعها مرة اخرى وجذبها من شعرها يجرها على الارض بغضب وهي
تحاول التشبث باى شئ

وهو مازال يسحها على الارض وهي تبكى بشدة من الالم ثم اوقفها
وحاول ان يجذب ملابسها وهي متمسكة بها
فى نفس اللحظة التي يدخل فيها ادهم يجده يحاول الاعتداء
عليها صرخ بغضب
يوسف

رفع ادهم مسدسه واطلق رصاصه ليصاب يوسف فى كتفه ويسقط
مغشيا عليه صرخت نور وجرت على ادهم الذي ضمها بقوة: نور
حبيبتي انتى كويست لمسك قرب منك

نور ببكاء: لالا ادهم عملت كده ليه هيموت وهياخدوك منى
ادهم: متخافيش ربنا هيووقف جنبى عشان انا بدافع عن شرفى
وعرضى
يدخل احمد فى هذه اللحظة احمد وفكرى وامل يجدون يوسف
ملقى على الارض وادهم ممسك بالمسدس

احمد: ليه يا ادهم ليه

ادهم: انت كنت عايزنى اسيبه يقرب منها ولا يلمسها

فكرى: بس انت كده هتلبس قضية قتل

ادهم: مش مهم المهم ان نور كويست

كانت نور مازالت متمسكة به جاءت الاسعاف والشرطة لنقل يوسف للمشفى وتم القبض على ادهم ونور تصرخ بهم ان يتركوه وهي متمسكة به

ادهم: حبيبتي متخافيش هرجع ان شاء الله هرجع
نور: ادهم متسبنيش انا خايضة

ادهم: لا يانور اوعى تخافى انا هفضل موجود على طول خدى بالك من نفسك

ونظر الى احمد: احمد خد بالك منها

الظابط: يلا كفاية كده

احمد: متخافش يا ادهم نور هتبقى كويست

كان ادهم ينزل معهم وعينه عليها حتى سقطت مغشيا عليها انتفض وحاول ان يصعد اليها لكنهم امسكوا به ومنعوه وهو ينادى عليها

بدات التحقيقات مع ادهم فى جريمة القتل

الظابط: استاذ ادهم صدقنى انا عايز اساعدك والمحضر اللى

عملته قبل كده ان شاء الله هيفيدك بس ادعى ربنا انه ميموتش

ادهم: انا بدعى ربنا انه يموت وارتاح منه

طيب وانا المفروض اعمل ايه

الظابط للاسف هتبات هنا وبكره هتتعرض على النيابة

اليوم التالى تم عرض ادهم على النيابة بصحبة المحامى وتم

استدعاء نور وكل الموجودين فى المنزل وقت الحادثة

استمع وكيل النيابة الى اقوال الشهود ما عدا نور تركها اخيرا

جاء دور ادهم بصحبة المحامي

الوكيل:استاذ ادهم انت ليه حاولت تقتل يوسف حجاج

ادهم:طبيعي اما الاقي واحد بيتهجم على مراتي لازم ادفع عنها ولا

اسيبه

الوكيل :بس توصل للقتل

المحامي:يا فندم استاذ ادهم مكنش يقصد القتل كان بيدافع

عن مراته اللي يوسف حاول يعتدي عليها

الوكيل:هو كان في حاجة بين مراتك ويوسف قبل جوازك

ادهم بغضب:لا طبعا زيه زي اي واحد اتقدم لواحدة ورفضته لكن

يوسف ده مريض عنده حب الامتلاك عشان كده حاول بكل

الوسايل انه يوقع بينا وباي طريقة

الوكيل:ليه يعني اقصد انك ممكن تكون اتجوزتها بسبب

فلوسك وهو مقدرته متمحش

ادهم:يا سيادة الوكيل نور تبقي بنت خالي قبل ما تكون مراتي

ويوسف اتقدملها قبلي بزمان ورفضته يعني مش حكاية فلوس ولا

غيره

ممکن اسال حضرتك سوال

الوكيل :مع ان المفروض انا اللي اسال بس اتفضل

ادهم:لو في واحد حاول يعتدي على مراتك ولا اختك واودامك

هتعمل معاه ايه

صمت قليلا:هقتله

ادهم: وانا معملتش اكر من كده انا دافعت عن شرفى ومش ندمان
 ضغط زر بجواره ونادى على الشرطى لتدخل نور
 دخلت نور خائفة مرتجفة ولكنها ما ان رات ادهم حتى اتجهت اليه
 الوكيل: مدام نور اتفضلى ممكن تحكيلى على كل اللي حصل
 قصت عليه نور كل ما جرى من يوسف وتصرفاته معهم حتى لحظة
 اطلاق النار عليه

نظر اليهم قليلا ثم جاءه الشرطى بتقرير عن حالة يوسف
 الوكيل: حالة يوسف مستقرة باين معرفتش تنش كويس يااستاذ
 ادهم الرصاصه جت فى كتفه وحالته مش خطيرة
 اكتب ياابنى: امرنا نحن وكيل النائب العام بالافراج عن ادهم
 فخر الدين بضمن محل اقامته ووضع يوسف حجاج تحت الحراسة
 لحين استقرار حالته الصحية وعرضه على النيابة
 افضل يااستاذ ادهم مع السلامة

فرحة لاتوصف يشعر بها ادهم ونور وها هو سوف يخرج بدون اى
 تهمة
 خديجة بخوف: هاا يا حبيبى عملت ايه
 www.hakawelkotob.com

المحامى: الحمد لله وكيل النيابة كان متعاطف مع ادهم وخرجه
 بضمن محل اقامته يعنى خلاص مفيش قضية
 فخر: يعنى هيخرج معانا

المحامى: باذن الله نخلص الاجراءت ويروح على طول
 ظل ادهم ممسك بيد نور: حبيبتي متخافيش
 نور: خلاص يا حبيبى مش خايضة انت هتبقى معايا خلاص

انتهوا من الاجراءت وركب ادهم ونور سيارة احمد
 ادهم:على فين يا جماعة ده مش طريق بيت خالى
 نور:لا يا حبيبي ده طريق بيتنا احنا هنروح البيت بتاعنا
 ادهم بفرحة:بجد يانور
 نور:بجد يا عيون نور

احمد:ايه يا جماعة حرام عليكم اعمالوا حسابى انا راجل فسخت
 خطوبتى كده غلط عليا
 ادهم:ايه ليه

نور:احمد من الاول مكنش مرتاح معاها بس خالتى بقى كانت
 مصممة

ادهم:ولا يهمك يا ابو حميد بكرة تلاقى ست ستها
 وصل البيت وكان فى استقبالهم الجميع لاحظ احمد دارين شقيقتا
 ادهم ظل ينظر اليها باعجاب شديد لاحظته نور:ايه يا استاذ مالك
 احمد: ها اا لا ابدا مفيش هي اخت ادهم دي مخطوبتا

نور:ههههه لاش مش مخطوبتا ايه بتفكر
 احمد:بفكر اوى اسيبك انا دلوقتى وابقى اجيلك بعدين سلام
 يا قطرة

تركهم احمد واستأذنت نور الصعود الى شقتها قام ادهم وراعاها
 امسكت به رودي:على فين يا ادهومتى
 ادهم:هيكون على فين يا غلستة طالع لمراتى
 دارين:لا لا اقعد معانا شويتة اصلك وحشنا اوى
 ادهم:ايه ده انتوا مالك فى ايه

رودى:ولا حاجة اخونا ووحشنا فيها حاجة دى
 تدخلت داليا فى الحديث:ماتسيبوه يطلع تلاقىها قايدة نار فوق
 رودى:وانتى مالك احنا احرار مع اخونا
 داليا:يعنى الحق عليا انا اللى غلطانت
 دارين:بالضبط كده
 رن هاتف رودى فاغلاقته:يلا يا حبيبي اطلع لمراتك يلا
 ادهم:انت يا بت مجنوننة او مال ماسكتة فيا ليه
 دارين :ماتتطلع بقى ولا نجبسك هنا
 ادهم:لا يا ماما انا طالع اتحبس فوق احلى حبس
 داليا:مش اوى كده
 نظروا اليها جميعا بغیظ وتركههم ادهم وصعد الى شقته وماان
 دخل حتى وجد الانوار مغلقة والشموع تضى المكان
 ادهم:نور نور انتى فين
 اتاه صوت من خلفه:نور تحت امرك حبيبي
 التفت اليها وجدها ترتدى قميص باللون الابيض ومزركش بنعومت
 وشعرها ينسدل خلفها وتقف امامه بدلال
 ادهم:هو انا بحلم ولا حاجة
 اقتربت منه وضعت يدها حول رقبتة:حبيبي النهاردة يا امر وانا عليا
 الطاعة
 ادهم:نور انا بحبك اوى اوى
 احتضنها بشدة وحملها الى غرفتهم واغلاق الباب:يعنى هو النهاردة
 ليلتة دخلتنا ولا ايه

نور بخجل: خد دوش اول وتعالى تاكل حاجة وبعدين نتكلم
ادهم: ماشى ياستى
ذهب للحمام ليستحم وخرج وجد نور تعد له الطعام وسط الشموع
احتضنها من خصرها: وحشتيني اوى
التفت اليه وهى مازالت فى حضنه: وانت كمان وحشتنى اوى يا
حبيبي اوى
ضمها لاحضانه: يا اه ده انتى كنتى وحشاني اوى يانور
نور: ادهم اوعى تسيبني تانى اموت من غيرك
وضع اصبعه على فمها: هششششش اوعى تقوليها تانى بعد الشر
عليكى يا روح قلبى
حملها بين ذراعيه ووضعها على السرير واطفا الانوار ليبدووا حياة
جديدة مختلفة عما سبق

حكاوي الكتب
www.hakawelkotob.com

الفصل العاشر

بدا ادهم ونور يعيشون حياتهم الطبيعية كزوجين ينعمان
 بالسعادة والحب كان زياد يتابع ادهم باستمرار باخبار البناء
 والتجهيز للقريّة السياحية التي سينافس بها مروان عدوه اللدود
 كانت نور تعمل في الشركة مثلها مثل اي موظف اخر الم تتعامل
 معهم يوما على انها زوجة صاحب الشركة وطلبها ادهم يوما الى
 مكتبه فذهبت اليه دخلت المكتب لم تجده: ادهم ادهم انت
 فين

وجدت من يحتضنها فضحكت: يعني انت مش هتبطل تخضني كده
 ادهم: حبيبي بتوحشني ياناس اعمل ايه قلت اطلبها تجيلي
 نور: معقول يا ادهم عايزني عشان كده
 ادهم: وهو في احلى من كده
 نور: وحشتني

ادهم: ياهوووووهو انا بحبك من شوية
 نور: طيب قولي بقي عايزني ليه
 جلس على الكرسي وجذبها اليه: عايزك ياستي عشان هنسافر
 شرم الشيخ الاسبوع الجاي
 نور: بفرحة: بجد يا ادهم هنقضي شهر العسل

ادهم: حبيبتي والله نفسي بس انتى عارفتى الشغل بقى القرية
 خلاص تشطيبات بسيطة عشان نلحق الموسم الجديد
 نور: بحزن طفولى: اممم وانا قلت هنقضى شهر العسل
 ادهم: قطتى متزعليش نخلص بس شغلنا وباذن الله هنقضى شهر
 بحاله لوحدنا

نور: ماشى يا سيدى هقولى هنسافر امتى
 ادهم: الاسبوع الجاى ان شاء الله يعنى لو وراكى حاجت خالصها
 براحتك

نور: اوكويه يا بيبي اسيبك انا بقى
 جذبها من يدها: على فين يا حبيبتي
 نور: على شغلى يا حبيبى
 ادهم: اوكويه مع السلامة

فى مكان اخر او بمعنى اصح احدى مراكز التجميل الشهيرة
 كانت تجلس سيدة فى الثلاثينات من عمرها تتابع عملها دخل
 عليها بدون اذن رجل ليس بالغريب عنها مروان: ازيك يانانسى
 نانسى: خير جاى ليه

مروان: توتو عيب متنسيتش كان بينا عشرة برضه
 نانسى بضيق: عشرة مهبطة عايز ايه

مروان: ابداء وحشتينى قلت اجى اظمن عليكى
 نانسى: وده من امتى ان شاء الله قول جاى ليه يا مروان ومن الاخر

مروان بخبث: حبيب القلب رجع موحشكيش

نانسى: تقصد مين

مروان: اقصد اللى كنتى بتنطقى اسمه وانتى فى حضنى فاكرة

نانسى: ادهم

مروان: عليكى نور ادهم بس ايه راجع حاجة تانيةت خالص رجل

اعمال وصاحب شركات وقريةت سياحيةت الباشا بينافسنى

نانسى بهيام: معقول بعد السنين دى

مروان: متفرحيش اوى كده الباشا اتجوز خالص يعنى مستحيل

يبصلك

نانسى: ايه اتجوز..... اتجوز مين

مروان: بنت خاله حتة بت ايه صاروخ ارض جو قمر اربعةت عشر مش

زيك خالص

غضبت نانسى بشدة: انت عايز ايه معقول جاى هنا عشان تقولى

كده

مروان: لالا انا بس كنت عايز اطمئن عليكى وكلام جاب بعضه

سلام بقى

نانسى: على فين

مروان: ابدا كان ورايا مشوار وشكله خالص سلام

خرج من عندها وهو يشعر انه وصل لهدفه فبمجرد ظهور نانسى مرة

اخري فى حياة ادهم كفضيلةت ان تقلبها راسا على عقب وبذلك

يستطيع ابعاده عن القريةت ويفعل هو ما يريد

كان ادهم يجلس فى مكتبه دخلت عليه نور: ادهم ممكن تمضى
هنا

لبس نظراته الطبيه: ايه ده

نور: ده كشف التوريدات عشان بس الحق اصرفها للعمال قبل
ما اسافر

ادهم بخبت: امضى فين

نور: ايه يا ادهم امضى هنا واشارت على نهاية الورقة

ادهم: نور مش شايف تعالى كده شاورلى

اقتربت منه: ايه يا حبيبى هنا غريبة يعنى

جذبها فجأة واجلسها على قدميه: عشان امبارح تتدوخينى

ضحكت نور بشدة وهى تحاول الافلات منه: طيب خلاص بقى اما
نروح

ادهم: لالا اخد حقى دلوقتى وهنا

نور: ادهم احنا فى المكتب خلاص بقى

قبلها فجأة ولم تستطع مقاومته وتاهت معه فى عالم اخر حتى

ايقظهم صوت الهاتف الخاص بهدى

نور: ادهم التياضون

ادهم: سيبه يرن

نور: ادهم مينفعش يمكن حد مهم ولا حاجت

ادهم: انتى اهم

رن الهاتف مرة اخرى

نور: شوف بقى رد شوف هدى عايزة ايه

رد على الهاتف وهو مازال يضمها: ايوه يا هدى

هدى: فى واحدة مصممة تقابل حضرتك ومفيش معاد سابق

ادهم: مين دى

هدى: اسمها نانسى عزام

توقف عقله وجسده عن الحراك للحظات من اثر صدمته عند سماع

الاسم

نور: ايه يا حبيبي مالك

ادهم: هاااا لا حبيبتي ولا حاجة مفيش

ايوه يا هدى دخلها بعد خمس دقائق

نور: فى ايه ومين دى

ادهم: ابدا عميلت

نور بشك: شكك مش بيقول كده

ادهم: لا ابدا حبيبتي بس حسيت بارهاق مرة واحدة كده

نور: حبيبي سلامتك تحب نروح لدكتور

ادهم: لا لا مش مستاهلت ثم حبيبتي عينها دوايا

نور: انا كده هتغر

ادهم: براحتك يا سيدتى الجميلت

نور: طيب خلاص بقى الست هتدخل

ادهم: اقعدى على الكرسي مكانى

نور باستغراب: ليه

جذبها واجلسها على الكرسي: من غير ليه انا عايزك هنا

هنا جاءت هدى واستأذنت لنانسى بالدخول
 مشاعر من بين نار الكره والاحتقار وما بين اشتياق واحساس
 بالذنب
 دخلت نانسى وجدت ادهم واقفا ونور جالسة مكانه لانتكر
 احساسها بالغيرة تجاه نور والحب والهيام تجاه ادهم فاقت من
 شرودها على صوت ادهم: اهلا وسهلا اتفضلى
 نانسى: ها ااه اهلا بيك
 نور: اهلا وسهلا نورتى
 نانسى: مرسيه ازيك يا ادهم
 نظرت اليها نور تارة والى ادهم تارة اخرى واندهشت من نطقها اسم
 ادهم مباشرة بدون القاب افاقت على صوت ادهم
 اهلا مدام نانسى خير
 نانسى باحراج: ابدا جيت اشوفك واطمن عليك اول ما عرفت انك
 موجود
 ادهم: ومين بقى اللى قالك
 نانسى: مش مهم مين قال المهم انك موجود
 تدخلت نور بصوت يملوه الغيرة: ايه يا ادهم مش تعرفنا
 ادهم: حبيبتي دى مدام نانسى كانت زميلتى فى الشغل من كام
 سنت قبل ما اسافر
 باشمهندسة نور مراتى
 نظرات الغيرة من النساء مهما حاولوا اخفاءها لن يستطيعوا تبادل
 النظرات بينهم وشعر بهم ادهم

خير يا امدام اي خدمت

نظرت الى نور: لا ابداء كنت جايت اظمن عليك

ادهم: انا بخير الحمد لله كفايت نور معايا ولا ايه حبيبتى

نور: هاااه طبعا

مدت نانسي يدها بكارتي الى ادهم: ده كارتى ياريت نتقابل تانى

امسك ادهم بالكارت والقاء على المكتب: ان شاء الله

احست نانسي بالغضب من ادهم فضلت الخروج خرجت

وتركتهم صامتين لفترة حتى قطع ادهم الصمت: هاااه حبيبتى

كنا بنقول ايه

نور: مين دى يا ادهم

ادهم: ايه ده تقصدى مين

نور: اقصدا الست دى مين

ادهم: قولتلك يا حبيبتى زميلت قديمت

نور: زميلت قديمت ولا حب قديم

ادهم: نور تقصدى ايه

نور: مش دى خطيبتك بتاعت زمان

ادهم: وافرضى ايه المشكلت عادى عميلت وخالص

نور: لا مش خالص فين الشغل اللى جايت عشانه

ادهم: نور بلاش حرق دم

قامت من مكانها متجهة للخارج: معلى انا اسفرت انى حرقت دمك

ادهم: نور استنى انا اسف معلى حقك عليا انا بس مضايق شويت

نور: لا وعلى ايه يظهر حبيبت القلب صحت حب قديم

ادهم: نور بلاش جنان ايه اللي بتقوليه ده

نور: اللي شفته يا ادهم يظهر انك لسه بتحبها وبابن اوى عن اذنك
ذهبت وتركته يفكر لما عادت نانسى بعد هذه السنوات وهل
بالفعل كما تقول نور انها مازال يحبها

اما نانسى فتركتهم ونار الغيرة تشتعل بقلبها فكان لها هذا
المكان بجواره ولكنها هي من باعته قبل ذلك ولكن ما المانع
من الرجوع الى الحبيب فالرجل له اربعة ولما لا تكون زوجة
ثانية

عاد ادهم الى البيت وجد نور تجلس امام التلفاز ولم تعيره اهتماما
كماتعود منها جلس بجوارها ووضع يده على كتفها
حبيبتى معدتش عليا نروح سوا ليه
نور ومازالت اعينها على التلفاز: لا ابدأ حسيت بتعب روحت على طول
مقدرتش استنى

ادهم: مالك يانور تحبى تروحي لدكتور

قامت من جانبه: لا مش مستاهلة حضرتك الغداء

امسك بيدها وقبلها: والله ما بحب غيرك انتى بس هى والله
صدمت اول ما شوفتها

نور: يعنى لسه بتحبها يا ادهم

ادهم: احبها احب مين انا مفيش فى حياتى ولا قلبى وعقلى غيرك
انتى يا نور هى ماضى قديم فكرته اندفن بس يظهر انه عايش
ومصر يطلع تانى

نور: كلامك بيخوفنى

ادهم: لالا لا اوعى اوعى يانور تشكى فى حبي ليكى فى يوم من
الايام اوعى

نور: يعنى بجد يا ادهم بتحبنى

وقف امامها وهو يضمها: تو تو بموووووت فيكى مش بحبك بس

القت بنفسها بين ذراعيه: وانا بعشقتك حبيبي بس بغير عليك

ادهم: من ايه يا قلبى مفيش واحدة فى الدنيا ممكن تاخذنى منك

ابدا يا روح قلبى ويلا بقى انا جعان اوى

نور: خمس دقائق والاكل يجهز

ظلت نانسى طوال هذا الاسبوع بزيارت كثيرة ومستمرة لادهم
الذى حاول كثيرا ان يتجاهلها ولكنها مازالت مصرة ويوم من
الايام كانت تجلس معه فى مكتبه قامت وجلست امامه ووضعت

يدها على خده

معقول يا ادهم ترجع تانى بعد السنين دى ونتقابل

نزع يدها: والله انا مش عارفة انتى جايت هنا ليه

اقتربت اكثر واكثر حتى شعر بانفاسها قريبة منه للغاية؛ عشان
وحشتني اوى يا ادهم اوى واقتربت اكثر واكثر حتى اصبحت
ملا مسر له وشعر للحظات بضعفه امامها
دخلت نور فجة ووجدتهم على هذا الحال ظلت تنظر الى ادهم
بعيون تملوها الدموع قام سريعا
نور افهمي يا نور انتي فاهمة غلط صدقيني
نور: اه اصدقك واكذب عيني مش كده روح روحها يا ادهم
وسيبنى سيبنى

ادهم: لا يا نور لا افهميني حبيبتي دي واحدة متستهلش نسيب بعض
عشانها
نانسي: ادهم انت لسه بتحبني واوعي تنكر واشارت بيدها الى
نور على فكرة الشرع محلل اربعة عادي لو اتجوزنا ومتنسيش اني
حب الاول والاخير

.....
حكاوي الكتب
www.hakawelkotob.com

جري ادهم خلف نور سريعا ركبت سيارتها وهو خلفها راها تبكي
بحرقة ناداها
نور نور اسمعيني بس

ظلت تقود سيارتها ولم تجاوبه حتى وصلت للبيت صعدت وهي
تبكي بحرقة دخلت غرفتها والقت بنفسها على سريرها وظلت
تبكي حتى سمعت صوت ادهم: نور افتحي الله يخليكي اسمعيني
بس

نور: اسمك اسمك ليه عشان ايه يا ادهم انا مش زعلائة على
فكرة كويس انها رجعت دلوقتي ارجعها ارجعها يا ادهم ما هي
برضه الحب القديم

ادهم: نور ابوس ايدك اسمعيني لا حب قديم ولا غيرة كل
الحكاية اتلخبطت من وجودها بس والله بحبك انتي ومش عايز
غيرك انا بحبك انتي
صمتت قليلا: وانا مش عايزاك يا ادهم وياريت ننهي الموضوع
بشكل ودي

ادهم بغضب: موضوع ايه نور انا مش هسيبك سمعتي مش هسيبك
نور: لا يا ادهم هتسبني وكفاية بقي انا تعبت والله تعبت
ادهم: طيب افتحي نتفاهم

نور: مفيش تفاهم في طلاق وده اخر قرار عندي ولو كانت روعي
متعلقة بيك يا ادهم مش عاوزها

باءت محاولاته بالفشل في اثناءها عن موضوع الطلاق ظل ممددا
على الكنبه حتى وجدها تخرج من الغرفة جرى عليها سريعا: نور
حببتي اسمعيني بس

نور: ادهم خلاص معتش فيها كلام تاني انت بايدك قتلت كل
حاجت حلوة ليك عشان خاطري كفاية كفاية

ادهم: نور كانت لحظة شيطان والله صدقيني

نور: ادهم هو انت لو شفتني في نفس الموقف مع حد تاني كنت
هتعمل ايه

جذبها بقوة من ذراعها: انتى بتقولى ايه ازاي تقولى كده انتى
اتجنتنى

نزعت ذراعها من يده: عرفت بقى احساسى بيك كان عامل ازاي
جربت يادهم حسيت بالوجع

ادهم: ايوه حسيت بس افتكري ايه حاجت حلوه كانت بينا
افتكري احنا عملنا ايه عشان نوصل لكده افتكري تعبنا ازاي
عشان نبقي لبعض

نور: كان وهم يادهم كله كان وهم حبها لسه فى قلبك روحها
روحها يادهم وانسانى انتقامك من مروان بسببها عشان حبيتها
ولسه بتحبها

ادهم: ها اخلصتى

كل الكلام ملوش لازمة عندي طلاق مش هطلق وهتفضلى مراتى
غصب عنك وانا لو كنت لسه بحبها كنت روحت لحد عندها اول
ما رجعت مكنتش فكرت فيكى مكنتش حبيتك بس قلبى
غصب راح وراكى منكرش انى حاولت كتير ابعده عنك بس
مقدرتش والله مقدرتش

نور: كفاية يادهم انا مصممة على موقفى انتهينا خلاص

حاول ادهم جاهدا التحكم فى اعصابه حتى لا يغضبها وفكر فى
حيلة تشنيتها موقتا حتى يثبت لها حبه وتتأكد منه

خلاص يانور اللى انتى عايزاه بس مش دلوقتى

نور: اومال امتى

ادهم: انتى عارفتى اياك خلاص هيتجوز كمان شهرين وتكون
القرية كمان خلصت اوعدك ان بعد ده كله هعمل اللى تتطلبه
فكرت قليلا: خلاص موافقتى بس طول المدة دى تنسى انى مراتك
ادهم بجديتة: موافق

بدوا الاستعداد للسفر الى شرم الشيخ لتجهيز القرية وسافرت معها
تقى وتركوا الشركة تحت تصرف اكرم
ركبت نور بجوار ادهم فى الطائرة فهى مازالت فى اعين الناس
زوجته ولا بد لها ان تتصرف على هذا الاساس كان يختلس النظر
اليها وهى لاتعيه اى اهتمام وفجأة وجدوا نانسى تستقل نفس
الطائرة اتجهت الى ادهم مباشرة وحاولت ان تستفز نور: ادهم ازيك
عامل ايه وحشتنى
ادهم بعصبية: بقولك ايه ابعدى عنى احسناك
نانسى: اوكيه يا حبيبى نتقابل بعدين اما نوصل

نظرت لهم نور باشمزاز وظلت تنظر الى نافذة الطائرة
ادهم: والله ما اعرف انها هتيجى

نور: ميهمنيش انت حر فى تصرفاتك

بعد مدة قامت نور لتدخل الحمام وبعد قليل عادت فوجدت نانسى
تجلس بجوار ادهم بطريقتة مستفزة وهو ينهرها: قومي بقى بلاش
مشاكل كفايتة كده

قاطعته نور وهي تجذب حقيبتها: لا وعلى ايه خليها

ادهم: نور استنى هي هتغور من هنا مش انتى

-قومي بقى

نور: لا لا خليها تونسك

جذبت حقيبتها وزهبت بجوار تقى النائمة التي افاقت على جلوس

نور بجوارها

تقى: ايه مالك جيتى ليه

نور: مش عايزانى اقوم

تقى: ايه مالك يانور

نور: ولا حاجت

تقى: عليا انا اتخنقتوا ولا ايه

نور: عشان خاطرى ياتقى سيبنى شوية مخنوقتا اوى

ربتت تقى على كتفها: خلاص يا حبيبتى خليكى براحتك

لم تترك نانسى ادهم وظلت بجواره فقام هو واتجه الى كرسي

بجوار نور

www.hakawelkotob.com

مكنش ينفع تسبيني وتمشى كده

نور: وعلى ايه خلى حبيبتة القلب تونسك

ادهم: انا اتفاجت بها والله معرفش انها جايت

نور: انت حر فى تصرفاتك انا مليش كلام فى حاجتة ولو سمحت

سيبنى عايزة انا

اعلن قائد الطائرة عن الهبوط وطلب من جميع الركاب ربط
الاحزمة استعداد للهبوط
كانت نور مازالت نائمة لم تشعر والا يد ادهم تحيطها ليربط لها
الحزام انتفضت من مكانها ولكنه هدى من روعها
متخافيش انا بربطك الحزام ا حنا وصلنا
نزعته من يده :لا شكرا انا اعرف اربطه كويس
بدا الركاب بالخروج من بوابة المطار وكان زياد ومعه فادي
شريكهم اللبناني وصديقتهم ريما في انتظار ادهم ونور
المعروف عن فادي ولعه بالنساء ولم تستطيع امراة واحدة ان تجعله
يحبها بدا يلاحق الفتيات باعينه بنظرات وغمزات حتى راي نور
وتقى يخرجان من باب المطار
فادي:يالله شو هاي الجمال والله ما في مثله
زياد:نفسى اعرف هتتلم امتى متلميه يا ريما وتتجوزا بقى
ريما :ما تعتب عليا زياد صديقك بدوا عشرة مو واحدة بس
فادي:ايه والله عشرة لو بيكفونى
شوف هي الجميلة الله جمال طبيعى بيجنن والله بيجنن
زياد:فين دى يا روميو
فادي:والله اعمى النظر ما بتشوف هي الشقرا المحجبة ومعه السمرا
الواحد ما بيحتاج شى والله
نظر زياد الى ما ينظر اليه فادي وجده ينظر الى نور وتقى
زياد بسرعة:يخرب بيتك انا الاعمى النظر اسكت خالص اياك
تبصلها

فادی: ویش بقی

زیاد: دی نور مرات ادهم لو سمعک بتقول کده هیقتلک

ریما: واللہ حلال علیه عشان یحرم عیونه الزایفت

فادی: هاد ادهم حظه مثل النار..... ها ادهم جای وهی معه خلاص

بغیر علی صدیقتها

زیاد: اتمه یا فادی دی بقی هتبقی تبعی

فادی: العمی بقلبک ماراح تسیبولی واحدة

زیاد: او مال ریما تبقی ایه نفسی اعرف مستحملک علی ایه

فادی بغرور: انا ما فی متلی الحریم واللہ بیتجنوا علیا

راهم ادهم فهمس لنور: ده فادی شریکی اللبنانی ودی ریما صدیقته

خلینا طبیعین اودامهم ممکن

نور: ان شاء الله

اقترب منهم ادهم وتبادلوا التحیتة اقترب فادی من نور: واللہ

حظک مثل النار یا صدیقی زوقک ما شاء الله حلو کتیر

وقف ادهم امامه وهمس له: علی فکرة دی مراتی مش صحبتی یعنی

ولا افتکر ان احنا اصحاب ولا حاجتة اخلص علیک وادفنتک هنا

ولا حد یعرف عنک حاجتة

فادی: حبیبی انت یا ادهم عم بمنح معک ما بتعرف صدیقک

ادهم: ما عشان عارفک بقولک اتمه یا فادی

استقلوا جميعا السيارات وذهبوا الى الشاليهات المحجوزة باسمهم اما
تقى فقد حجز لها زياد غرفة بجواره فى الفندق
وقفت نور امام البحر كأنه تشكواليه حزنها وغضبها شعر بها
ادهم ذهب خلفها وظل يراقبها وقلبه يعتصر الما عليها
عادت الى الشاليه فوجدته ينظر اليها حاولت ان تتجاهله وقف
امامها: لحد امتى يا نور
نور: اللى هو ايه

ادهم: عذابك ليا مش كفايت

نور: العقاب من نفس الفعل يا ادهم وانت غلطتك كبيرة اوى وصعب
اوى انى انساها

ادهم: حبيبتي والله انا عارف ومعترف بغلطى بس عارف قلبك
ابيض هيسامحنى

نور: تعرف يا ادهم انا ممكن كنت اتخيلك تعمل اى حاجة معايا
غير الخيانة سمحتك قبل كده على اللى كنت عملته معايا
وقلت ساعة غضب المرة دي ايه ساعة خيانة

ادهم: لا يا نور ساعة شيطان ونانى دي شيطانة عايزة تفرقنا

نور: ويظهر ان الشيطانة عارفت بسفرك وجت وراك لحد هنا

ادهم: والله ما عارف بوجودها اتفاجئت والله

نور: ميهمنيش احنا بنقضى مدة مع بعض لحد فرح زياد ما يعدى
والقرية كمان تخلص عشان ده شغلى واكثر من كده لا وعلى
فكرة بمجرد افتتاح القرية استقالتى هتكون على مكتبك

تركته ودخلت غرفتها وهو في حيرة من امره ماذا يفعل لتعود اليه
وجد فادي يقترب منه
هاي ادهم كيفك

ادهم: بخير يا فادي انت عامل ايه

فادي: الحمد لله بخير انا جيت لاجل ما عزمك انت والمدام على
العشا اليوم وما بدى اعتذار

ادهم: مش عارف يا فادي مش عارف

فادي: شو بك يا صاحبي ليش بتشيل الهم

ادهم: حاجات كتير اوى يا فادي تعبان ونفسي استريح

فادي: نور..... بس والله باين بعيونها انها تحبك

ادهم: عارف انها بتحبني بس غلطت في حقها ورافضة تسامحني
حتى

فادي: بتحبها

تنهد ادهم بقوة: اوى..... اوى يا فادي

فادي: يبقى تعمل المستحيل من شان ترضى عليك

ادهم: حاولت كتير وهي رافضة عنيدة ودماعها نشفت

فادي: شو رايك بنخليها تغير عليك

ادهم: الله يخليك بلاش افكارك المهبطة انا عارفك

فادي: والله انت عبيط بخليها تغير عليك وتيجي تحت رجلك
بتقولك سامحني يا ادهم

ادهم: والله لو عملت ايه دي طالبة الطلاق ومفيش حاجة هتخليها
تترجع انا عارفها

فادی:امم بنشوف بنتعشى سوا اليوم وبنشوف شو الى راح يصير ما
تخاف

كانت نورتستمع كل حديثهم بالكامل وقررت ان توافق على
العشاء بعدما عرض عليها ادهم الامر

فى المساء كانت نور فى كامل زينتها حتى ادهم عندما شاهدها
شعر بالغيرة تنهش بقلبه واراد لها ان تبدل ملابسها ولكنها رفضت
ولم يجد سبيلا غير الخروج

فى موعد العشاء كان الجميع فى استقبالهم

فادی:ياالله الدنيا والله نورت بيكم

ادهم:ده نورك يا فادی عاملين ايه يا جماعة

الجميع:الحمد لله

غمز فادی لريما ان تتمايل على ادهم حتى تثير غيرة نور وفعلت
ريما على مضمض كانت تتمايل على ادهم بشكل مغرى لاحظتها
تقى

نور:شايضا البت بتعمل ايه

نور بعدم اهتمام:مالها

تقى:بصى كده بتكلم ادهم ازاي دي بجحة اوى

نظرت نور اليهم وجدتهم ينظرون اليها امسكت بهاتفها تعبت به

حتى رن هاتفها وقامت من مكانها لترد عليه

ادهم:الله يخرب بيتك شكلك هتوديني فى داهيتا

فادی:والله ما بعرف لو حدا غيرها كانت بتقلب الدنيا على راسنا
الواضح انك مزعلها كتير
ادهم:اوى اوى

فادی:ريما..... خليكى وراء نور متل ما فهمتك
ريما بغضب:حاضر شئ تانى

فادی:لالا مرسيه

قامت ريما خلف نور وجدتها تتحدث فى الهاتف راتها نور فاغلقت
المكالمه

خير يا ريما

ريما بتردد:والله ما بعرف شو راح اقولك انتى صعبانه عليا كتير
انا والله بعمل هى باتفاق مع فادی من شان بتغيرى على ادهم
ضحكت نور:انا عارفة بس مش عارفة انتى جيتى تقولى ليه
ريما:عشان تعبت من فادی ومن تصرفاته عم بحبه كتير كتير
وهو ما بيحبنى

نور:وليه ترضى بالوضع ده سيبه وعيشى حياتك ده واحد مش
خايف عليكى ده لو كان بيحبك هيخليكى تتمايلى على
صاحبه كده

ريما بتفكير:ما بعرف راسى عم توجعنى من التفكير
امسكت نور بيدها:ريما انتى غاليه خليكى دايمه غاليه الناس
ديما تجرى وراء الغالى وترمى الرخيص فادی ده لو بيحبك
هيتجوزك ومفيش كلام تانى عايزك يبقى بالجواز مش

بالصحبية والكلام الفارغ ده عززي نفسك يا ريما خليه يعرف
قيمتك

ريما: كلامك على اد ما وجعنى على اد فوقنى يا نور اوعدك انى
مراح ارخص من حالى معه

نور: برافو عليكى واقتكرى انك غاليته وخلي راسك مرفوعه
ريما: اوكيه وشو راح تعملى مع ادهم

نور بخبت: انا هقولك هتقولى ايه

عادت ريما وجلست بينهم وبعدها بقليل عادت نور

همس فادى لريما: ها شو اللى صار

ريما: عم بتتكلم مع حدا اسمه اه عمرو عم بيتقوله
وحشتنى

فادى: مين عمرو

ريما: ما بعرف اسال ادهم

اتجه لجانب ادهم: ادهم بتعرف حدا اسمه عمرو

اندهش ادهم: عمرو عمرو مين

فادى: ما بعرف ريما سمعت نور عم تتكلم مع شخص اسمه عمرو

نظر ادهم الى نور بغضب ثم قام سريعا: طيب يا جماعة احنا
جايين تعابنين من السفر ولازم نمشى

زياد: طيب استنى شوية لسه بدرى

نور: اه يا ادهم لسه بدرى

ادهم: لا معلى انا تعبان يلا

ذهبوا سويا الى المنزل ووقف ادهم امام البحر

نور:ها مش داخل

ادهم دون ان يلتفت اليها:لا مش دلوقتي ادخلي انتي

نور دون اهتمام:او كيه باي

ظل ادهم امام البحر ينظر الى امواجه المتلاطمة وظل امامه وبعد

مدة عاد وسمع نور تتحدث في الهاتف

تضحك بشدة:وحشتني اوى يا حبيبي اخبارك ايه لالا بجد طيب

انت عامل ايه لا مش دلوقتي احنا اتفقنا على شهرين والموضوع

ينتهي

سمع صوت دخول ادهم:طيب هكلمك تاني بااى

فتح ادهم الباب بعصبية:بتكلمى مين

نور:مفيش ده احمد

ادهم:احمد انتي متاكدة

نور:اه طبعا تصبح على خير

مكاوي الكتب
www.hakawelkotob.com

الفصل الحادي عشر

بدا الشك يتسلل الى قلب ادهم وهو يراها تتحدث في الهاتف وتغلقه فور عودته حاول ان يستمع الى اى كلمة او ان يمسك بالهاتف ولكنها لم تكن تتركه كانت نور مستمتعة بما يحدث وهى ترى نار الغيرة تشتعل فى قلبه وعقله تريد ان تصل الى احساسه بالغيرة واحتمال فقدان شخص غالى يمكنه فعل الكثير من اجله

بداو عملهم كالعادة فى القرية بشكل مكثف وكبيرويوما شعرت نور بدوار شديد كادت ان يغمى عليها امسكتها تقى بسرعتها

ايه يا نور مالك

نور بارهاق: مش عارفت يا تقى الدنيا كلها بتلف بيا
تقى: طيب تعالى تعالى نروح المستشفى

نور: لالا ملوش لزوم دلوقتي هبقى كويست

تقى: لا يا نور شكلك تعبان اوى اطلب ادهم

نور: لالا خلاص هروح معاكى

ذهبوا سويا الى المشفى وبعد الكشف والفحوصات اخبرتها

الطبيبة بخبر لم تكن تتوقعه

مبروك يا مدام انتى حامل

نور بذهول: ايه حامل

تقى: مبروك يا نور الف مبروك لازم ادهم يعرف انا هطلبه

نور: لا لا يا تقى مش لازم يعرف

تقى: انتى بتقولى ايه مش يمكن الحمل ده يرجع الحياة بينكم

تانى يا نور

نور: يعنى يرجعلى عشان ابنه لا يا تقى لا

تقى: ايوه بس كده حرام عليكى يا نور ادهم لازم يعرف

نور: هيعرف يا تقى بس مش دلوقتى

ظل ادهم يراقب نور وتصرفاتها ولكنه لاحظ عليها الفترة الاخيرة

تعب وارهاق ومستمر

ادهم: مالك يا نور فيكى ايه شكلك مش مضبوط

نور بارهاق: لا ابدأ مفيش عادى يعنى الشغل وكده

ادهم: طيب قومى اوديكي لدكتور يطمنى عليكى

نور بسرعة: لا لا انا كويست مش محتاجة دكتور عن اذنك

قامت وتركته يفكر ويفكر فى احوالها سمع صوتها فى الحمام

نور مالك فى ايه

اجابته من خلف الباب: لا مفيش انا كويست بس اخدت برد

ادهم: انا هروح اشوف دكتور

خرجت سريعاً: لا يا ادهم انا كويست هدخل انام دلوقتى وهبقى

كويست

ادهم: تمام براحتك لو حسيتي بحاجة طمنييني

نور: اوكيه عن اذنك

تركته وذهبت لغرفتها تبكي كانت تريد ان تخبره بخبر حملها
وترى الفرحة في عينه ولكنها تخاف ان يكون الحمل هو سبب
لرجعوهم وليس الحب

كان ادهم في عمله يتابع عمله دخلت عليه نانسى ووقفت امامه
رفع راسه وجدها امامه

ادهم: افندم خير جايت ليه

نانسى: معقول يا ادهم تكون مش عايز تشوفنى

ادهم: اه معقول انا مش طايقك اودامى كل اما اشوفك افتكر ان
مراتي طالبة الطلاق بسببك

نانسى: مش مهم طلقها ونرجع احنا لبعض وخلص

ادهم: ههههه اطلقها لا طبعا مستحيل انا بحبها ومقدرش استغنى
عنها مقدرش ابدأ

نانسى: بس انا حبيبتك يعنى اول حب في حياتك مش معقول
تكون نسيت

ادهم: يا ريتنى اقدر انسى وافتكرو نور وبس مكنتش تعبت دلوقتى
وهى بعيد عنى يا ريتها كانت اول حب في حياتى عمرى ماكنت
هتعب زى دلوقتى

نانسى: بس انا بحبك يا ادهم اه غلطت زمان بس دلوقتى انا اهوو
اودامك نرجع ونعيش حياتنا

ادهم بغضب: انتى مش عايضة تفهمى ليه انا مش بحبك انا بحبها
هى بحب نور وبس

نانسى بغضب: ماشى يا ادهم ماشى بس متبقاش تزعل من اللى هعمله
وتركته وغادرت وهو يلوم نفسه على علاقته بها قبل ذلك

كان الارهاق يزداد بنور وكل ما تحاول ان تخبره بالحمل تتراجع
عادت يوما الى المنزل باكرا قابلت ريما وفادى

ريما: نور شو جابك دلوقتى صاريك شئ

نور: لا ابدا يعنى شويت ارهاق مش اكثر بعد اذنكم هروح استريح
شويت

فادى وديما: اتفضلى

تركتهم ودخلت الشاليه القت بجسدها على اول كرسى يقابلها
وبعد قليل دخلت غرفتها لتنام وبدات فى خلع ملابسها شعرت

بحركة غريبة خلفها ظنته ادهم التفت لتجد ... يوسف

صرخت: يوسف

كتم انفاسها: انتى فاكرة لو روحتى فىن هتهربى منى ده هجيبك
لو كنتى فىن يانور بس مش عشان بحبك لالا عشان انتقم منك

ومن حبيب القلب

حاولت ان تصرخ ولكنه كان محكم اليد حول فمها

متحاوليش مش هسيبك الا لما اخذ حقى منك

بكت بشدة ووضعت يدها على بطنها خوفا على جنينها واستطاعت

ان تفلت من يده

نور: انت ايه مجنون مش اتسجنت يبقى عايز ايه تتعدم عشان ارتاح منك

يوسف: تو تو عيب يا نور خليها عليا اموتلك الباشا وبعدين اقتلك وراه

نور: وانت فاكر اني هسيبك ده لو فكرت بس تاذيه والله لاقتلك صفعها وصرخ بها: لسه بتحبيه بعد خيانتته ليكي

اندهشت نور وحاولت الا يظهر عليها شئ: وانت مالك انا حرة حرة هجم عليها: وانا مش هسيبه يتمتع بيكي يا نور سمعتيني

ظلت نور تصرخ وتحاول الافلات منه لكنها لم تسطع

سمعت ريما صوت صراخ لم تتعرف على الصوت من البداية ولكنها استطاعت ان تعرف انه صوت نور

ريما: فادي عم بسمع صوت نور بتصرخ

فادي: انا سمعت نفس الشئ بس ما بعرف

زاد صوت الصراخ مرة اخرى: لالا هو صوت نور

جروا سريعا عليها ومن حسن حظهم ان الباب كان مفتوح دخلوا ووجدوا يوسف يهجم على نور وهي تصرخ وتبكي

هجم عليه فادي وظل يضربه بكل قوته وريما تحتضن نور التي لم تتوقف عن الصراخ والبكاء

ظل فادي يضرب يوسف حتى سقط مغشيا عليه واتجه الى نور: ها نور كويست

لم تتحدث ولكنها اومات براسها بالايجاب

امسك هاتفه وطلب رقم ادهم

زياد: ادهم موبيلك بيرن

ادهم: شوف مين مشغول

امسك بالهاتف فوجد رقم فادي: ده فادي

ادهم: رد عليه شوف عايز ايه

زياد: ايوه يا فادي فينك النهاردة

فادي: زياد ما هو وقته وينه ادهم

زياد: ادهم مش فاضي عايز ايه

صرخ به: بدى اكلمه بسرعة

زياد لادهم: ده مصمم عايزك انت

ادهم: ايوه يا فادي خير

فادي: ادهم لازم تيجي الحين على البيت

ادهم بقلق: في ايه يا فادي

فادي: ما بعرف في حدا دخل على بيتك وهجم على نور بس لحقته

انا وريما

ادهم بصراخ: اييه نور مالها يا فادي

- مو وقت حديث بتكونى عندي هلا

جري باقصى سرعة ووصل الى البيت وجد نور تبكى في حضن

ريما وفادي معهم ويوسف ملقى على الارض

اتجه سريعا الى نور: نور نور مالك في ايه طمني

القت بنفسها في احضانها: ادهم انا خايضة اوى كان هيموتنى

احتضنها بشدة: لالا يا حبيبتى بعد الشر عليكى متخافيش انا

جبلك اهوو متخافيش

فادی:مین هاد یا ادهم

ادهم:مش وقته یا فادی بعدین اظمن بس علی نور وبعدين نتکلم
ادخلها غرفتها مع ریما وخرج یرمی بالمیاه علی وجه یوسف حتی
شهو بسرعت

امسکه ادهم من یاقتة قمیصه: انت ایه حیوان ایه المرة دی
هتومت یا یوسف هتتاک

ظل یضربه بشدة وهو یترنج من الضرب حتی انه لا یقاومه وادهم
یضربه بكل غضب وطلب الشرطتة واتهمه بمحاولتة سرقتة الشالیه
وبالفعل تم القبض علیه وادخاله السجن مرة اخرى

اما نور فقد نامت بعد عناء وظل ادهم بجوارها بعدما رحلت ریما
وفادی اقترب منها واحتضنها ونام بجوارها وفي الصباح قامت نور
مفزوعة

ادهم

قام ادهم من نومه:هاا یا حبیبتی ایه مالک

نور:ادهم انت کویس یوسف کان هنا

ضمها الیه بسرعت:متخافیش یا حبیبتی متخافیش انا جنبک اهوو

یوسف خلاص راح فی داهیتة

نور:یعنی مش هیرجع تانی

ادهم:لا یا حبیبتی متخافیش مش هیرجع وغلاوتک عندی لاودیه

وراء الشمس حیوان ده

طوال الفترة التالیة حاول ادهم التقرب من نور حتی تتراجع عن

فكرة الطلاق وتعود الحیاة بینهم الی ماكانت علیه

اما نور ظلت مترددة ان تخبره بحملها ولكن بعد قليل سيظهر عليها
الحمل ولا تريد ان يزيد الفراق بينهم اكثر من ذلك
كانت يوما في عملها اتاها اتصال من رقم غريب ردت عليه وجدته
صوت رجل :مدام نور

نور:ايوه مين معايا

الرجل:مش مهم مين المهم ان جوزك دلوقتي بيخونك في الشاليه
بتاعك وعلى سريرك ايه هتفضل ساكتة ولا ايه
انهى الاتصال ونور تبكى بحرقة وخرجت تتوعد ادهم ان تخبره
بحملها وتتركه وبلا رجعة والان

جرت سريعا الى الشاليه سمعت صوت ادهم بالداخل يتحدث مع
امراة لا تعرف لماذا ظلت مكانها تستمع الى الحوار
ادهم:انا مش فاهم انتى ايه جبلة حيطت
نانسى:لا بحبك وهفضل احبك

ادهم:والله لو عملتى ايه لا هحبك ولا ابصلك كفايت كفايت
ان نور بعدت عنى بسببك
نانسى:مين نوردى اللى عاملها حساب انا اللى حبيبتك لكن هى

تروح ويجى غيرها

ادهم:ده لو فى غيرها نور مضيش زياها نور جوهرة غالية اوى مضيش
منها

نانسى:يعنى ايه مش هنرجع تانى يا ادهم ده انا حبيبتك

ادهم:لا لانور بس هى اللى حبيبتي نور وبس فهمتى ولا لسه

نانسى:اه بلاش تتغر فيها كده لتكون بتستغفلك وماشيت مع غيرك

صفعها على وجهها بغضب وجذبها من شعرها:اياكى اياكى تجيبى سيرتها على لسانكنور اشرف منك ومن عشرة زيك ضافرها بمليون واحدة زيك

نانسى :على ايه ماانتوا خلاص هتتطلقوا باقى عليها ليه جاءها صوت من خلفها:عشان انا بحبه وبموت فيه كمان دهشت اصابتهم وهم يرون نور تقف امامهم اتجهت الى ادهم القت بجسدها بين احضانه ونظرت لعينه مباشرة مش انت بتحبني يا ادهم

ادهم هامسا:انا بعشقتك مش بحبك وبس نظرت الى نانسى بتحدى:وانا بموت فيك يا روح قلبى جرت نانسى سريعا غاضبة وتركتهم سويا ادهم:نور صدقتيني دلوقتي نور:مصداقك غصب عنى يا ادهم يوم ما شوفتك معاها كنت بموت

ادهم:بعد الشر عليكى حبيبتي ان شاء الله هى واللى زيها امسكت بيده ووضعتها على بطنها فلم يفهم شئ ادهم:ايه ده فى ايه

نور:هنا ابنك يا ادهم

اتسعت عينا ادهم بشدة:نور انتى حامل

نور:ايوه يا ادهم حامل

.....

تاكدت نانسي الان انه لم يعد لها مكان في حياة ادهم وقررت
الرحيل عنه وللابد اما عند ادهم كانت فرحته لا توصف بخبر
حمل نور وتاكدتها الان انه يحبها هي وحدها
ادهم:يااه يا نور متعرفيش فرحتي بخبر الحمل ده ازاي حاسس اني
طاير بس انتي بقالك اد ايه

نور:بصراحة بقالي تلات شهور بس كنت ساكتة

ادهم:ليه يا نور هو ده كمان عقاب ليا ولا ايه
لمست وجهه بكفها واقتربت منه:بصراحة اه كنت عايزة اعرف
راجعلى انا ولا لابنك

ادهم:انا عايز اعرف هو انتي مجنونة ولا ايه من قبل ما اعرف انك
حامل وعايز اصالحك وانتي دماغك نشفت اوى ومطلعت عيني
ضحكت بشدة:اعمل ايه كان صعبان عليا اللي انت عملته يا ادهم
ضمها اليه بقوة:خلاص بقي عشان خاطري بلاش نفتح في القديم
مش عايز حاجة تزعلنا ولا تفرقنا تاني

ابعدا عنه فجاة:بس قوليلي هنا مين عمرو اللي بتكلميه في
الموبيل

ضحكت نور بشدة:ولا اي حد اصلا دي بصراحة لعبت عملتها مع
ريما عشان اشوفك هتعمل ايه

ادهم:اه ه ه يا مجنونة بس انتي كنتي بتكلمى مع حد في
الموبيل

نور:اه طبعا احمد ويقولى هاتى اكلمه اقوله بعدين عشان اشوف
وشك عامل ازای

ادهم:بقى كده ماشى ماشى

وامسك بكوب ماء كان بجوارالسريروصبه عليها

قامت تجرى على المطبخ واحضرت زجاجة ماء ورمته بها ظلوا
هكذا حتى شعرت بدوار خفيف وجلست على الكرسي اسرع اليها
بقلق

ادهم:ايه يا حبيبتى مالك

نور:دوخت شويته اصل الدكتورة قالتى بلاش حركة كثير

ادهم:طبعا عندها حق عشان كده مفيش شغل تانى خلاص

نور:ايه ازای

ادهم:زى الناس كفايته ركوب الطائرة لوحده خطر يبقى الشغل
ايه

نور:ستات كثير بتشتغل وهم حوامل

ادهم:اه بس مش مهندسين وقضين وسط عمال ولا ركبوا طائرة
زيك

نور:حبيبي بس انت عارف ان بحب الشغل ازای

وضع يده على بطنها:الشغل ولا ابنا

نور بابتسامته:لا طبعا ابنا حبيبي

حملها فجأة :طيب يلا بقى اصل امه وحشتنى اوى وعاييزها فى
كلمته سر

كان مروان يجلس في مكتبه في القرية السياحية التي ينافس
بها ادهم وجد جيلان تدخل عليه رفع راسه نظر لها وعاد لعمله
مروان:خير عايضة ايه

جيلان بحزن:بدل ما تقولى ازيك تقولى عايضة ايه
مروان:اوف بقى مش هخلص منك انا

جيلان:يا مروان حرام عليك ده احنا اخوات

مروان:وحياة ابوكى بلاش حكاية اخوات دى متاكلش معايا هاا
عايضة ايه

جيلان:انا هتجوز يا مروان

مروان:نعم يا اختى تتجوزى مين

جيلان:عادل خطيبى الاولانى اللى انت عملت المستحيل عشان
تفرقنا زمان فاكر

مروان:اه ودلوقتى رجعتوا لبعض طيب والمطلوب يا هانم

جيلان:تيجى يا مروان وتكون وكيلى

مروان:ههههه انتى مجنوننة ولا ايه انا مش فاضى لوجع الدماغ ده

انتى حرة انتى خلاص كبرتى وتقدرى تتجوزى لوحدك

جيلان بحزن:بس نفسى اخويا الكبير يكون معايا واقف جنبى

احسن ان ليا ضره وسند

مروان:بلاش وجع دماغ دورى على اى حد واعمليه وكيلى يلا يلا مع

السلامة

خرجت من عنده حزينة غاضبة من اخيها الذي يرفضها لمجرد انه
ليست شقيقته من الام

ذهبت لخطيبها عادل حبها الاول واول من يدق باب قلبها جلست معه
في احد المطاعم حزينة من مروان وافعاله قصت عليه ما حدث من
مروان وافعاله معها

عادل: حبيبتي قولتك بلاش مروان عمره ما هيتغير

جيلان: كان نفسي يبقى ليا اخ واقف جنبى فى يوم جوازي بس
يظهر مليش نصيب

عادل: وهو انا مش مكفيكى يا جى جى

جيلان: بالعكس يا حبيبي انت عندي بالدنيا كلها وكفايتك انك
لسه بتجنبني حتى بعد السنين دي كلها

امسك بيده وقبلها: مقدرتش انساكي حتى بعد ما اتجوزت فضلت
صورتك معايا كنت بتخيلك اتتى اللى نايمت جنبى مش هيا

كان نفسي اكون اول راجل فى حياتك مش حد تانى

جيلان: خلاص بقى يا عادل مش عايزة افتكر كانت ايام وحشت

اوى راجل اكبر منى بحوالى ثلاثين سنة وشكله صعب كان كل

اما يقرب منى اجرى على الحمام وابقى قرفانة منه يلا اهو راح منه

لله هو ومروان هو اللى بعنى له

عادل: خلاص بقى كل اما افتكر بحس بنار جوايا

جيلان: بعد الشر عليك حبيبي ننسى اللى فات بقى

ظلوا يتحدثون حتى وجدت ادهم يدخل المطعم بصحبة نور وهو
يضمها بحب ويضحكون بمرح ظلت تنظر اليهم حتى لاحظها ادهم
ونور نظروا الى بعضهم

عادل:ايه تعرفيهم

جيلان:هاا اه ناس معرفة عن اذنك اسلم عليهم
قامت واتجهت اليهم :ازيك يا ادهم ازيك يا نور

ادهم وهو ينظر الى نور:اهلا جيلان ازيك

جيلان:بخير الحمد لله

ازيك يا نور

نور:الحمد لله ازيك انتي

جيلان:انا كويست الحمد لله بس كنت عايزة اقولكم حاجة يا
ريت لو كنت زعلتكم مني تسامحوني وتنسوا اللي فات

نظر الى بعضهم با ندهاش وقالت نور:غريبة اللي يشوفك دلوقتي
ميشوفكيش يوم فرحنا وكلامك مع ادهم

جيلان:تعرفي يا نور انا اتظلمت في حياتي كتير اوى وكان نفسي
حد يحس بيا ويوم ما لاقيته مروان اخويا حرمني منه

ادهم:تقصدي ايه

اشارت الى عادل :ده عادل اول واخر حب في حياتي اول ما حبينا
بعض راح لمروان يخطبني منه رفض وبهدله عشان يبعدة عني وبعد

كده جوزني لراجل اكبر مني بتلاتين سنة ... ودلوقتي رجعنا
لبعض وروحت لمروان عشان يجي يقف معايا ويكون وكيلى رفض

وهبقي لوحدى في يوم كتب كتابي

نور:معقول ده انتوا اخوات
ادهم:لا يا نور هو ده مروان مصالحته ثم مصالحته...متزعليش يا
جيلان ممكن طلب
جيلان:خير يا ادهم
ادهم:ايه رايك لو كنت انا وكيك واخوكي
بكت عيونها سريعا:بجد يا ادهم ممكن
ادهم:طبعا ممكن ولا ايه يا نور
نور:طبعا يا حبيبي كلنا هنبقى معاكي وهنعمالك احلى كتب
كتاب انتي وعريسك ايه رايك بقى
قامت واحتضنت نور بفرحة كبيرة:رينا ما يحرمنى منك مش
عارفة انا كنت هبقى لوحدي
تعالوا اعرفكم على عادل
ذهبوا اليه وقدمتهم جيلان لعادل:عادل ده ادهم اخويا الكبير
ودي نور مراته هو صحيح مش اخويا بجد بس والله اغلى من اخويا
كمان
ادهم:متقوليش كده يا جى جى احنا اخوات خلاص
عادل:تشرفنا يا استاذ ادهم
جيلان:عادل ادهم هو وكيلى يوم كتب الكتاب
عادل:بجد مش عارف اشكرك ازاي دي كانت زعلانة اوى من
مروان عشان رفض يكون وكيلاها
نور:طيب ايه رايك كتب الكتاب يكون عندنا فى الشاليه
جيلان:مش عايزين نتعبكم

ادهم: تعب ايه ده اقل واجب قلت ايه يا عادل
عادل: قلت موافق على بركة الله

بالفعل تم كتب كتاب جيلان وعادل في منزل ادهم وسط فرحة
وزغاريط للعروسين وقد قامت نور بتزيين المنزل للحفلة بشكل
بسيط وجميل
علم مروان بالامر واشتد حقه وكرهه لادهم وقرر الانتقام
ومباشرة

كان ادهم يتابع العمل في المواقع ونور ايضا بعدما سمح لها ادهم
بالخروج ايام قليلة للعمل حتى لاتصاب بالوحدة
كانت نور تتابع العمل وفجأة سمعت صراخ وهرج ومرج في المبنى
التي تقف فيه وجدت النيران تتصاعد حولها والعمال فروا هاربين
وتركوها وحدها ظلت تبكي خائفة فالنيران تتصاعد ولا
تستطيع الخروج من المكان
جرى احد العمال على ادهم في مكان اخر
الحق يا ادهم بيه

ايه يا محمد في ايه
المبنى اللي بنشتغل فيه كله ولع
ادهم: ايه بتقول ايه ازاي
محمد: مش عارف فجأة النار ولعت والناس كلها هربت
ادهم: حد جراه حاجت

صمت محمد قليلا فصرخ به ادهم: انطق في ايه

محمد: باشمهندسة نور فوق ومش عارفة تنزل

صرخ به ادهم: ازاي سبتوها ازاي

ظل يجري الى ان وصل الى المبنى وجد النيران تشتعل من كل
مكان والمطافي تحاول اخماد النار جري باتجاه المبنى امسك به
زياد: انت رايح فين اتجنت

صرخ به ادهم: ابعده عني نور فوق

جري سريعا الى المبنى حاولوا منعه لم يستطيعوا انطلق يبحث
عنها حتى سمع صوت صراخها وبكاوها
ادهم: نور انتي فين

نور: ابعده يا ادهم النار جامدة ابعده

راها اخيرا: نور استني انا جايلك اهوو

قفز فوق النار حتى وصل اليها احتضنها بشدة: حبيبتي متخافيش
متخافيش

كانت خائفة ترتعد ويدها على بطنها خوفا على جنينها حاولا
الخروج لم يستطيعوا الى ان ازدادت النيران ولا يوجد مفر منها
نور: ليه يا ادهم جيت ليه

ادهم: مقدرش اسيبك مقدرش

نور: النار يا ادهم انزل لو حدك انا مش هقدر

ادهم: انا اموت ولا اني اسيبك حبيبتي بصي احنا ننط من الشباك
ده وربنا يستر

بكت نور بشدة: وابنا يا ادهم هيموت

بكا ادهم ايضا بحرقة؛ غصب عني انتي اغلى اى حاجة ممكن
تتعوض وانتى لا وربنا عالم انه غصب عني
ظلت تبكى وهى تحتضنه :انا خايضة يا ادهم

ادهم: متخافيش يا حبيبتي خليكى ماسكتة فيا وهننزل متخافيش
ظل محتضنها وهو ينظر للنيران خلفه ووجد زياد والعمال يقضون
بالاسفل وفى لحظات احضروا سيارة مخصصة للكهرباء تقترب
منهم ليهبطوا بها نظر ادهم الى النار من خلفه ماانا اقتربت السيارة
حتى صرخ به زياد

زياد: انزل يا ادهم

امسك بوجهها وقبل راسها: حبيبتي متخافيش ان شاء الله خير
امسكت به وهى تبكى بشدة اغمضت عيناها حتى حملها ووضعها
داخل صندوق كبير مثبت بالعريضة صعد خلفها مباشرة وماان
هبطوا حتى شعرت بوجع شديد صرخت باكية: الحقنى يا ادهم

حكاوي الكتب
www.hakawelkotob.com

الفصل الاخير

حملها ادهم الى سيارة الاسعاف وهي تصرخ من الالم وهي متشبثة به

ادهم:حبيبتي اهدى خيران شاء الله

نور:بطني يا ادهم هموت

قبل يدها وهو يبكي:حبيبتي متخافيش هتبقى كويستا

نور:مش قادرة تعبانت اوى

انطلقت بهم سيارة الاسعاف الى المشفى ودخلت نور حجرة العمليات

وادهم بالخارج وانضم اليه فادى وريما وتقى

فادى:ادهم شو اللى صار

ادهم:المبنى اللى كان هيتعمل جيم وسونا النار مسكت فيه وربنا

ستر انه مكنش فيه اجهزة ولا اى حاجت

www.hakawelkotob.com

تقى:طيب نور عاملت ايه

ادمعت عينه :مش عارف الحمد لله ان العربية دي كانت موجودة

النار كانت خلاص وصلت المبنى كله كان ممكن نموت

بس ربنا يستر عليها

فادى:ما تخاف خيران ان شاء الله

ادهم:يارب استر

بعد حوالي ساعة خرج اليهم الطبيب فاسرع اليه ادهم:خير يا
دكتور

الطبيب:خير ان شاء الله ربنا ستر المدام والبيبي بخير الحمد لله
سجد ادهم على الارض وهو يبكي ثم وقف امام الطبيب:طيب
يادكتور الواقعة كانت صعبتولا ايه

الطبيب:يظهر وهي بتنزل العربية دي نزلت بقوةده اللي سببها
التعب ده والمغص المهم انها بخير بس طبعا ممنوع الحركة عليها
مش اقل من شهر نهائي

ادهم:طبعا يا دكتور بس ممكن ادخل اطمن عليها
الطبيب:هتنتقل اوضت عادية وممكن تدخل تشوفها بس ممنوع
الاجهاد خالص

ادهم:حاضر بس اشوفها بس
انتقلت نور الى غرفة عادية والكل حولها ليطمئنوا عليها بعد
فترة بدات تفيق وكان ادهم بجوارها يحتضن كفها بيده نادت
عليه بصوت ضعيف:ادهم
ادهم:ايه يا حبيبتي انا اهو حمد لله على السلامة

نور:الله يسلمك وضعت يدها على بطنها
فامسك بها ادهم:متخافيش يا قلبي ابنا بخير الحمد لله اطمني
نور بفرحة:بجد يا ادهم هو كويس
ادهم:زى الفل الدكتور طمني بس قالي بقى ماما نور متقومش من
السرير خالص مفهوم
ابتسمت نور:مفهوم يا حبيبتي

تقى: حمد لله على السلامة يا نور

نور: الله يسلمك يا تقى

ريما: الله ستر عليكى حبيبتي الله يحفظك

نور: ايوه الحمد لله

رن هاتف ادهم فخرج من الغرفة ليتحدث: ايوه يا زياد ها عملت ايه

زياد: ايوه يا ادهم كله تمام الحمد لله انها جت على اد كده طمنى

على نور

ادهم: الحمد لله يا زياد ربنا سترهى والبيبي بخير

زياد: الحمد لله يا ادهم ربنا يحفظهملك

ادهم: يارب يا زياد بقولك ايه خلى العمال يفتشوا المكان ممكن

يكون فى حاجة تانيه

زياد: تمام بس النيابة على وصول مش هتيجى

ادهم بسرعة: زياد اوعى تقول حاجة انا جاى على طول مفهوم

زياد: طيب بس ليه

ادهم: بعدين يا زياد بعدين

دخل غرفة نور: حبيبتي معلى هروح القرية وارجع على طول

نور: ليه حصل حاجة

ادهم: لا كله تمام بس النيابة زمانها على وصول ولازم اكون

هناك

فادى: راح نتهم مين ادهم

ادهم بتفكير: مضيش حد

نور: ازاي يا ادهم لا اكيد مروان

ادهم: وايه اللي يثبت

نور: المشاكل اللي بينكم مش دليل

ادهم: لا طبعا ده مجرد كلام مع انى عارف ومتأكد انه هو بس
حسابه معايا انا

امسكت بيده: ادهم عشان خاطرى بلاش تهور كفايتة اللي حصل
لحد كده

نزل امامها: وغلاوتك انتى اللي عمله ده مش هيعدى بالساهل ابدا

نور: ادهم حرام عليك انا خايضة متبعدهش عنى

ادهم: اوعى تخافى يا نور طول ما انا جنبك

نور: ماهو عايز تسبنى لوحدى انا وابنك

ادهم: متخافيش انا مش سايبك لوحداك

فادى: اكييد نحنا معك نور ما تخافى

ادهم: مش لوحداك وبس يا فادى

مكاوي الكتب
www.hakawelkotob.com

سمعوا دقائق على باب الغرفة ففتح فادى فوجد رجلين ضخام

الجثة مفتولى العضلات بملابس سوداء يقفون امام الباب

ادهم: حمد لله على السلامة الرجالة هيفضلوا هنا يحرسوكى لحد

ماارجع

نور بهمس: ادهم دول شكلهم يخوف اوى

ادهم: ههههه لا حبيبتى دول هيفضلوا بره الباب عشان ابقى مطمئن
عليكى لحد ماارجع اشوف وشك بخيريا عمرى مش هتاخر
عليكى

نور: بلاش يا ادهم

قبل راسها: متخافيش هرجعلك باذن الله

تركهم وغادر تحدث مع الرجال قليلا ثم ذهب للقريه وجد
النيابة تحقق مع زياد والعمال الموجودين عرفهم زياد بادهم وبدوا
التحقيق معه

وكيل النيابة: يا شهندس ادهم تنهه مين بحرق المبنى

ادهم: مفيش اى حد انا مليش عدواة مع حد يا فندم

الوكيل: ايوه بس ده اكيد بفعل فاعل ومتنساش ان المدام
بتاعتك كان ممكن يجرالها حاجه

ادهم: الحمد لله هي بخير ومحصلش حاجه وانا لو اعرف هقول

لحضرتك على طول

لم يستطيع وكيل النيابة انا يعرف اى شئ من ادهم الذى كان
مصر على اقواله بدون اى تغيير واخيرا تركهم وذهب

زياد: ممكن اعرف مقولتش ليه على مروان يا ادهم اكيد هو اللى
عملها

ادهم: طبعا هو اللى عملها وانا مش هسكت

زياد: او مال مقولتش للنيابة ليه ناوى على ايه انا عرف دماغك

ادهم: هتعرف كل حاجه فى وقتها المهم المكان لازم يتامن
كويس يا زياد كفاية اللى جرى

زياد: ادهم انا عرفك انت اكيد وراك مصيبت
ضحك ادهم بشدة: يا صاحبي متخافش صاحبك ميسبش حقه
ابدا

زياد: اه طبعا مانا عارف

كانت جيلان نائمة ايقظها عادل: جى جى قومي

جيلان وهى تضيّق من نومها: ايه يا عادل فى ايه

عادل: القرية بتاعت ادهم ولعت

جيلان: ايه بتقول ايه مين قالك

عادل: الناس كلها بتتكلم ويقولوا انه نط هو ونور من الدور التانى

وانها حامل ربنا يستر

جيلان: اكيد هو اكيد مروان

عادل: توصل لكده

جيلان: واكثر من كده انا لازم اروح اطمن على نور وادهم

ذهبت بصحبة عادل الى المشفى وجدوا ادهم يقف مع بعض الرجال

امام غرفة نور

www.hakawelkotob.com

جيلان: ادهم طمنى نور عاملت ايه

ادهم: الحمد لله يا جيلان ربنا ستر

عادل: طيب ومعرفتش مين عمل كده

جيلان: مروان صح ؟

ادهم: اكيد هو بس انا معنديش اى دليل عليه بس مش هسكت

جيلان: لا طبعا اوعى تسكت وعلى فكرة انا معايا ورق ممكن

يوديه وراء الشمس

ادهم:ورق ايه

جيلان:ورق يثبت انه بيتاجر في السلاح مع ناس كبيرة اوى

ادهم:وانتى جبتى الورق ده منين

جيلان:من درج مكتبه لم كنت بروح البيت عنده اول ما لقيتاه

اخذته قلت اهددوا بيه لو رفض يدينى ميراثى فى بابا

ادهم:حلو اوى كده انا عايز الورق ده يا جيلان

جيلان:بكره الصبح هيكون عندك ادخل انا بقى اظمن على

نور

ادهم:اتفضلى



ظلت نوراسبوع فى المشفى حتى تستقر حالتها وعادت الى البيت

وجدت امرأة فى الاربعين من عمرها وثلاث رجال يقضون خارج

المنزل

نور:ادهم ايه ده ومين دول

ادهم:حبيبتي دى هنيةت هتخدمك الفترة اللى هنفضل فيها هنا

والرجالة دول يحرسوكى طول ماانا مش موجود

نور:حبيبى ربنا ستر مش معقول حد يضكر يعمل حاجة تانيه

ادهم بتفكير:انا مضمنش يا نور انا خايف عليكى وكفايتة اللى

حصل لحد دلوقتى ويلا يا ست الكل على اوضتك عشان

تستريحى

نور:بقيت اخاف من اللى هتعمله يا ادهم

ضحك ادهم: حبيبتي اوعى تخافى خير ان شاء الله باذن الله خير
يا حبيبتي

جلس مروان فى مكتبه مع رشاد رجلاه الاول :بس تصدق زعلت
فكرت مراته ماتت ولا حاجة ولا العيل ينزل عشان تبقى كسرة
وسط على حق

رشاد: كفايتة الى عملناه يا باشا بعد كده هيفكر مليون مرة
قبل ما يعدى من اودامك حتى
ضحك مروان بغرور: طبعا ده بس قرصت وذن صغيرة عشان يحرم
يلعب معايا

رشاد: استاذ ورئيس قسم يا مروان باشا

كان مروان يستقل سيارته مع رشاد حتى اعترضت طريقه سيارة
كبيرة نزل منها مجموعة من الرجال الاقوياء واتجهوا الى سيارة
مروان
مروان: ايه فى ايه

احد الرجال: انت مروان الشناوى

مروان: ايوه انا فى ايه

الرجل: هتعرف بعدين تعالى معانا

حاول مروان مقاومتهم لكنهم كانوا اشداء اخذوه الى سيارتهم
هوورشاد الى مكان مغمض العينين

دخلوا المكان وجلسوا على كرسى ينتظرون ان يتحدث اليهم احد
ولكن لم يحدث اكثر من ساعة حتى سمعوا وقع اقدام وفجأة
يزيل عصابة عينه احد الرجال نظر امامه فوجد ادهم يقف امامه
وهو ينفث احد السجائر

ادهم: حمد لله على السلامة يا مروان باشا

مروان: انت جبتي هنا ليه يا ادهم

ادهم: ابدا اصلك وحشني قلت اشوفك

اشار الى احد الرجال فقام باحضار سائل والقاء حول مروان ورشاد
الذين صرخوا خوفا من النار

مروان: انت بتعمل ايه

جلس ادهم يضع قدما فوق الاخرى وهو ينفث سيجارته: ابدا قلت
الدنيا برد قلت ادفيك

صرخ مروان: انت بتهزريا ادهم

قام ادهم ووقف امامه وصفه على وجهه: متفكرش تلعب معايا
تاني يا مروان والى انت عملته مش هيعدي عليك بالساهل ابدا

اشار الى الرجال: خدوهم من هنا وعلقوهم

صرخ به مروان: انت اتجننت يعلقوا مين ؟

صفه مرة اخرى: عيب تتكلم معايا كده كده ولا تحب نجيب
الحكومة تتفرج على الباشا تاجر السلاح وهو متعلق ولا اقولك

مش دلوقتي شوية كده

اشار الى الرجال وعلقوهم وشغلوا الكهرياء

.....

صرخات مروان ورشاد دوت في المكان باكملة وهم يشعرون بالالام من صعقات الكهرباء ولكن هذا لم يشفع لهم عند ادهم الذي يجلس رافعا قدما فوق الاخرى وهو ينفث سيجارته وينظر اليهم بهدوء شديد كأنه يشاهد مشهدا في احد الافلام استمر الحال مدة كبيرة حتى اشار لهم ادهم بانزالهم

ادهم: ايه يا مروان تعبت طيب نستريح شوية وبعدين نكمل صرخ به رشاد: ادهم بيه حرام عليك طيب انا ذنبي ايه ده هو هو اللي عمل كل حاجة

نظر اليه مروان بغضب ولكن ادهم انفجر في الضحك: شوفت شوفت يا مروان الراجل بتاعك باعك اهوو عارف ليه لانك رخيص رخيص اوى

ثم اشار الى رجاله: هااا يا رجالة نكمل ولا كفايتة

رشاد: ابوس ايدك كفايتة ارحمني

وضع ادهم سيجارته بين شفثيه: تمام انا ممكن اسيبكم بس تقولولى على سبب واحد يخليكم تعملوا كده

تولعوا في المبنى وتحولوا تقتلوا مراتى لا وكله كوم ويوسف

كوم تانى يوسف اللي اتفقتوا معاه واشترتوه عشان يقتلنى

مروان: اهو كده انا مزاجى كده الا قولى مراتك ماتت ولا لسه

وقف ادهم امامه ثم صفعه بقوة ثم امسكه من قميصه ليقف

امامه ظل يضربه بكل قوته حتى خارت مقاومته مروان واخيرا

استسلم لضربات ادهم الغاضبة

ظلت نور تنتظر ادهم حتى وقت متأخر من الليل حتى رات سيارته
 تقف امام المنزل قامت سريعا لتستقبله
 وما ان راها حتى غضب منها: نور ينفع كده مش قلنا مفيش حركة
 نور: غضب عني انت سيبنى لوحدى لحد دلوقتي وانا خايضة
 ومعرفش حد من الناس دي وخايضة منهم
 ضمها بذراعيه وهو متجه الى غرفتهم: يا روح قلبي قولتلك دول
 ل حمايتك متخافيش وحقك عليا يا ستى انا عارف انى اتاخرت بس
 كان ورايا مصلحة بقضيها وخلص تمت
 نور: مصلحة ايه يا ادهم فهمنى
 رفع قدميها على السرير ودثرها بالغطاء: مش وقته حببتي انا
 عايزك بس تستريحى عشان اللى فى بطنك مسمعتيش كلام
 الدكتور ولا ايه
 نور: بقيت اخاف يا ادهم خايضة ليجرالى حاجة وملاحقش افرح
 ضمها اليه بقوة: حببتي ليه بتقولى كده انا معاكى اهوو انا
 هفضل جنبك يا عمرى مش هسيبك لو بقى اخريوم فى
 عمرى..... انا اسف انا عارف ان كل اللى بيجرى ده بسببى حقك
 عليا
 رفعت راسها عن صدره: ادهم مقصدش ازعالك واللّه حقك عليا انت
 بس اعمل ايه اللى حصل مكنش سهل ابدا
 ادهم: عارف وعشان كده اخدت حقي وحقك يا نور

نور: انت عملت ايه

ادهم: ولا اى حاجة ممكن بقى تسببني اخد دش واجى انا جنب
مراتي حبيبتى

نور: طيب هقوم اجهزلك العشا

ادهم: ياالله على الدماغ احنا قلنا ايه مش قلنا مفيش حركة انا
هعمل كل حاجة عشان حبيبتى تستريح

نور: هاخذ على كده

ادهم: ده انتى تامرى يا حياتى وانا انفذ بحبك اوى يا نور وكنت
هموت لو كان جراك حاجة بس ربنا كريم

نور: الحمد لله يا ادهم انا قلت خلاص مش هشوفك تانى كنت
ماسكت فيك بشم ريحتك كاني هفرقك

ضمها اليه اكثر: حرام عليكى يا نور ده انا كنت اموت والله
حاولى تنسى اللى حصل ونفكر بس فى اللى جاى ممكن

نور: اممم ممكن يا حبيبتى

حكاوي الكتب
www.hakawelkotob.com

مر اكثر من شهر وبدات تجهيزات افتتاح القرية والكل على اتم
استعداد للافتتاح وقد بدات نور تعود الى طبيعتها شيئاً فشيئاً واليوم
هو موعد الافتتاح كان ادهم ونور وزياد وفادى فى استقبال
المدعوين

كانت نور جميلة بحق بعدما استردت عافيتها عادت الى ما كانت عليه قبل ذلك اما المدعويين فكانوا يعتقدون انها شريكتهم في العمل الا عندما يقدمها لهم ادهم على انها زوجته انشغل الجميع وابدات نور تمل من الوحدة فالكل في حالة ادهم مشغول مع الضيوف وتقى مع زياد الذي اعلن لها حبه ورغبته في الزواج وريما بالطبع مع فادي ظلت تمشى وحيدة راها احد الشباب فاقترب منها:يا انسة لوسمحتي ممكن سوال

ابتسمت نور:ايوه خير تحت امرك الشاب:اصل بصراحة عايز اسالك على نظام الحجز هنا نور:بصراحة معرفش اتفضل اسال جوه في العلاقات العامة الشاب:طيب مش انتي شريكتي هنا اكيد تعرفي لم تكمل نور حديثها استوقفها ادهم الذي اتى اليهم غاضبا:ايه في حاجتي نور:ابدا الاستاذ كان بيسالني على نظام الحجز هنا ادهم:طيب حضرتك تتفضل جوه تسال الموظفين الشاب:انا قلت اسال الانسة بما انها شريكتي معاكم ولا ايه صرخ ادهم في وجهه:انسة انسة مين يا استاذ دي تبقى المدام انسة منين بقي ارتبك الشاب بشدة:طيب انا اسف والله معرفش عن اذنكم تركهم ورحل التفت ادهم الى نور المبتسمة:انا عايز اعرف مشيتي ليه وازاي تقضى مع ده

نور:يا حبيبي انت مشغول والباقي كل واحد في عالم اخر قلت
امشي رجليا مش مشكلتة يعني ثم جه يسالني على حاجة عادي
يعني

ادهم:يا سلام وانتى مبتسمتة اوى وهو بيقولك يا انستة
ضحكت نور بشدة:اعمل راجل عنده نظر كويس ماخذش باله من
بطنى

ادهم:بعد كده هلبسك لبس حوامل عشان محدش يقولك انستة
... قال انستة قال اومال انا بعمل ايه

بعد حوالى ساعة اتجه احد الحراس الى ادهم تكلم معه قليلا ثم
رحل

نور:ايه فى حاجتة
ادهم:شاردا:لا ابدأ مفيش كله هيبقى تمام متخافيش
ماهى الانصف ساعة وسمعت اصوات ابواق سيارات الشرطة تملأ

المكان انقبض قلب نور وهى ترى افراد الشرطة يدخلون القرية
كانهم يبحثون عن قاتل او مجرم وقفت بجوار ادهم الذى كان
يقف صامدا لا يخشى شيئا كانه يعلم انهم قادمون اتجه اليه زياد

بقلق:فى ايه يا ادهم عايزين ايه

ادهم بهدوء:مش عارف دلوقتى هنعرف يا زياد

توجه اليه ظابط الشرطة: احنا اسفين يا ادهم بيه بس جالنا
 اخبارية ان في هيروين موجود هنا ولازم نفتش
 ادهم: المكان تحت امر حضرتك اتفضل فتش براحتك
 بدا وفتيش المكان فقال زياد هامسا: ادهم يمكن مروان عمل
 حاجة وهيورطنا في قضية مخدرات
 ادهم بكل هدوء: لالا متخافش كله هيبقى تمام
 بعد التفتيش لم يجدوا شئ فاعتذر منه الظابط ورحل
 نور: ادهم في ايه وايه حكاية الهيروين ده
 ادهم: ابدا حبيبتي مروان حب يلعب معايا ويبعتلي هدية صغيرة
 كده حوالي كيلو هيروين بس بصراحة انا مش بحب اقبل هدايا
 من حد رجعتها تاني
 نور: يعني ايه
 ضمها بذراعيه: متقلقيش يا حبيبتي يا خبر النهاردة بفلوس بكره
 يبقى ببلاش
 كان مروان يجلس في بيته ينتظر رجاله الذين بعثهم بالمخدرات
 الى قرية ادهم وقام هو شخصيا بابلاغ الشرطة بوجودها
 دقائق سريعة على منزل مروان فتحت الخادمة فوجدت رجال
 الشرطة يملئون المكان
 انتفض مروان غاضبا: ايه ده في ايه
 الظابط: مروان بيه انت مطلوب القبض عليك
 مروان بغضب: انت اتجننت تقبض على مين انت متعرفش انا مين

الظابط:اه طبعا عارف مروان الشناوى رجل الاعمال و.....تاجر
المخدرات والسلاح
ارتبك مروان بشدة:مخدرات ايه وسلاح ايه
ابتسم الظابط:هنشوف دلوقتى
خرج احد رجال الشرطة وييده لفتر المخدرات وتوصلوا الى مخزن
يحتوى على اسلحة كثيرة
اشار الظابط الى جاله:هاتوه اظن كده انا عرفت بالظبط انت
تبقى

ده انت جبار
نطقها زياد موجهها كلامه الى ادهم الذى كان يجلس والفرحة
تعلو شفثيه
ادهم:ليه كده بس هو انا عملت حاجة
نور:كل ده ومعملتش يعنى مروان يبعث ناس بمخدرات والرجالة
بتوعك يمسكوهم وعادى
ادهم:لا طبعا مش عادى اول ما الرجالة قالولى اكدت عليهم
يدوروا كويس ممكن يلاقو حاجة تانية بس الحمد لله ممكنش
فيه

زياد:طيب والحاجة دي راحت فين
ادهم:ههههه انا مش بحب اخذ هدايا من حد رجعتها لصاحبها مع
هدية تانية تخليه متظبط حتى ملف اد كده فى كل جريمه
واوراق تثبت عليه تجارة السلاح

زياد: انا مش قولتلك انت جبار

حكم على مروان بالسجن الموبد اما جيلان وعادل عاشوا حياتهم التي حرموا منها من قبل اما زياد فتزوج من تقى بعدما عادوا من شرم الشيخ اما احمد فتقدم الى خطبة دارين التي وافقت عليه وهم الان يستعدون لحفل زفافهم

احست نور بتعب شديد ظلت تتماسك الى ان شعرت انها لم تستطع التحمل اكثر من ذلك اخذت تصرخ بشدة انتفض ادهم من نومه على صوتها لم يجده بجواره اسرع اليها وجدها ملقاة على الارض تبكى من الاله

ادهم: نور مالك ايه يا حبيبتي في ايه

نور بصراخ: تعبانة اوى شكلى بولد الحقنى مش قادرة

ظل ادهم متوترا لايعرف ماذا يفعل نادا خديجة التي ظلت تواسى نور حتى نقلها ادهم الى المشفى ودخلت الى غرفة الولادة

كان التوتير يسيطر على ادهم وهو ينتظر خروج نور بعد حوالي ساعة خرج الطبيب

اسرع اليه ادهم: ايه يا دكتور طمنى بالله عليك نور فين

الطبيب: انت خايف كده ليه متخافش المدام زى الفل والبيبي كمان اظمن

ادهم: طيب ادخل اظمن عليها

الطبيب: دلوقتي تروح اوضت عادية وتقدر تتظمن عليه بعد اذنكم

خرجت نور من غرفة العمليات وخلفها ادهم بدات تضيق من البنج
 تنادي باسمه اسرع اليها يحتضن كفيها
 حبيبتي حمد لله على السلامة
 تحدثت بصوت ضعيف:الله يسلمك شوفت النونو
 ادهم:شوفتها يا حبيبتي بنوتة زي القمر شبه ماما
 خديجة:حمد لله على السلامة يا نور
 نور:الله يسلمك يا عمتو
 خديجة:هاا يا ادهم هتسميها ايه
 نظر الى نور وقبل راسها:هسميهانور عشان تبقى نور في كل
 لحظة في حياتي تفضل موجودة معايا على طول
 نظرت له نور بحب:رينا يخليك ليا يا حبيبي
 ادهم:يلا قومي كده شدي حياك عشان نور الصغيرة ولا ايه
 اصبحت نور الصغيرة هي الفرحة التي عاشها سويا بحب من بعد
 كل احداث حياتهم فها هم الان حبين ووالدين لطفلتهم الجميلة
 نور.....

www.hakawelkotob.com

تمت بحمد الله
مع تحيات شيماء نيمان

و
حكاوي الكتب للنشر الالكتروني

حكاوي الكتب
www.hakawelkotob.com